

بسم الله الرحمن الرحيم

تیوی حقاک خوندی و

کوہِ باتل
براہوئی افسانہ غاک

نوشتہ کار: ڈاکٹر عنبرین مینگل

شینک سال: 2021ء

بہاء: دو صد روپئی

کمپوزر و سرپنہ: زام آرٹ نوٹشکے (رحیم زام)

شینک کار:

اوتان کلچر اکیڈمی - بلوچستان

کوہِ باتل

براہوئی افسانہ غاک

ڈاکٹر عنبرین مینگل

اوتان کلچر اکیڈمی - بلوچستان

پنابی

تینا ایڑ

”مہربانو“ نا پنا

کہ او نا مہر کنے آ

باز کبین ء

یاتی: دا کتاب ٹی ساڑی افسانہ غاتے بیرہ افسانہ خیال کر سا خوانگے۔ افسانہ غاتا واقعہ غاک
خیالی و، ہر افنہ حقیقت ہلنگپ۔ ہندن افسانہ تیٹ ساڑی کڑدار و او فتا پنک ہم خیالی و،
اگہ افسانہ سینا واقعہ و کڑدار اسے نا پن اتفاق وڑاٹ کس اسے تون ہمگر نچ مس تو او دے
اتفاق کس تلنگے:

منتوار

☆☆☆

لڑ و بند

نمبر شمار	سرحال	پنہ	نمبر شمار	سرحال	پنہ
1	کسہ زندگی ناتران ء	6	14	شاعر	58
2	گدان نامونے	8	15	مہر و محبت	61
3	کوہ باطل	13	16	قبرستان	65
4	مکافات عمل	19	17	ھکل	69
5	بھنگڑی تا شرونگہ	22	18	پر	73
6	بد بخت	24	19	کوڑک	77
7	چو کری	29	20	خدا نارضا کن	82
8	انت قصور کس؟	32	21	ایونے دے دیگرے	87
9	جوگی	40	22	سمندر	93
10	ڈگری و شعور	44	23	نیاڑی	98
11	بزغر	46	24	دشمن	103
12	خیس ناسات و زیور	49	25	نازگر	112
13	قلم	54	26	کونکہ نامش تیٹی زند	115

کسہ زندگی ناتران ء

محمد حمید شاہد تینا اسہ انٹریو سے ٹی پانک کہ کسہ پانک یا لکھنگ زندگی اے اسیکہ و تخلیق کنگ نام عمل اے۔ یعنی افسانہ نوشتہ کنگ زندگی اے بیان کنگ نام عمل اے کسہ زندگی ناتران ء و بندنگ نا بیانیہ ء تو ڈاکٹر عنبرین مینگل ہم اُرے سینائے کسہ لکھسہ زندگی اے بیان کنگ نام عمل ٹی لگوک اے ”کوہ باطل“ آن مہٹ اونا افسانہ تا کتاب ”سُہب نامنزل مُراف“ شینگ مس اوکان مُست ہم اونا کتاب آک ”پہاڑی عقاب“ چاندی کی ٹہنی، اللہ واکبر پرک آتا بال ’وچراغ ناروشنائی‘ شینگ مسنو ہر افک غٹ کسہ نافار میٹ ٹی نوشتہ:

کسہ پانک بندغ نام سماجی زندنا اولیکو کیمون آن اوڑتون اوارے یعنی کسہ بندغ نام شرسٹ اٹ ساڑی اے، داسا ہم ہیٹ ہیٹ اٹ بندغ آک کسہ پارہ وکسہ پارو کا بندغ نام مجلس زیات پُرچس مریک کہ کسہ ٹی تجسس ساڑی مریک و بندغ اے ہینگ آ مجبور کیک۔ ڈاکٹر عنبرین مینگل اُرے ناسے زندگی نام واقعہ غاتے تینا تجربہ و مشاہدہ تے کسہ نام شکل ٹی بیان کیک۔ اونا کسہ تیٹ ننا چا گرڈ ٹی ساڑی مخلوق نارویہ غاک شاملوننا چا گرڈ دنا راج نادڑ داونا کسہ تیٹ خنگل:

گودی عنبرین مینگل نام کسہ نام نوشت نام ترتیب گیشتری بیانیہ اے اونا کسہ تیٹ ندارہ کشی ہم کے ہندار ان دا کسہ غا افسانہ غان خوک و واقعہ تا ڈول وک دا گودی نام تینا نوشت نام اندازے ہندار ان اونا دا اندازے نن مواد ناما چا ناوخت آزیاٹ چھیڑ چھاڑ کتائن بلکہ ہمُن ہلائُن تا البتہ نقاد کس گودی نارابلدی کہ دا کسہ تا اگہ تنقیدی چاچ ء ہلے تو پین جوان مرو۔ گودی عنبرین مینگل تون واقعہ غاک اسل باز و ہرافتے کسہ نام روشم تنگ ٹی اوہمو

کیفیت ٹی انسہ جاگہ جاگہ جذبتیت اس ہم تالان کیک۔

ایلو ہیبت داکہ اونا نوشت ٹی نناراج ساڑی ارے نناراج ناشیٹی بڑزی و خاص کر
زالبول ناڈھ وویل نادرشانی تون اوارنناشیف تپہ ناہمو مخلوق ہر ادے نن مزور و پوریا گر پانہ
دافتے ہم بیان کیک۔ اوکسہ تیٹ مہر و مابت ساڑی اے ہندن اوکسہ تیٹ ظلم و زور اکی
چائے او مذہبی منافرت نا پن ٹی مرے یا استحصالی و استعماری تپہ سے پارہ غان داکل ۽
رد کیک:

دائی چو شک نس اف کہ گودی عنبرین مینگل نا نوشت و کسہ تار و تہ غاک تینا ڈیہہ
وڈ غارتون ہمگر نچ و گودی نا کسہ تیٹ تیناراج نا بزرگ آ مخلوق نا ڈھ وویل وڈ و الم ساڑی
اے داہمو وڈ دے ہر ادے نن زندگی نا اظہار پانگل کینہ کہ زندا نگا بندغ ہر اکہ تہہ آن زندہ
مرے او پین کس نا وڈ دے بیان کیک گودی عنبرین نا کسہ تیٹ نن تینا بزرگ آ مخلوق نا
بزرگ آ زندگی نا گوا چنی آ وڈ وڈ، ڈھ واران چا گرتی نا بیوسی و اونا نوشت تئی احساسیت نا تران
و وڈی آلوز اتادرو شم ٹی تالان مروک نظر بریک:

گودی نا مشاہدہ ٹی بروکا واقعہ غاک ہر اتم کسہ نادر و شم اے ہلسہ نوشت اٹ بسونو
تو اوقتا خنگ آن نن ادراک مروکہ نن نا مخلوق ننا چنا وڈ البول ننا بزغ و پوریا گر اخہ در
لاچار اُن داسکان داد وراٹ ہم اخدر کر یابی بے بسی بے آسراتی نا زندس تدفنگ اُن:
اُمیدے اسہ گچینو ریاضت و مطالعہ سے تون مون مستی ہم گودی عنبرین مینگل تینا
دا نوشتہ ٹی و تخلیقی جُہدے برجاتو:

غنخوار حیات

گدان نامونے

زرناز ہیٹ تے بیڑے، دغرتے یلک کرے دنگ ددینکسہ تینا لمہ غاتے لچار، و
پال * کنگ شروع کریر.....

زرناز بیڑ وکا پال * تے ارے فگدان ٹی بس پالی * آدیگ ۽ خا خراتنا

لمہ تاشان جان تو ار کرے..... او زرناز کئے گلم نس دیر غایت

لمہ تا بیمار ایلو گدان ٹی تماسس۔ ہر وخت بیماری و زوری آن نالا کا

زرناز پارے..... ہولمہ پال * تے پلیفوہ ذرس صبر کر بریوا

لمہ ناتاننگ نا تو ار بسکہ.....

زرناز زو نسپال * تے پلیفہ کہ کا و لمہ ۽ دیر ایتپو۔ پاک لار کر یسہ باف کر یسہ تگ کر یسہ بڑز

بریسہ اسر۔ زرناز چاہ دان ناچ آ تیٹی پالی * آدیگ ۽ پال * تے اف کر یسہ کہ پال *

شوگلپس، شیف کرے خا خرا ن زرس مر تختا کہ بخ مریر

گدان آن پیشتمہ لمہ ناتینا گدان ٹی بس خواہ نابا ۽ ملا۔ تاس سیٹی زرس دیر شا غا لمہ ۽ تینا تس

لمہ تاس ۽ باغاتینا تختا خواہ ناخ انکا دیر تے کنگ پارے..... اف اُجو ز کننا بخ مس..... اف

ایل.....

زرناز گدان آن پیش بس گدان نامون ۽ رونہ خلک اسہ دری نس گدان نامونے شا غا و

اسہ جوئی او بالشت نس تختا.....

گدان ٹی بس لمہ ۽ تینا چک کرے و وڈی تا اُک مدان مدان گدان آن پیش الیس۔ دری نا

ذی آتولیفے تہ لمہ تاندان مدان تینے بربر کر یسہ جو کئی آباشت ء جو کہ خلک و نت ء تینا مریفے
 پارے..... بس داسہ ذرس جوانے۔ تھوئس کنے لگک گوش و چٹا تے گوازی ء خنیوہ۔
 زرننا زپارے لمہ کننا زند و انزده سال و ہشت سال ناع کہ ای نے ہندا وڑ خنیوہ..... گدان نا
 مونے بالشت آتموک، نالیسہ اللہ رحم کے نئے آ.....
 لمہ تاپارے..... گڑا امرکیو بش متگ ناطاقت کنے ٹی اف جان کنابے ساہ ء منج سے کن کاوہ
 صد واکسر ٹی تمبوہ.....
 کاٹم کننا چکر یک خفتا کننا مون تہارمہ مر یک.....
 زرننا زپارے..... بس لمہ جان ای نخل ٹی نا پکی تے نساٹ پدا ملل نا چچ آن کشاٹ تا
 ، دنگ کس شیشی وپہ کر یٹ گدان ٹی نا نساٹ تا استو
 فی خاچوک اسوس نے بش کٹوٹ
 لمہ تاپارے..... اللہ فی کنے پا توس ای زرس کنگوٹہ..... الہہ زوئس ان ات تا..... زرس پکی
 تن کنیو بلکہ دا ا جوز نا خاخر کم مرے
 زرننا زگدان ٹی انا پکی تا دنگ ء ار فے بس پدی پارے..... اف لمہ نا پلک
 لمہ تا دنگ ء ار فے و ملا بائی آ ذرس پکی تینا و لدست آشاغا و بائی تینا شاغاتا
 زرننا زتاس ٹی دیر ہم لمہ کن ایوئس لمہ تا گلم کس دیر تاس آن گنگ و تاس ء شیف تہا دنگ نا
 بائی ء بند کرے
 بالشت نا تیناری ء تہا پارے..... دافے بچ کس ء قفیس.....
 زرننا زپارے..... لمہ نا پورہ زند ء داوختس کان ای گدان نامونے تموک خناٹ، چنا تے سیل

کر یسہ ہرانوک بروک ء تو ارکیسہ و نالیسہ
 لمہ تاپارے..... نیمروچ مریسہ ء کاریم تے تینا زو کہ۔ داسا باوہ نا بر یک و اتوڑ یک الہہ زو
 ارغ ایتو۔ گڑا امرکیسہ بشہ.....
 وخت ء زوالکپہ
 زرننا زبش مس گدان ٹی انا کتخ کرے
 پرین آک ہندن جوان تھے سُر۔ شاغ تا بر یک ٹی زرس پورا تا خاسن کرے
 باوہ تابس..... الہہ ارغ ایتو پدا کاوہ کاریم آ
 زرننا زگدان نامونے پیشن لمہ باوہ نامون ء پڑ زونک ء شاغا ارغ آتے تہا دیر ایس تہا پال
 * تے ایس
 لمہ تاپارے..... کنکہ پور چنک آتے کنگ اے اینو چا وہ کہ اُسٹ آن در یئس.....؟
 زرننا زپارے..... نہ صبر کر لمہ ایتوہ تا نا پور چنک آتے جوغن ٹی کٹاٹ ایتوہ تا
 زرننا ز انا کٹو کا پور چنک آک تاسک سیٹی تخوک اسر تاسک ء ار فے ایس لمہ ء تینا تس۔ لمہ نا
 پور چنک آک ارف
 لمہ تا پور چنک تے آن ار فے تینا تاس ٹی زرس خاسن تیٹ شاغا۔ کپ کس چٹی نا تربت
 کرے.....
 زرننا زپارے..... لمہ فی کتخ بچ کنپسہ۔ انداژن نزورئس۔ خالی پور چنکی و خاسن انت
 طاقت ایتور نے.....
 نہہ فی بیدہ کنپسہ، نہہ پُر وال*

لمہ تاپارے..... اُجوز کنا خاخر کیک، کنگنک جوان ۽ پد تا خراب ۽.....
 ارغ آن گڈ رزان تے مچ کرے گدان اُن پشن اسہ نیمہ سے غاتخو کا بلا سُل ہندا یرتن
 تال ٹی دیر شاغا۔ رزان تے مٹش خلک سلا دے آتخا بارر
 دا نیمہ غا گدان نادے بس زرناز ایلو نیمہ غا پرچ کس شاغا لمہ ناتینا بالشت ۽ ار فے پرچ آتخا
 لمہ تامدان مدان بش مس ولس پرچ آتوس
 دے نا چرخ تَن اوار زرناز نالہ نا جاگہ بدل مسکہ۔ ولے گدان نامونے زند گدر یرتنکسہ
 اس.....
 تیرمہ غا چیلکی وکٹ کس گدان نامونے تخارالمہ تاشامی ن خاچاکہ، چلہ غاشام ۽ گدان نا تہٹی
 ۔ ایہن دے مون آگدان نامونے زند گدر یرتنکسہ اس.....
 اسہ دے زرناز تینا ایلو گدانی آہمسایہ وسیال آتن پین خلق سے آبرام سے آرائی مس۔ رائی
 متگ آن مُست لمہ ۽ تینا گدان نامون آبالشت آجو کہ کرے خواہ یری آتاتخا تاس کس، جندتا
 رائی مس.....
 شام آکہ پدی بُسر۔ مُر آن خنا گدان نامونے مچی سے۔ اُسٹ تاشولنگا یر ۽ کھوک تسلی تَسر تہ
 ۔ لمہ نا جوڑ ۽ سُب آتینٹ خناس تہ ہندن مجلس کروور.....
 پند ابریسہ اُسر۔ خوک کہ بُسر زرناز خنا لمہ تادری آ مُر غن مُر غن پھین آچادر لے ڈھلکوک
 خاچوک ۽
 نیاڑیک و نرینہ غاک ری آتا تو لوک..... زرناز پراڈس خلک..... لمہ اولمہ..... فی گدان نا
 مونے چناتے سیل کریسہ و نیاڑی تن مجلس کریسہ انتے خاچاس انتے کنے تینا کر لیس؟

زرناز آن بیدس پین اولاد الوتہ
 لمہ تاد پرا دتے آن بے ساسیر شُغ خاچوک اس
 اونا اُجوز نا خاخر ہم اینونخ مسوس.....
 باوہ تازرناز نا کاٹم ۽ دو ۽ تخا پارے صبر کر لمہ نا نا جوڑ کس، دعا کرای کن تا اے دنیا ۽ تا اللہ روشنا
 کے
 زرناز پارے..... لمہ ۽ کنا ہندا جاگہ غا گھڈ کبو، ہنداڑے اونا زند گدر یرتنگانے باز
 اوغا..... باوہ تا ہم زرناز نا خاطر اُن راضی مس
 لمہ ننا تادری نا جاگہ ۽ قبر کس خلک رُفن کر یر
 منہ دے پُرس وفا تہ ٹی گدر یرنگار زرناز اسہ کڑی نا درخت کس قبر نا تہ سرو نا خلک
 اوہر دے تینا کاریم تن گڈ خواہ نا یرتن اسہ تاس کس سُب آ اسہ تاس کس شام ۽ کڑی نا
 درخت آشاغا کہ.....
 لمہ نارہی آتوسکہ اوڑتون ہیبت کر یکہ.....

☆☆☆

کوہِ باطل

او..... بچار..... زو کا لالچ تیار ہوا ہر زو ویر.....

سیٹی اس خلیسہ سمیر تو ار کرے..... بچار..... زو الہہ.....

بچار مچھی ۽ پرچ آتھا۔ دل جان ۽ پارے..... اُراغہ سر کیس تا، ای اناٹ..... اللہ گاہوان

دل جان مخا پارے..... اسل فکر کہہ اللہ گاہوان..... دُدیگ لالچ رائی مریسہ ۽ بچار گام

خلیسہ زو وانا ساحل ۽ سلوک ۽ لالچ اٹی لگا، ہندن چُپ سیٹی خساتینے ایلو لالچ ۽.....

اوخا خراب دُن کہہ کل ۽ بڈ ایتسہ انت۔ اگہ ایلو لالچ ٹی تفوک مفروس داوخسکان نن کل

سمندر ٹی بڈ الکوسن مچے خیال خانہ نیک..... مچے خیال.....

اُستاد رستم، بچار ۽ چڑیسہ پارے.....

ہو اُستاد بخشس آسندہ کہ خیال کیوہ داشوم آسمیر تینا سیٹی تن کئے گنوک کرے ای سمجھاٹ لالچ

رائی مس.....

بجارتینا اڑ تو مادو تے تفسیہ اُستاد نامونے بے وی ٹی پارے

رستم اُستاد پارے..... الہہ چٹا تے مل کہ رائی مرین

بچار لالچ آن چٹ آتے ملا لالچ اے گرک آن خلاس کرے.....

لالچ رائی مس، بچار خرن آسمندر ۽ ہر یسہ ہر یسہ باز مر انسہ ساحل آن دے نازراب

ہسمندر ناترند آتہو، دُنکہ لالچ ناتہٹی کلک آتے چپکک خلے،

بچار سوچیہ اریفے..... اُستاد اینو موسم امر ۽ ناخیال ٹی.....؟

رستم اُستاد پارے..... تہو باسن و ترند ۽ رب نا امان ٹی اُن، لالچ ۽ امر زور آن تو رینٹ کئے

خبر ۽ نم داسکان چٹا ارے، مدان مدان پو مریرے سمندر نا غصہ و خوشی تے سمندر نا جوزه ۽

سمندر ناماتم ۽ سمندر نا چچی ۽..... سمندر نا شور ۽ سمندر نارنگ آتے.....

ہفتہ کس بچار لالچ ٹی رستم اُستاد تن پیری کریسہ اس

رستم اُستاد اریفے..... او بچار خاچاس انت؟

نہ اُستاد جی تو لوک اٹ سمندر ۽ سیل کنگ اٹ

رستم اُستاد پارے..... جال ۽ چک آ.....

بچار و سمیر جال ۽ چکار مچھی تے کشسہ و لالچ ناتہٹی شیف بیسہ کریر، باز مچھی الکر واپسی نا

تیار کریر تہو ترند اس بچار شیف مچھی تاری آتوس.....

نن درست آنن دالالچ سمندر ٹی سفر کرے

اُستاد رستم تو ار کرے..... او بے بخت اک خاچوک تو افر ۽ بیت کس کو

بچار سرد خانہ آن پشن بس لڑیسہ..... ہو ہو..... اُستاد قلفی مسٹ

دیر نے پارے کہ شیف ان مچھی تے ہر برف مریرہ۔ ہنداژن تو خراب مفسہ..... لالچ نادا

نیمہ سمندر ناتہٹی ۽ بخ مریک.....

اُستاد سہب آسر مروں اُراغانت..... سمیر اریفے

رستم اُستاد پارے..... سہب آسر مسن تو بخت ۽ دا بھلا کوہ ۽ باتیل نن اٹی درست

مفک، ختنگ پک کہ بندغ رفار ۽ کم کے

سمیر و بچار اُستاد رستم ناری آسلوک سمندر ۽ نن ناتہار مٹی سیل کریسہ اسر

نن نا تہاری ٹی سمندر نا دا چچی ء خنہ بجا ء ہول ارنے پارے..... اُستاد سمندر اینو چُپ
ء..... لانچ نا تو ارنے بس سمندر اُنٹے چُپ ء.....!!!

رُستم اُستاد پارے..... سمندر نا شور و زیبائی چُچی کل تو بے تن اوارے
ہر اتم نوک کے پاش کرے اون سمندر اسہ چکھو چُنا سے انبار ہیئت کیک
نوک بھلن مریسہ سمندر نا تو ارنے زیات مریسہ سمندر نا چُکک آک تو بے تون اوار بڑ زشیف
مریرہ تو بے ناسزودہ و چا نودہ غے سمندر جوزہ ٹی بریک..... تو بے امر روشن مریک چا نودہ
غاہمو خدر سمندر جوش کیک سمندر نا شور آن بندغ ء ہڑ زار فک بندغ نا اُست بڈ الیک ہندا
ساہت آتیٹ مید آک سمندر آن ہول کرسہ خوکا تابفسہ۔ پدا کہ تو بے پیست نامس پد
پیست پنچ سمندر چُپ کریسہ کا ہک دُن پارہ نوک ء ”نوزدہ پیست کس ء نہ دیست“ نوزدہ
و پیست تاریخ آنوک ء کس خنک سمندر چُپ مریک.....

پدا چُپ چُچی ء تہا کہ بندغ غور کے رب ء نا کاریم تے بڈ الیک بندغ، نوک و سمندر نا انت
سیالی ء دانوک نا بلبنگ آن تو بے ناروشنائی آن مَس مریک
سوچ خل او بجا رنی سوچ خل سمندر دیر کسے، دیر امر مَس مریک او ہم روشنائی آن.....؟؟
اُستاد نا ہیئت آک باز کڑمب و سمندر انبار..... سمیر پارے

رُستم اُستاد پارے..... نن تہار مئی ٹی ہر سمندر نارنگ ء امرے سُب گور بام آرنگ تا بدل
مریک۔ نیمروج آپین، شام نا نمازا امر زیبا مریک۔ دے تمگ ناوخت آنم ہر بو سمندر امر
زیبا بیر، یفنگک۔ نن بندغ آک گنوک مرینہ سیل اکن تا سمندر برامی سے انبار مریک۔ دے
فک آپین زیبا..... رب نا کاریم کو باوہ رب نا کاریم کو..... رُستم اُستاد سمندر نا ستائی غرق مس

گیرام کرے کہ لانچ نا تیزی ء کم کیو.....

لانچ کوہ باطل آن خوک بس رُستم ء احساس مس پارے نم کنے ہیئت اُٹی خلکڑے چا وہ کہ دشمن
کنے خلک!

سمیر پارے..... اُستاد انت مس خیرے؟

رُستم اُستاد پارے..... نن تہارے ولے چا وہ نن کوہ باطل آن خوک بس.....

سپیڈ ء کم کرے ولے لانچ کوہ باطل ٹی لگا!

رُستم اُستاد تو ننگ کتو، اُخ اُخ کریسہ مشکل سیٹی لانچ ء ایس کُرک آسر کرے وچیٹ اُتے ٹی
تقی تیٹ جُپ کس خلک دڑنگا سمندر آن پیشن بس ہفتہ سے آن گڈ سمندر نا چکک آتن
مُر..... ساحل آڈ غار اقدم تہا۔ مچی باز چُک کرے ولے لانچ کوہ باطل نشان تہا.....

ڈ غار اُتوس، پاروار تے کشانت شپاد..... ڈ غار و سمندر نا فرق اخہ در زیات ء۔ ڈ غار اُای
تینے رکھوک سر پد مریوہ

اُخ پدا اُست آتا لانچ نا نشان بس..... سمیر و بجا مچی تے کشنگ اسر سُب مس.....

ایلو مچی الوک آک بسر۔ رُستم نا مچی تے خنار صفت کریر و اُستاد و امر و بھلو مچی و واہ اُستاد
واہ..... رُستم پارے مچی تو باز چُک کریت ولے لانچ ء نشان کریت

..... بابا داکوہ باطل ہر وخت نا کا تم آملغموت امبار سلوک اے.....!

داخور و شنائی کس مروس دانا زی ء بندغ مُر آن خنا کہ تا، خیر رُستم جان فکر کہہ.....

میداس لانچ اے خوٹتی اٹ ہر سہ پارے اُستاد گڑتی کہہ باز نشان کھننے جوڑ مریک.....

اللہ کہ ہندن مرے کریم جان..... رُستم مچی الوک نا پن اے ایسہ پارے

او فک رستم، بجار و سمیر کن چاء آتون اوار بسو کو مچھی و برنج، کریم پارے کنبو سمندر ٹی ریگ زور
 و سخت زور، رستم و سنگت آک تا گنڈر مچھی تے پرچ آکل و شاعر بجار اناست خوش مس کہ
 کمائی مریک۔ زرس گد گاڑی ئس بس کل مچھی تے بہائی الک رستم نابا خوشی آن ملنگا مخا.....
 زرس اسے کہ کوہ باطل و گیرام کرے.....

وخت گدرینگا رستم استاد پیر مس ضعیف سمندر ٹی انگ کتو کہ..... رستم استاد نا جاگہ غا بجار
 بس..... لالنج و سنبھالا.....

بجار سمندر ناہرتب و پوہ مسکہ، تو بے تون اوار اندازہ خلکہ کا..... اینو سمندر نا طب امر و؟
 خوش و سمندر کہ قہر ٹی و.....؟

کوہ باطل ناری آن حوک ساحل آپورٹ جوڑ مس بھلا بھلا جال آک بھلا مشینک لگار.....
 کوہ باطل و بھلو ہوئل ئس جوڑ مس
 بجا رتینا شاگرد آئن سمندر ٹی سمندر نا چلک آتیی تو ئس گدریفنگ آن گڈ پدی بریسہ ئس نن
 تہار ئس سمندر چپ گم سم.....

ولے مر آن کوہ باطل و ہوئل نابلف آتا روشنائی خننگا.....

بجا رتینا شاگرد آتے پارے..... اے کوہ باطل و ہر بوت

شاگرد تا پارے..... استاد ننن جوان خبرے نن کوہ باطل و چانہ درست کینہ

بجار پارے..... ای نما کچوس اسٹ رستم استاد نن سمندر ٹی اناٹہ بسوٹ.....

ننالانچ تہار مئی آن کوہ باطل ٹی لگا

بازا مچھی الوک آتا لانچ آک کوہ باطل ٹی لگا رہ ٹکر ٹکر مسورہ..... تہار مئی آن خنورہ مش و

داسہ مش و روشنائی و..... ولے نن فاندہ اف.....

مچھی تے کل و بھلا مشینک جال آک الیرہ بند کیرہ رائی کیرہ ایلو شار آتے آ.....

اے کوہ باطل نن زندگی بھر سوچان ناروشنائی کن نی روشنا مسوس ولے نن آن وخت آن

وخت انا واقعی نی ”کوہ باطل“ اُس.....

☆☆☆

مکافات عمل

سونیا تینا بٹخندہ ء باہ نا وجہ اُن کل ء دوست کس۔ مخو کا پیشانی تون ہر اُست ء دریس۔ امر بھلن مس کس ء خبر تھو لمہ نا اُراغن..... تاتنا اُراغلس۔
تاتنا ء تا اونا ٹھنگ اونا خوشی بچ وڑ تو کا ہیبت ہیبت آٹوک بٹے کا۔ تگ کر یکہ تا۔
سونیا برنج آتے بیٹ کرے دیک تہ گھار خاخر ء کم کرے کہ برنج آک دب مریر بچ منٹ لگک تا.....

تینٹ بس تہنا غسل خانہ ٹی بالٹین ء دیر اُن پُر کنگ کن کہ پدا لکھ ء بند مریک۔
تاتنا تا چاری ٹی کس کہ دا بورچی خانہ اُن پیشن مرے ای کا و ہندن بورچی خانہ ٹی بس دیگ نا خاخر ء تیز کرے باز زیات کہ برنج آک اُشنگر۔ دسکان بالٹین پُر متوس کہ سونیا ء دیگ نا اُشنگ نا گند لگا۔ زوز و نلکہ ء بند کرے دُدیگسہ بورچی ناہمہ غا بریسہ کس کہ تاتنا ء خنا بورچی اُن پیشن تینا کوٹی ٹی انگا، سر پند مس کہ انت غزہ کس کرے۔
خیر سونیا خاخر ء بند کرے برنج آتا دیگ ء شیف کرے برنج آک لچا سُر۔ سونیا نا برنج آتے برابر کریسہ پین دیگ سیٹی شاغا۔ اشنگو کا دیگ ناماس ء کڑہ صاف کرے دیگ ء سلا پدا اسے کاشی کس برنج ہیٹ کرے تینٹ بورچی خانہ ٹی توس پیشن متو۔
شام آکل ء ارغ تس ء تاتنا تکل آنا مون ء شور شروع کرے نا باوہ ناخر نہ کڈ ء کہ اسہ وار برنج آتے اُشاس ولدا بیٹ کر لیس۔ داخہ نقصان نن برداشت کنگ کپنہ۔ کل آنا مون ء بے عزت کرے سونیا ء ولے سونیا چپ تینا رب ء تینا وکیل کرے کس آتن صفائی پیش کتو۔

نرینہ غاک سُبھ آتینا کاریم تے انار۔

تاتنا تپارے..... سونیا اُرا ء صاف کر..... عید بریسہ ء خوک ء۔

سونیا تینا کل اُرا نا کونٹ وغالی تے کشا اُرا ء رونے موکو تے خلک۔ کونٹ آتے تینا چنڈا شاغا شام اسکان دم درمس ولے کاریم ء ختم کرے۔
شام ء نرینہ غاک بُسُر۔ تاتنا تافریا دکرے ابو زار دناشار کنا اُراغہ قوضہ کرے۔
کنے ار فک تینا مرضی ٹی اُرا ء صاف کرے۔ ای پاریٹ تہ کپہ تینا بیمار مریسہ داخہ کونٹ چنڈنگ خنگ۔ دا اُرا تے کڑنگ۔ ولے کنا ہیبت ء ارف تو پارے..... دا کنا اُرا ء نے چکار اف.....

داکنے کنا اُراغن کشک کنا اُرا ٹی کنے آحکم چلیفک، تاتنا تا اوغا..... ای بر باد مسٹ۔
سونیا نا ارغ، خاسپر، الہ کل سونیا غا چڑار۔ تینا کاریم تن کاریم تنخ اٹس پان، ہموڑ کر تینا مرضی تینا باوہ نا اُرا ٹی کر داڑے نہ..... ا
سونیا اُست ٹی اوغا۔ اللہ ء تینا وکیل کرے، سگہ صبر کرے ولے کل آنا خنٹی قصور وار مس..... پگہ سُبھ آولدا کہ نرینہ غاک انار کاریم تے۔
تو تاتنا تا سونیا ء خنا مخا پارے..... چپوک آتیی نا الیوہ دیوال تیٹی خلیسہ لمہ نا اُرا ٹی خسیوہ نے۔

سونیا خلیس..... اللہ ء تینا وکیل کرے دا تاتنا نرینہ غا تا مون آجوان ء تینا ٹی ٹی ظالم جابر۔
مچے زیات چالاخ وچھی ء تاتنا۔ ولے صبر، رب ء کہ وکیل کر یس تو کس آتن ہیبت و شکایت کہہ سونیا صبر تینٹ تینا اُستہی پارے۔

تاتہ ناچال آک، گندئی یک ہنداخہ زیات مسر ہروخت سونیا ۽ پاریکہ دا کنا اراء، کنا ارغ
نا ۽.....

نا ارغ ۽ تو فوکری اف اندن چہینک باوہ ناتینا پدئی..... دا ارا نا گودی ای اٹ کریسہ کریسہ
سونیا ۽ اراغن کشا، سونیا تینا لمہ نا ارا غا بس۔ ارغ تالمہ نا ہیئت ۽ ارغ فہ لمہ غایقین کرے۔
وخت گدرینگا، کس سونیا ۽ پدرند کتو خوکتو نیامٹی تمبو۔ سونیا تینا لمہ نا ارا ائی تینا زندہ گدریفہ
کس۔ طلاق تیتورہ کہ پین جاگہ کس برام تا مروس۔ تاتہ تا سونیا نا ارغ ۽ پین برام کس
تس۔ سونیا نا اللہ کسک، ارا غاکل ۽ اپوک قوزہ کرے
اندن ہشار کس ارغ نامون ۽ تاتہ نا خدمت ۽ کریکہ پدی لمہ ٹی تسوس تہ.....
داسہ تاتہ ۽ تا خبر تما کہ اتس کیسہ نے شن مریک ولے وخت گدرینگا سونیا نا اپوک اللہ نا ارا
۽ بہا کریفہ تینا ارغ نا پین ۽ ارا کس لیفہ۔ داسا ہروخت تاتہ ۽ پاریکہ دا کنا اراء نا اف اگہ
کنے تگ کرلیس مڑیوہ نے نا تو لمہ ہم زندہ اف کہ تینا ارا ائی تورے نے سنبجالے نے۔
سونیا نا تاتہ اُستئی وتر ناخوینک اوغا پارے..... راستی نا پارہ کہ اتس کیسہ نے تن ہمون
مریک۔ ای امر کریت اللہ کنے نشان تس.....

☆☆☆

بنگڑی تا شرطنگہ

بنگڑی تا زبید ارا تو ار شرطنگ شرطنگ..... ہارون ناخف تیٹی تما۔ کوئی آن پیشن مس ہر یودیر
۽ داو نا بنگڑی تا زبیا انا گشڑنگا ۽!

درخت نا سیٹائی ایڑھ تن تاواراسہ زبیا و مسٹرھ کس سلوک ہیئت کریسہ دوعہ سر بیفسہ خسہ اس
ہارون تینا جاگہ غا برس سلیس، بنگڑی تا تو ارا ائی غرق..... شیطان ۽ تینا ذی آن پخ کرے
اُست ائی پارے..... نہ..... یا اللہ کنے شیطانی آ کاریم نا نیمہ غا لپس واپس کوئی ٹی
انا..... تینا کاریم تیٹی لگا

ایڑھ تادم سے آن گڈ تینا ایلیم نا کوئی ٹی بس تینا گھڑی ۽ بخاری آ تنخاس گھڑی ۽ ارفنگ کن
.....

ایلیم تا اریفہ تا..... کنا ایڑھ ناری ۽ درخت نا کیرنگ ۽ دیر سلوک کس ماہہ دا دے خفناٹ دیر
اُس.....؟

ایڑھ تا پارے..... رانی ۽ بخال کسے کنا کاپی ۽ خواہس..... پارے کاریم تے تینا مکمل کیوہ
ارادے سکولآ بتوس

ہارون پین زیات سوخ روخ کتو پارے..... بس سہی ای ہم حیران مسونٹ دا گودی اے اولی
وارتینا ارا ائی خناٹ

پدا تینا کاریم ٹی تینے مشغول کرے ایڑھ تا تینا گھڑی ۽ بخاری آن ارغ فہ ایلیم نا کوئی آن
پیشن مس

بد بخت

میت نالاؤڈ سپیکر اتن اُف اُف ناتوار بس۔ دُنکھ کس کس ہیت کنگ آن مست
صفا کے تا.....

گوہر خاتون پارے..... شاب جان میت نالاؤڈ سپیکر تے صفا کرے اعلان کس مرید
اللہ خیر کے دے بیمار.....؟

شاب جان مسخرہ کریسہ پارے کس بیمار.....

نئے خراف ناشکر عکس جوڑونی اندن تلوسہ وہم کیسہ.....

اندائی میت نالاؤڈ سپیکر تن توار بس

مسلماناک اسہ ضروری واعلان بنو.....

جان محمد ناز ایفہ (اُرائی) کذیت کرینے پیشیم ناماز آن گڈ نماز جنازہ عتاخوانہ.....

تینے داماز جنازہ ٹی شریک کیرے

اللہ ہر ای نے پاریت میت ناسپیکر ناتوار ضرور ملا صفا کریکھ تا

بے وس آرحمت خاتون کذیت کرے۔ مسٹر تابد بخت کس مس

شاب جان پارے..... اللہ اننے فی مسٹر اے تابد بخت پاسہ بے وس واسکان اسے سال سینا

ع..... معصوم نسے

گوہر جان پارے..... اندارن تو پاوہ بد بخت نسے.....

جان محمد پین برام کس یک..... پنج شش تو آن گڈنی ہر کہ دھول ناتوار مرید

داهنگڑی تاشرنگا ہارون نادماغ ٹی اندن روتہ خلک کہ پیشن متنگ ناچن عالتو کا
منہ وخت اندن ہارون بے حال بے جارات اس فیصلہ کرے سے روزہ سیکن کا وبلکہ شیطانی
آخیال آتن پیشن مرید

منہ سنگت تون اوار سے روزہ سیکن انا۔ ہر وخت عبادت ٹی مشغول مس..... پکا فیصلہ کرے
چائے انش مرے ای شیطانی آخیال آتے تینے آرزو متنگ کن الپرہ۔ واپس بس ہر وخت
تبیج بے کا۔ نفس عتینا قابو کرے وخت گدریتکھ کرے، سال اسے ٹی لمہ تاسانگ برام تس
تا.....

ہارون حج عمرہ کرے علاقہ ٹی حاجی مشہور اس ہر بندغ عزت عتا کریکھ۔ اسے راست
پاروکو، ایلو عزت کرو کو حاجی اس.....

ولے بھنگڑی ناتوار اندن خف تیٹی تے بسکھ.....

ہارون اللہ نامون عسجدہ ٹی تما کہ.....

ناشکرے رب بھنگڑی ناتوار آن نریسہ ای تینا رب آن خوک مسٹ رب ناکسر عسیدھا انگا
کسرے ہلکت

داهنگڑی ناتوار کنا خوش بختی مس

داهنگڑی تاشرنگا.....

☆☆☆

دابد بخت آ مسٹرھ چٹکی ٹی بے لمہ مس..... چوری لمہ ناچوری انت زندگس تا مروء.....

شاب جان چاشت ناچانک پیالہ غاتے مچ کرے۔

گوہر خاتون ۽ پارے بشہ کان بے وس نہا ہمسایہ.....

ہمسایہ غاتہ بھلو حق نئے گوہر خاتون و شاب جان تینا گد آتے بریہر چر مٹ کریریتنے

..... جان محمد نا اراغہ رانی مسر

دانگ اینگ ہمسایہ غاک غٹ مچ مریشہ اسر.....

جان محمد نا ایلیمک کیڑو تے تفریر مڑدہ شود کن جاگہ کس جوڑ کریر.....

چار پنچ نیازی مڑدہ ۽ سلا مڑدہ شود ٹی کفن کریرتا.....

رحمت خاتون نالہ ماتم کریشہ کس اللہ کہ نہا مسٹرھ برام نامراد ۽ کنگ کتو بد بخت آ مسٹرھ تاچنک

۽.....

دانا زند امر مرو، پٹیسہ کس تینا و تینا مسٹرھ رحمت خاتون نا بخت کن تینا نواسہ ناچنکی و بخت

کن..... بے لمہ مس چنکا عمر ٹے

مردہ ۽ ایسر آخر کیو دیدار کن مسٹرھ ۽ تا ایسر کہ لمہ ۽ تینا خنے..... چنانچ سر پند متو کہ انت مس

گوہر جان چڑ مٹی مد آن مد آن شاب جان تن پُس پُس کریشہ پارے.....

اللہ داچ سر پند مفک، بد بخت کس مس راستی نا شاب جان چوا پارے چپ کر اللہ نا خوف ۽

کر..... اللہ آن دعا کردا معصوم بہشتی کن میت ۽ نرینہ غاک ارفیر دریر قبرستان ۽ نماز جنازہ

۽ خوانگ آن گد میت ۽ قبر ٹی تخار مش شاغا رکڈ کریر.....

دعا خوانا پردی مسر..... نیاز یک ہم فاتحہ خوانا حال پُرسی کریر۔ ارمان کریر.....

رحمت خاتون ناچنکی نا برام ناکل ہیئت آتے یات کریر شام نا نماز آن گد گوہر خاتون و شاب

جان پدی تینا اراغہ مسر.....

وخت گد رینکسہ کرے اسہ دے کس شاب جان تندور ۽ اراغہ بسینگ اس کمال خاتون بس

ری ۽ تا توس پارے.....

گودی جان محمد نا برام ۽ ایلوز دے۔ لمہ تانے گودی گوہر خاتون ۽ شام نہا حنام و پگہ جن کن

بٹنگا نے.....

شاب جان نا اُسٹ ۽ گوہر خاتون نا ہیئت بس..... ولے تورے تینے کہ کمال خاتون ۽

رخصت کرے۔ اراغ آتے بسے مچ کرے پڑونک ٹی تخا خالی آتال و پڑونک ۽ اراغ

آتن ارنے بغل ٹی خلک بس دالان ٹی تخا۔ دالان آن تو ارس خلک..... او گوہر خاتون

داڑے برکہ فی انٹس پارلیس ہمون مس راستی نا جان محمد نا برام ۽.....

گوہر خاتون رزان سلا سس دوک تا پالن اسر..... پالن آدو تے گدنا پلوٹی صفا کریشہ بس

پارے..... ہاں پا امر کنا اندازہ ہر وخت راست مسونے کہ نہ؟

گوہر خاتون و شاب جان تینا ہیئت و اندازہ غاتہ قصہ غاتیتی لگا رشام ۽ اراغ کنگ آن گد

تینے تیار کریر و حنام ۽ ہنار۔

دیرہ و شعر اس رحمت خاتون نا مسٹرھ زاہد چٹائن چچلو کر یکہ خوش کس بے خبر کس.....

گوہر خاتون پارے دابد بخت امر خوش ۽..... شاب جان پارے تو بہ کہ تو بہ۔ بلہ تا سنجالک

تہنی فکر کہہ.....

نن گد رینگا پگہ سہب ۽ برامی ۽ ایسر، زاہدہ نا باوہ پوسکن آ زندائی خوش و مشغول مس.....

رحمت خاتون نالہ تینا نواسہ عین تن درے ملن کرے..... اژدہ سال عمر تاس.....

جان محمد خوائفے پارے تار سال بسو نو مسٹرھ بلن عنی باوہ کس تہ داسہ برام ایت تا
جان محمد خوش مس..... برام تس تہ چار پنچ ٹو گدرینگا راسہ دے کس گوہر خاتون شاب جان ع
پارے کنا خف تے ہیبت کس تمنانے

زاہدہ ہڑدے تو سینک طب تا خراب ع۔ بلہ تا ڈاکٹر ع درینے تا۔ دروسید ع درینے دم
کر بیفینے تا ولے جوان اف

داسہ زاہدہ نازند سید وملا تن دم درود، وڈاکٹر اتا علاج ٹی ہشت سال گدرینگا رچتا متوتہ.....
بلہ تابا زکوشست کرے کہ چنارے تا ولے.....

وخت گدرینگسہ کس زاہدہ نایماری زیات مریسہ وبلہ تا پریشان مریسہ ہشتیمیکو سال ٹی اللہ
نامہربانی تن چنارے تہ چنارے مس مسٹرھ کس اس.....

زاہدہ ناخنک خوشی آن زندہ مسر..... ولے باز ودا خوشی غم ٹی بدل مس کہ چنارے مسرور عنگ تہ
کاریم کہسہ.....

اُخ دا بھلا بوجھ..... کوپہ غاتے تما.....

کس پارے پولیو ع تا کس پارے بھلا کس خلکو نے تا کس پارے..... آزمائش ع

اراسال آن گڈ مار کس مس تہ مارتا جوان کس ارا چنارے مسر، مسٹرھ معذور.....

وخت گدرینگا زاہدہ نازند معذور مسٹرھ ناغم وخدمت ٹی گدرینگا چنک تہ بھلن مسر

مارے تینا برام تس چار میکو دے اریغ تا کذیت کرے..... خوشی تے مارنا خنقو

پڑس وفاتحہ ٹی توس

مار عتاریلوے ٹی ہندن ونو کری کس رینگا کہ ہر اراسال آن گڈ پین جاگہ کس بدلی تہ مسہ کا

اگہ لمہ عین تن دروس تو معذور آ ایڑھ کہ پریشان کس گاڑی الہوتہ.....

مسافر گاڑی تیٹی معذور ناگر وپانچ خواری کس

زاہدہ معذور آ مسٹرھ تن خلق ٹی تینا کڈی ٹی توس.....

تینا مارگڑ اس پیسہ مون تسکہ وختس عید آتے خنگ کن تہ بسکہ چنارے اور۔ ولے زندتا تینا
معذور آ مسٹرھ تن تدے.....

اسہ دے کس نیمروچ ع اریغ آن گڈ شاب جان مجلس ع زاہدہ نا انا پارے حال حوال کیوتہ بے
وس تنیاء..... معذور آ مسٹرھ ع تینا انگ کپک ای کاو۔

انادگیر کہ بس

گوہر خاتون ع پارے خدا ناپن ٹی آسندہ کس ناباروٹ خراب واندازہ خلپیس زاہدہ بے وس
راستی نابد بخت کسے چنکی ٹی لمہ تا کسک باوہ تا برام کرے لمہ باوہ ع خنقو۔ برام آن گڈ اریغ نا

قصہ غاک۔ چنارے ہشت سال، چنارے مس تو معذور پنچ جاگہ کس دنگ مفک، معذور نا بوجھ

زند بھر..... خدا رحم کیس زی آتا بد بخت پورا زند آزمائش ٹی.....

گوہر خاتون پارے..... شاب جان دابد بختی او نا صبر نا امتحان ع دامسٹرھ نا خدمت ایلود نیائی

اودے جنت نا گودی کیک.....

ننا نظر ٹی بد بخت ع ولے اللہ نا نظر ٹی جنت نا گودی مروے داصرشن.....

☆☆☆

چوکری

سردار دُرّاخان نارائی مخلوق مچ کُس۔ دھول اُنا دربارہ کُس وار چاپ واروس لارہ.....
ایلو قوم ناسردار آتے ہم بٹنگا کُس خواہی کُس سردار ناما حیات خان ناشش سال نامرء
سُنت کُس۔ کل مخلوق دعوت ناتیری اس
چوکریک چلم تے پُر کریسہ سردار ناوتاخ کہ راہی کریہ چلم تون اور بھلا بھلا چادان تیٹی سیاہ
چاء وسوز چاء تیار کریسہ بیٹھک یرائی کریہ.....
بے دیر، برنج و سچی، چپٹی تندوری ارغ و خاس کل مہمان تے تھر.....
رزانک مچ کنگار..... ارغ آن گد حیات خان ناسنت مس..... ہر سردار اسہ ہار کُس لُخی
تاشا غاکس پنج ہزار تو کس دہ ہزار روپی ڈیلا تون تو اور ہار شاغاروتینا اُراتاتے کہ راہی
مُسر.....
منہ وخت آن گد سردار عبداللہ ناو لیکوز ایفہ نا جوڑی سے آن دنیاے ہلا.....!
داز ایفہ غان سردار ناراجنا تا سُر
پدا سردار دُرّاخان نایڑھ کن رسال مون تس
سردار دُرّاخان باز خوش مس ورسال یر آن کرے.....
سردار نامرام مس برامی یر کجا واکر وک مہاری سے آلی سُر ایلو مہاری آبرامی ناچوکری اس.....
سردار دُرّاخان تینا ایڑھ یر اسہ چوکری کُس تس کہ داچوکری زند مچ نا خدمت یریک!
سردار دُرّاخان نایڑھ خوش اس کہ چوکری کنا خدمت یریک پین شاروپین بندغ آتا نیام

ٹی کنا پردہ پوش وکنا ہم راز مریک

چوکری سردار دُرّاخان نایڑھ ناچ آتے سلا کا۔ پناداتے شاغاکہ مچ کریکہ.....
اراسے توئی دارائی کل کاریم تے تینا دوئی کرے..... اوباز لاخو نیازی کُس اس.....
سردار دُرّاخان نایڑھ چٹنا نا اُسست مس اُسست تہ باز خراب مسکہ اٹی کریکہ..... چوکری چٹنی
جوڑ کریکہ تسکہ تہ.....
سردار نایڑھ خوش اس کنا چوکری یر اُسست ٹی تہ بچ شک بتو کہ کنا ارغ نا خدمت یریک ری
آتا کاہک تو کنا وجہ غن..... سردار انبار خدمت یر تاکیک..... پین تعلق ناچ خیال بتوتا.....
اسد دے اس چوکری نا کاٹم چکر کرے بی بی ناری یر تما!
بی بی دوتے تاموشکا درس دیرمون آتا چٹ تس چوکری سما کرے رنگ تا پوشکن اس خلیس
ہڑ کرے.....
دانگ اینگ ہر ابی بی ارینے خیر یر نی انتے تماس تسینگا س.....؟
چوکری اوغا..... تینا بے گنائی و تینا نٹ گینی ناقصہ یر پارے
سردار دُرّاخان نایڑھ نانک دوک بخ مسر۔ داسہ امرکیو..... چوکری یر واپس باوہ نا اُراغے
راہی کریٹ تو باوہ ایلمک کنا کسفر ہتا
چوکری یر باز پٹ و ہٹ کرے..... نی کن تئن امر دھوکا کریس، بد بخت شرم بتونے.....
نمک حرامی کریس؟
شام یر تینا ارغ سردار عبداللہ آن گلہ کرسہ کل قصہ یر پارے تا
سردار عبداللہ پارے..... ناچوکری باز تیز و نیازی کُس کنا ری یر بس شیطان کنے آ زور مس

غلطی کس کریٹ

داسا معاف کرکے چٹا تہ بٹ ضائع کریف!!

سردار دُرّا خان نایڑھ خدا پرست و نیاڑی کس اس پارے اللہ کئے داوڑ ناگناہ تن رکھے

سُہب ۽ سردار ۽ پارے بس چوکری ۽ نکاح کر سردار خدا پرست آد نیاڑ نامون ۽ ہر یسہ تَخ تھے کہ دا امر و نیاڑی کسے تینا اَرغ ۽ اسہ چوکری سے تون نکاح کنگک ناپانگے!!!!

سردار ملّا ۽ خواکے چوکری تون نکاح کرے
اونا اُر اگودی تینے اللہ ناعبادت ٹی مشغول تھاہر بندغ زینہ و نیاڑی علاقہ ناچوکری ناچالانخی
و خدا پرست آ نیاڑی ناصبر ۽ حیران اُسر

داسا چوکری اُر انا گودی، سردار ناز ایفہ مس و سردار دُرّا خان نایڑھ نا خدمت مُرسلیس
اودے چوکری آ ز ایفہ سردار ناری آ ہم الہو کا۔ نو تو پورہ مسر سردار دُرّا خان نایڑھ ۽ مارکس
مس سردار خوشی کرے و شُرودی بسفے و بشخا

اِرا تو آن گڈ چوکری ۽ ہم مارکس مس چوکری چنا و دی کنگک نا وخت ۽ کسک۔ چوکری کن
اوغو کو امان کرو کو کس الہو کس ۽ اونا چالاخیک دوست بتوُس سردار دُرّا خان نایڑھ
تینا مار تون اوار چوکری نامار ۽ ہم اُڑ فیکہ تینا اولاد انبار خیال ۽ تا کرے۔
بھلن کرے و لے چوکری ناپن آن توبہ کرے

مارتا اسے دے کس پارے لمہ نی کمزور اُس چوکری تے پا خدمت کن او پارے اخہ کنا
مَل * چوکری ۽ اُر انا چوکاٹ آن پشن تَخ ”چوکری چوکری ۽“

انت قصور کس؟

فری میڈیکل کمپ نا تیار یک زور شور ٹی اُس سرجن صاحب تو کل میڈیکل
ریپ تے گٹ کریس کس کہ نیکے دوائی مفت اتبو۔ گڑ اس میڈیسن، دوائی ڈسٹرکٹ نا ناظم
پیس تس ڈی سی وایلو گڑ اس میر و معتبر پیسہ تُر ڈاکٹر اتا اسہ کمیٹی کس جوڑ کنگک کہ فری
میڈیکل کمپ نا انتظامات آتے سنبھالے، سرجن صاحب کمیٹی نا چیرمین جوڑ مس انتیکہ
دایکپ سرجن صاحب نا تینا خلق و شارمولہ ٹی مروئی کس۔ گولی و داروک کل النگار بربر
مُسرو گاڑی نا انتظام مس، ارا ڈبل سیڑ تیتی دوائی تے لوڈ کریکل ڈاکٹر آتے وایلو اشاف
ڈسپنسرو خدمت گار آتے پاریر سُہب ۽ مالہ ہفت ہجہ غا ہسپتال ۽ سرمریرے اندا کہ سرہلینا۔
سُہب ۽ کل وخت ۽ ہسپتال ٹی مچ مُرکل وین تیتی سوار مُر ارا وین و ارا ڈبل سیڑ سر
الکر۔ نیاڑی ڈاکٹر ک ہم اسہ وین سیٹی سوار اُسر ہیلتھ ورکر و آیک ہم خدمت کن تا ئد
اُسر

زیدی نازیبا انگ علاقہ آن گدرینکسہ ارا گھنٹہ ٹی کرخ ناخرن آ علاقہ غارینگار ڈاکٹر
جلیل تینا اُر ائی مالہ نیمروچ نا اَرغ نا انتظام ۽ کریس ڈاکٹر جلیل ڈرا نیور ۽ کوک کرے ایلم
سیدھا انگ دو ۽ تاب کیس ڈرا نیور گاڑی ۽ راستی کو دو ۽ تاب تس ایلو گاڑیک اونا رند
ٹی جلیل پارے اُستاد سدھا کاس

ڈرا نیور پارے ڈاکٹر صاحب اُر اے خناٹ سیدھا دروازہ نامون ۽ سلیفیواتہ نی فکر
کہہ۔

ایلو ڈاکٹر کل ملنڈ مسخرہ کریسہ ڈرائیور ۽ تنگ کریر..... ڈرائیور گاڑی ۽ درے سیدھا
 ڈاکٹر جلیل نا اُرانا مون ۽ سیلفے۔ ایلو گاڑی یک ہم سُر و سلیس کل گاڑی تن دڑنگار۔
 ڈاکٹر جلیل زوزو دروازہ ناباغہ سلیس کل ۽ بخیر کرے..... نیاڑی ڈاکٹر تے اُرائی دریر وایلو
 ڈاکٹرک واسٹاف ۽ بیچھک ٹی تولفیر۔
 ڈاکٹر جلیل بس لیڈی ڈاکٹر تے پارے..... ڈاکٹر جی ذرس زو کیرے مولہ مر ۽ شام مریک
 ننے کسر خراب ۽ کُن خور نا گڑاک ماہہ پڑزونک اک تخوک اُس ارغ اک تخوک
 اُس۔ دیر شربت ہر گڑ ابراہاس۔
 کل ارغ کنگر مون دوسلار ہر کس ۽ نماز خوانوئی کس او نماز خوانار ڈاکٹر جلیل زریہ غاتے)
 ڈاکٹر شاف (کل ۽ گاڑی تیٹی سوار کرے پدا اُر اغا بس نیاڑی شاف ۽ پارے زو کبو.....
 کل تیارو ڈاکٹرک کوئی آن پشن سُر تینا بوٹ و سینڈل آتے نئی کریر.....
 اسہ وار ڈاکٹر زکیہ فریاد کس خلک.....!
 دوشہ کس ڈاکٹر زکیہ نابوٹ نازی ۽ کاٹم ۽ تخوک گیر دگیر دگی کس کریسے تینے.....!
 ڈاکٹر جلیل پارے..... سُر پیرے..... نیاڑی یک مریرہ خلوک..... کس کوئی ٹی انا کس حویلی
 آن پشن انا گاڑی ٹی سوار مس.....
 ڈاکٹر جلیل نامارلٹ کس ایس دوشہ ۽ خلک..... لٹ ۽ تینا نیام آن ار فے بہادری ۽ تینا نشان
 تریسہ کل ۽ نشان کس تا ڈاکٹر زکیہ تینا بوٹ ۽ رٹ کٹ کریسہ ار فے نئی کرے تینا سنگت کُن
 اوار بس گاڑی ٹی سوار مس گاڑی تا دا قافلہ مولہ کن روانہ مس۔
 مولہ نا کسر باز خراب کس جاگس کچا جاگس کس مَش تا ذی ۽ ول ول ہلیسہ

ڈاکٹر طاہرہ ناکاٹم ہندن چکر کر یکہ یا اللہ خیر ایلو کل مخارہ ڈاکٹر داخہ خلیسہ
 ڈاکٹر طاہرہ پارے..... چپ کبو اُلٹی کپر دعا کبو، نہ تو نما کل انا دا چکر و پکنک غارت غرق
 مریک
 ڈاکٹر زکیہ پارے..... ننے بچ مفک نی تینا خیال ۽ کر اُلٹی کپس کنا چچ آتے خراب
 کپس، کن کُن اسہ جوڑہ سے پین اف
 کل مخارہ..... مسخرہ کریر
 ڈاکٹر طاہرہ نا اُسٹ بڈی کنگ بڈی کنگ..... جَنک تامون تہارمہ مس سیٹ ۽ دوتے تینا
 سخت کرے تینے زرس سیدھا کرے پشن کھڑکی آن ہرا کہ ہوش کنا چپ مرے حالت کنا
 زرس بہتر مرے ہندن لگاتہ دُنکے بڑ بڑ مَش نازی ۽ دین محمد ڈاکٹر سلوک ۽ دین محمد ڈاکٹر
 ایسوی ایشن ناسیکر ٹری کس۔ ولے منہ وخت آن گم وگار کس.....
 طاہرہ سوچا دین محمد ناؤس و خبر تو اونا چناتے ہم اف کہ ہڑدے تصویر ۽ تار فوک چوک چوک
 آپٹیرہ تا.....
 ضرور کاٹم نا چکر و اُسٹ نا بڈی کنگ آن ای اودے خنٹ ولے پدی کہ خفتے ۽ ملا ذرس تر
 کنگ آن گڈ پدی خندا دین محمد ۽ پاریسہ.....
 مولہ نادا بڑ تاب کنو کا مشک
 مَش تا کٹ ٹی دیر ہنین آ
 دریاء مولہ خاک کنیہ
 کنے سیر دیر کرک لمہ وطن آ

کنے غیب کبولی ایٹو
بڑ بالا درخت آک مچنا
لمہ طن آ

ڈاکٹر طاہرہ ڈرائیور عیاز مشکل ٹی تو ار کرے اولیم سلیف گاڑی عسلیف
ڈاکٹر زکیہ ہم ڈرائیور عیازے اُسنا دسلیف گاڑی عیاز نا طب خراب عیاز..... ڈرائیور گاڑی
عسلیف۔ ایلو گاڑیک ہم سلیسر ڈاکٹر جلیل نا گاڑی مونی اس ڈرائیور اودے ہم ہارن خلک
ہارن نا تو ار عیاز ہم سلیسر..... گاڑی نا دروازہ عیاز کل دڑنگار..... ڈاکٹر ک بوتل کس دیر ایسر
ڈاکٹر منرل واٹر.....

ولے ڈاکٹر طاہرہ مش تاکٹ ٹی دیر عیاز بس سلیس مون عیاز سلا دیر بخ کس باز بخ..... ڈاکٹر
چنک ٹی دیر کنگ..... زرس ہوش کرے..... کاٹم عیاز دیر شاعا۔ نت عیاز دیر ٹی تخاف اف
اُسے تا دین محمد بس سوچا یا اللہ اگہ دین محمد ملاس عیاز مکک عیاز تا کر..... کنا خیال ٹی انتے بس
..... یا اللہ مددے تا کر پدا بس کل دیر کنگر مون تے تینا سلا، ڈاکٹر جمیل پارے بس ڈاکٹر
زرس پین خوک عیاز مولہ مراف ولے کسر تا خراب عیاز

ڈاکٹر طاہرہ پارے..... ڈاکٹر مچ عیاز خراب اف بلکہ باز ول ول عیاز روتینک آک باٹی کنا
بسر..... کل زینہ نیازی ڈاکٹر عیاز ہمت تریسہ ڈاکٹر طاہرہ عیاز پدی سوار کریر..... کس عیاز خبر الہو کہ
وہ دین محمد سلوک خنا.....

گاڑی روانہ مس..... زرس مون آنا مچ آتا بڑا انکا درخت آک خزن خنگار..... ڈاکٹر بس
سر مسون ڈرائیور پارے

پنچ شش پیری کنگ آن گڈ گاڑی اُرا سینا مون عیاز سلیس ڈاکٹر طاہرہ نارنگ اسل پوشکن
مسوسس مک دوک تا بخ..... دڑنگا اُرا ٹی انا..... موسیانی تا مہمانی کس دیر وچا عیاز، شام نا
ارغ آن پد نپا داک شاعا فیصلہ مس کہ آرام کین سُب عیاز کمپ عیاز کش و مخلوق زیات
بریک

زینہ ڈاکٹر آک کمپ نا جا گہ غاوتا بخ کریر..... سُب عیاز آذان تے طاہرہ بش مس.....
مون دو کرے نماز خوانا..... چاہ و نہاری آن پد..... طب تا جوان مس
کل بش مسر تیار کریر تینے گاڑی اس بس نیازی سٹاف سوار مس.....
کیپ جا گہ غا نا مخلوق مچ کس مریض آتے ہرنگ شروع مس
چاشت عیاز سوز چاہ بس.....

سہ بجانہ مریض آک پٹار خالی سرجن صاحب و ڈاکٹر جلیل تو سر پاریر ننگر اس مریض
سلوک او فتنے ہرینہ نم انہو نیمروچ نا ارغ عیاز کنبو.....
پدہ چٹوک عیاز چکر کس خلیہ و واپس رائی مریہ
کل اُرا غا بسر ہموڑہ و تا بخ کریر..... کباب سچی نا خوش انکا خوش انکا گندینگنی عیاز پین زیات
کنگ اس.....

گاڑی آن دڑنگار شامیانہ کس خلوک کس اسہ نیمہ غا کباب سچی کریرہ و کرنو بسیر۔ کرنو کل کن
پوسکنو گڑ اس کس کرنو عیاز کتوس دو سلا ربا سُن آ سچی و کرنو ک خاسن و تندوری تو ن پین چس
کریر.....

ارغ آن فارغ مسر گاڑی تیٹی سوار مسر.....

سرجن جلیل اسک ہم بُسر گاڑی ٹی سوار سُسر چٹوک آرائی سُسر داز بیا انگا جاگہ ء بُرن پدا دیر
داخہ مُر بریک.....

اسہ جاگہ کس گاڑی تے سلیفیر کل دژنگار ڈاکٹر جلیل پارے داکہ پیادہ کانہ گاڑی مون ء
انگ کپک

کل نرینہ نیاڑی ڈاکٹرک واسٹاف پیادہ انار..... دیر وہسہ کس طاہرہ تینا بوٹ آتے دوٹی
ارفیس دیری انیسہ کس چٹوک آسُر سُسر.....

نرینہ غاک دیری پترینگار مُش نایام ٹی انیسہ انار..... نیاڑیک است خلکرو لے پداہمت
کریسہ دیری پترینگار دژنگار.....

اُف ڈاکٹر حلیمہ پارے امر زیبا ء دَمش آن دیر چٹیمہ ء پڑی پڑی قدرت
ناداز بیا انگاندہ کل ء دوست بس مون آکہ انارگر (آبشار) داندہرہ تو ایکن ہم زیبا ء اس
کہ اسہ نیمہ غانخ و دیر چٹیمہ وایلو نیمہ غابا سُن وادانت کرشمہ سے اللہ نا.....

نرینہ غاتہ شور بس ڈاکٹر مون آفیر ء باز کڑمب ء ن کل بڈالکن.....
ڈاکٹر طاہرہ اریفہ ددیر مون ء ہراکن بریک ڈاکٹر جلیل پارے..... داکمب آن گد خشی ء
دیر ہندامش آن بریک و ہک، علاقہ ء حژن آباد کرینے

دے شام ناپارہ غاہنگ اس زوزو دیر آن پشن سُسر داسا بڑا انگامش تانیا مٹی دیر وہسہ باز
زیبا لگا کہ ہندائی اسے فائر سے ناتوار بس دنکہ کس پستول اسے ٹی فائر کس کے.....!

ڈاکٹر طاہرہ چچلو اس گنگ دُنکہ گرداب ٹی دیر چرخ کیک.....
دے تمنگ ء مش تارنگ بدل مریسہ کس طاہرہ واپس ہم دیری انیسہ کس اودے لگا.....

ڈاکٹر منان نت اٹی تیرا ڈشاغوک لنگ لنگ کریسہ بڑبالادی آمش تن دژنکسہ پانگے
اے وطن نادا گٹ آتیٹ

ای خاچیواسیر تق اینو

اے مولہ نامشک خر مشی آ

نم گواہ مریرے اینو گواہ مریرے

جورنا مٹھل آتانیامٹی

مولہ نادیرنا کر ء

بڑبالا دَمش تاسینا ٹی

ای خاچیواسیر تق اینو

نم گواہ مریرے اینو گواہ مریرے

ڈاکٹر جلیل توار کرے ڈاکٹر طاہرہ نی انت ٹک خلنگ اُس۔ زوکر کل گاڑی تے سُسر سُسر ہرے
مریک ننے.....

ڈاکٹر طاہرہ دنکہ تق آن ہچے بش مرے اندن ہچہ پارے جی بسوٹ اوتر ندرند گام خلیسہ انا
گاڑی ٹی سوار مس گاڑیک واپس کرخ کن بال کریسہ رائی سُسر۔ خفتن ء کرخ ء سُسر ڈاکٹر
نصیرنا اُرائی زرس دژنگار دیر کنگر و سوز چاء ناپیالہ کس مالہہ آن تیار کس وپدا خضدار کن رائی سُسر
نن نایانزدہ ہچہ غا خضدار ء ڈاکٹر طاہرہ تینا اُرا غاشیف مس..... خبر تموتہ کہ ایلوکل اٹ ہچہ غا
تینا اُرا تہ سُسر

ارائے دے کل دم درائے چار میکودے ڈاکٹر طاہرہ وارغ تاجچناتے ارفیر شال آبُسر.....

جوگی

حق اللہ.....اللہ ہو.....اللہ اللہ

حق اللہ ناتوارے گنج پری غور کرے دا امر تو ارنسے.....سُہب مالہ.....حق اللہ.....اللہ اللہ
گنج پری تینا بھلا ایڑھ ماہ گنج عتوار کرے ملنگ اسے ناتوارے ماہ گنج مچ عمرے بریسہ عنائیمہ
غا.....

ماہ گنج بس گنج پری ناری عتوارے خف تور.....حق اللہ.....ہوہو.....اللہ ہو

پارے ماہ گنج.....دا پنڈ و خنس اف.....جوگی اس مروء

گنج پری پارے.....جوگی اس مروس گڑامور لوں خلکے کا.....دا حق اللہ پاہک.....!!

ماہ گنج دروازہ ع ملاہرا.....پیشن چنکا چنکا گوازی کنگ اسر۔اریفے تا چنکا داملنگ
ہراڑیکہ.....توارتہ بریسہ ع.....؟

چنکا اسہ وارا پاریر.....کا کا محمد جان نادروازہ غاسلوکے.....

ماہ گنج چناتن ہیئت کنگ اس کہ ملنگ لٹ عتینا ڈغارٹی خلیہ او فنامیمہ غابنگ اس او توارتا اس

حق اللہ.....حق اللہ

ماہ گنج خوڑتی اٹ ہرا.....بڑ و صحت مند و نرینہ سے او شپا داس و بھلا بھلا رنگی آ خوار آتا
گٹیک لختی تا اسور.....

پڑہ غاک تا ہندن بے شون دُنکے کس کس تینٹ دوٹی بریر کہتا.....

تورہ کس لختی تا لڑ و نج کس پچ آک ارنگلوک.....

سریاب روڈ بند کس اللہ خیر.....سپاہیک پاریر دا کسر بند غم ایلو کسر آن انبو ہزارہ غاتے خلکنو او

احتجاج منگ عداکت نیارٹی و چنک تدا عذاب مریرے

پین نیامٹی کسر کس پشہ ارا غاسر مسر.....حوال رسینگا تہ کہ ہزارہ غاتا یا نژدہ ورناء تڑینو کسفینو

دُن حیوانیت ڈاکٹر طاہرہ تینا ارغ ع پارے.....

کس اگہ تینا ڈیہہ نا خاطر ارننگک یا خلنگک او جتا وقصہ سے.....اسہ وجہ سے ولے دا ہزارہ

ورنا کہ کوئلہ نا کانڑتے ٹی مزوری کریرہ

ارغ تا پارے.....کار بن مونو آ کسانید نا گند ٹی تینا دے ون گدریفیرہ کوئلہ نامش تیٹی نیم

گھنڈے کس ہم گدریفنگ کپک

ڈاکٹر طاہرہ پارے.....داد ہاڑی دارا دابے وس آمزور آتا انت قصور کس کہ دُن تڑیر بیترہ؟

دُنکے ملغ بے خون.....

یا نژدہ لاش ع مونو آتخہ او فتا خا ہوت منفی دس درجہ حرارت ناخ و گور تیج اٹ دھرنا غہ تو لوک

اسور

اوسوچنگ اس دافتا انت قصور.....؟

دسچا داہرا خدائے خوش کنگ کہ دافتے داوڑ بیدردی ٹی کسفرہ.....؟

☆☆☆

ولے ماہ گنج نا اُستٹی شک بس.....

دا جوگی اس لکپک.....

او ماہ گنج اُستاد روازہ غا بس..... و ماہ گنج عوڑتی ہر یسہ ژند آن پارے اللہ ہو اللہ

ماہ گنج نینے دروازہ ناخیر کرے۔ اندائی گنج پری لمہ تون اواریس

جوگی پارے..... ای دوہر یوہ مخلوق نا پیشانی آن اندازہ خلیو..... حساب خلیوہ، قسمت نا

حوال عایتیوہ

ماہ گنج نالمہ پارے..... خوار آک دوشہ ئی تالٹی ونا ولے نے تُن دوشہ اف.....! نی

وا امر بید دوشہ ئی و جوگی کسے اُس؟

جوگی پارے..... سہی پاریس جوگی اسے اُٹ کن تن دوشہ ہم ارے

ماہ گنج نالمہ پارے..... بین عانتے خلیپہ؟ ننے دوشہ عتینا نشان ایت چناک خوش مریرہ

جوگی زرس پین وڑ چناتے آہر او ماہ گنج عوڑتس شاغا، لمہ عتاہر ادانگ اینگ چا گڑ دنا جاج ع

ا لک.....

چناک شور ع شروع کریر دوشہ ع نشان ایت دوشہ ع نشان ایت.....

جوگی نیم اُست آتن بین ع کشا..... خلنگ ع تا شروع کرے.....

مورولوں نا تواریلو چنا نیازی و خلقیک ہم مچ مسر ملنگ نیازی تے خناہیت ع ہوشیاری ئی

چپ تس پارے.....

نما اُراتے سختی کسے نرینہ غاک نما بے تیغ و ملا سو بکا سے نا اثر ع علاقہ غانما

نیازیک ملنگ ناہیت ئی گنوگ مسر ملنگ دو تے ہر یسہ حوال کر یسہ کرے

ماہ گنج نالمہ تینا دو ع نشان تیتو پارے..... کنے داوڑنگا فراڈی تے یقین اف..... دا تو دوشہ نا

پن آن خلک

نیازیک ماہ گنج نالمہ غامخار..... ملنگ عتینا حوال آتے تر یسہ کریر

ملنگ کل آن پیسہ الک حق اللہ کر یسہ لٹ ع ڈغار ئی خلیسہ رائی مس.....

اسے عجیب و نظر کس ماہ گنج نالمہ غاشا غارائی مس

حق اللہ..... اللہ اللہ ہو.....

نیمروچ ع ماہ گنج نالمہ خنا..... شور کسے نرینہ غا تا غا گیر ع.....!

مارنا تینا تواری بنگ غوریسہ ع چناتے نیازی تے

ماہ گنج نالمہ دروازہ ع ملا پشن مس خنا چنا نیازیک کل چو اسہ شور و زمیر چک و تاڑ اسے

ماہ گنج ناہلم..... ملنگ ع لغت آتھیٹ ار فینے خلیسہ وکل ع خبر دار کر یسہ پانگ ع.....

داملنگ ع نم جوگی اس پارے.....

دا شاہ جو (خلق ناخوک نا جو) ئی درخت نا سیجا ئی تو لوک دالٹ آن تینا دا نقشہ ع کشا سس

و اُراتے نشان خلیسہ کس.....

نقشہ ع کل نامون ع ہر را بے لٹ ع تا پرغا..... چھڑی انبار کس تیتی تہ نقشہ ع ڈھکا سس

نم نیازیک بے وقوف آتینا نرینہ غا تا حوال ع تسر ع تا او نما کل حوال آتے دا کاغذی نوشتہ

کرے سس.....

کل ع خوانا نیازی تا اپانخہ یزگا

پاریر نالمہ سمجھدار کس نن ریفنگان دا جوگی نا دوئی

دوشہ ئی اسے جاسوس اسے، ای اولیکو وار سر پند مسٹ کہ وہ بین خلپک دوشہ نشان تفک دوشہ
آن خلپک

ماہ گنج نا ایلم پارے..... شکر کبوزن خانان تہ چھٹی نوشتہ کریسہ چاری تا مسون نقشہ تن الکن تہ.....
جوگی اسہ رنگی و خوار کس بائی کرے و خلا اسہ تہ کل نامون عسیدہ اس سالتس.....

☆☆☆

ڈگری و شعور

لُمہ..... لُمہ..... نتیجہ بس..... لُمہ..... لُمہ.....

ماریہ تینا رزلٹ کارڈ و دوئی نشان تریسہ لمہ عتینا توار کریسہ کس..... لُمہ..... ماریہ ہر اکہ لمہ اُرا
ئی اف

واپس مس کہ پیشن ہر یو لمہ..... لُمہ تا اُرا ئی پترینگا پارے..... انت مس داخہ شور کنگ اُس
زَنڈی آنا توار جنگ اس انت مس آخر.....؟؟

ماریہ تینا رزلٹ کارڈ و نشان تریسہ پارے لمہ ای پاس مسوٹ.....

خوشی آن ماریہ ناخن تیان خوی نک آک ریڈ کری..... اوپدا پارے پاس مسوٹ

لمہ تا پارے..... شاباس کنا لمہ کنا مسٹرہ ہمت کر لیس پاس مسوس

تینا لمہ و غمب کرے خوی نکاتے پاک کرسہ پارے کنا مہروان آلُمہ..... اینونا پاسی نا خوشی ئی
شیر برنج کیوہ کل اُراتے باجی کیوہ.....

ماریہ ولمہ تا بورچی خانہ ئی بُر لمہ تاثیر برنج کرے..... ماریہ جوغن اُرنے پستہ غاتے پاچا و
جوغن ئی گھا خوڑت کرے منہ بادام پاچا

جوغن ئی گھا..... لمہ عتینا تہ، لمہ تاثیر برنج آتینی شانا جوڑ کرے..... کاشی تینی شانا شیر
برنج، اودرے کل ہمسایہ تہ تریسہ کرے.....

دیگرہ لمہ تا ماریہ بغل ئی کرے پارے..... کنا مسٹرہ نے خالی ڈگری الوئی اف..... نے علم
حاصل کروئی عنی حنیسہ کہ چناک نقل کیہ

فرسٹ ویکنڈ بریرہ ولے نی نقل کپسہ تینا محنت اٹ بازار نمبر آتے اکیسہ داٹی
خوینک خلنگ ناضورت اف

اگرہ نی سمجھیسہ کہ نقل خور آتن مقابلہ کیس تو نقل کنگ ناسخان نامریک نی مقابلہ نامتحان سیٹی
تو لنگ نالائخ مریسہ نہہ کہ علاقہ غن پیشن امتحان کس پاس کنگ کنگ کیسہ ایلوک رٹہ
خلیرہ ولے سرپند مفسہ داگڑا ای یات کریٹ داتا مقصد انتے وخوانگ کنا زندہ امر
زیہدار یک اوقفا مقصد خالی ڈگری الگ بھلاگڑا لائخی اے علم شعور ڈگری
اف

☆☆☆

برزغر

میر عبدین چھتری ۽ بند کرے برآندہ ٹی تھاتینا بھلا بوٹ آتے دن ۽
کشانتا کوٹی ٹی پترینگا

اسلام علیکم!

میر گہرام پارے علیکم اسلام برک میر خدا آتے نے اینو نی امہ رد کر لیس؟
..... ایلم کاریم کس تما کنے انداژن بسوٹ پگہ کن تئن شاراکان ناسردار ۽ خنوی ۽ اسل
خفتاٹ تہ نی ہمار لیس تو جوانے میر عبدین پارے

میر گہرام پارے سردار محمد یار تئن نے انت کاریم کس تما؟
خیر ۽ ای سردار محمد یار ناپن ۽ باز بنگوٹ ولے یارا ای ہم خفتاٹ تہ خیر پارہ کور ملتان ۽
خنائے نن سردار محمد یار ہم آخر سرمرون

سُہب ناگاڑی ٹی وختی پیشن مریہ انشاء اللہ اللہ جان خیر پیش کرو گڑتی کپہ میر
پگہ ناپروگرام ۽ پک کنگ آن گڈ میر عبدین موکل کرے پیشن مس بوٹ آتے تینا نٹی کرے
..... پر زرس کم اس ولے برجاء اس

..... میر عبدین چھتری ملسہ اُسٹ اٹ پارے بید چھتری آن پڑی پڑی ہم اُراسکان
چو یفک کنے رائی مس

پرنا پڑیک ٹپ ٹپ چھتری ۽ تمہارا داتوار ٹی پڑی تاٹپ ٹپ نامیر عبدین تینا اُراغا سر مس
سردار محمد یار ناباروٹ میر ناماغ ٹی وڑ وڑ ناخیال بنگ اس سوچنگ اس سردار محمد یار دیچہ

امرو بندغ اس مروغوزو بندغ کس مرویا بندغ گری مروتا.....

دیچا شرف کے کپ نے یا تیناری ءتولفے حوال کے ننے..... دونو وڑوڑ ناخیال.....

سُہب ءبش مس پروگرام ناوڑاٹ سرالک میر گہرام ءراغن تار فے۔ شارنا پارہ غاسرالکر

داپر ہتم موسم ٹی کسرچُ گاڑی ٹی زیبا و شعر بنیہ سردار محمد یار نا باروٹ ہیبت کریہ..... تینا

شار آن سردار ناشارار سینگار باز بھلو بیٹھک کس اس.....

میر گہرام نائب آتے تار لیفے سردار صاحب تون ملوئی ءخت مشکل ٹی اُن

نائب آک پاریر سردار صاحب ڈعارتے آانانے..... اُراٹلی اف کسر ءر ما عارتہ.....

میر گہرام و میر عبدین گاڑی ءاشارٹ کریر..... مُلک آتا نیمہ غاروانہ سُر

زرے ءآن گڈ مُلک آتے سُر سُر داڑے ہم پر ناسب ہر نیمہ غادیر وچ اس..... گاڑی ء

سلیفیر ہارن خلکر بلکہ نائب آتن کس برے.....

سردار محمد یار ناٹک لچ آتیی مین..... بیل کوپہ غاتینا بزغرا تون یکجہ دیر تفنگ اس!

گاڑی نا ہارن آچک خلسہ ہر ا بزغرتے پارے..... نم کاریم کبوا ی تیٹ ہر یودا خواجہ

تے.....

بیل کوپہ غاتخوک لچ تیٹی مین..... گام خلیہ میر عبدین استاتاری ءبس.....

پارے جی باوہ.....!

میر گہرام و میر عبدین اوار پاریر..... ننے سردار محمد یار تون ملوئی ء.....

سردار محمد یار باز خوڑتی اٹ ہراتہ۔ پوہ مس کہ داپشن نا بندغ وکنے ماہہ خفتانو.....

پارے جی خواجہ غاک مون مستی بوا ی سردار محمد یار اٹ!

میر عبدین و گہرام تخ تفتیر..... زرس اسے ٹی میر عبدین نا با آن پشن مسوس کہ دا بزغرا و اہمر

سردار مس.....

ولے ہیبت ءتورے.....

ہنار ہموڑے کڈک اسے ٹی سلام دعاس.....

سردار نا مہانک اودے تینا حوال ءتُر.....

سردار محمد یار ہموخت ءکاریم ءتا کر لیفے..... پارے تہ نا مہمان ارے اڈکبوشام آکنتون

مبو.....

ولے میر آک اجازت کریر اجازت نا وخت ءمیر عبدین عرض کرے..... سردار صاحب

معاف کیس نن نا باروٹ باز تعریف و ہیبت بنگوسن ناداز مین دولت ہستی تا ہم ناخیال اس

نی ایلودولت مند آتا وڑ مغرور مروس ولے نن نے اسہ انسان دوست و بزغرس خنان.....

سردار محمد یار بختندہ سے تون پارے..... منتوار نما..... ای اللہ نا اسہ عاجز و بندغ سے اٹ داپر

ٹی کنا بندغ آک کن کن خوارا سُر.....

افتن اوار کاریم کنگ ٹی انت مشکل اسے..... داٹلی ہچ بھلو ہیبت کس اف ای سرداری تون

اوار اسہ بزغرسے اٹ کنے دا بزغری آشکرے

واپسی ءگاڑی ٹی میر عبدین تینا نن درستان ناخیالات آتا باروٹ گہرام ءپارے..... ٹاکو

خلیہ مخار.....

امرو بزغرس خنان دا..... سردار مرے تو دا ڈول مرے.....

☆☆☆

خیسن ناسات زیور

ماہ جان تینا مسٹرہ نابرام کن تیاری کریسہ کس بلوچی چچ موغن کن تسوس گڑ اس
تیار اُس.....

پلاسٹک نالوت آتیٹی بند کرے و صندوق ٹی تحسہ تینا دُچچ پارے..... ”پنجا جوڑہ موغفیٹ
تیار کریٹ اندا خس پین کاری می شن اریک.....

او فک تیار مریر گڑ اسادی (اوار شاغنگ) کریفیو اتہ و پلاسٹک آتیٹی مالہہ بند کیوہ تہ
دُچچ تہ پارے..... ماشاء اللہ باز موغفیوس..... خیسن تا امر کر لیس انت انت جوڑ کرے کس؟

ماہ جان پارے..... پین باز کنگ کتاٹ بس اسہ چمکلی ناسیٹ کسے اسے مڑو سے اسہ نوک
والا اسہ اینو پگہ نافیشی آسیٹ آتن ارا کنگو دو از دہ خیسن نا بکڑی واسے سنگو کس.....!

دُچچ تا سنگو نا بنگ خنک تہ پشتمار..... سنگو ہم خیسن ناس..... صبراٹ اریفے؟

ماہ جان فخر کریسہ پارے..... ہان خیسن ناسے چاندی ناس کر یقتوٹ..... دوست بتور کنے
دُچچ تا تحسہ پارے..... نے شن پیسہ باز داخہ سات زیور جوڑ کرے کس انکہ خوش لگپیسہ

ماہ جان پارے..... دسکان کاٹم ناچی کس جوڑ کتاٹ بس پگہ کاوہ بازار زرگر آرڈر
تسوٹ تیار کروے تہ داوختسکان پگہ اتیوہ تا.....

داہیت باز غورٹی کرے.....

دُچچ تا پارے..... پگہ ای ہم نے شن بریوہ تینکے ٹاسنی کس الوئی کنے

ماہ جان پارے..... اللہ جوان مس اُسے کنا ایس..... ٹاسنی کنے شش ہفت الوئی

..... بس سہی پگہ پیشیم ءکانہ

وخت گدر یزگا ایلو سہب ءدُچچ نثار بازار انا..... زرگر خوشی آن باشی کس داکہ کمائی تانیڑی
تن خوب مننگ اس

ماہ جان ٹاسنی شن اوار اوار ارامسے چلو ہم الک..... خیسن ناسات آتا ڈبہ غاتے بلولوت سیٹی
کریر.....

ماہ جان گدر نا کیر غنگ آن بغل ٹی خلک ڈھکا تا ڈنکہ دُز آتا خلیس مرے تا.....
تینا ساہ کن خلیو کا خیسن تیکہ خوف اس تا.....

اُراغا سر مس کل ءسات آتے ایشان تس..... اریغ تا پارے خانہ نیک دے مچا دے بازار ٹی
پیری کیسہ دسکان مسے توارے مسٹرہ نابرام آن.....

مچے اُرا نا ہم خیال ءکر انت بیٹ کرینو انت اس اف..... نن ودے بازار ءنی اُس..... اریغ
نا تہ مون مُٹ اس.....

ماہ جان..... ماحول ءاندن تینا چالاخی تن کنٹرول کریسہ محبسہ نوکر ءپارے..... مجاہد الازو کس
سوز چا ءاس ات پوٹانہ منہ دانہ ہم شاس تہ.....

گڑاپین خوند کیک.....

او توس اریغ ناری ءگڑا تہ نرغ نا حوال ءتنگ ءشروع کرے.....

مجاہد تشت دوٹی خزن آچانک ٹی سوز چاک و پیالہ غاک طشت ٹی تخوک بس.....

ماہ جان نامونے تشت ءتخا و اپدا دالان کہ مون کرے انا او دیگ کنگ اس کتخ نا گند کوٹی ٹی
بنگ اس ماہ جان پیالہ غاتے سیدھا کرے چانک ءار فے..... پیالہ غاتیٹی چا ءشاغا اریغ

عَینِ تِلَاسِ دُتِجَ عَینِ تِلَاسِ تِیٹ کنگ..... پیالہ غاتے مَچ کرے نشت ٹی تِخا تو اس خلک.....
او مجاہد بر رزان تے ارف مجاہد لُس..... رزان تے ارفے انا.....

داسہ ہڑ دے اُرائی بلوچی تَچ آتا سادہ کی کنگ و باز انا پیریک اُسُر
برام نادیک بُسُر برام ناکل دود آک سرجم مسور..... برای عَ بیر فیر..... مخلوق بھلا ہال ٹی مَچ
اس..... برای عَ ایسُر سَٹِج (تخت) عَ تولفیر گد کس مون آتا شاغوک اس..... برای نالمہ گد عَ
مون آن تہ زرس بُو کرے مون عَ تا پاش کرے اُسٹ ٹی خوش اس کہ سیال آک کل
اشنگرہ..... مسٹرہ کنا خیسن ٹی شُپ عَ..... مون عَ ہُرسہ ہال ٹی تولوک آ بندغ آتے اسے
کٹوک او (فاتحانہ) نظر کس بے دُنکہ کل نَ اُسٹ آتے ہُرسہ.....

چناک کل برای نا اُننگ کن تلہ غا اُسُر لگار۔ برای نامیک اپ و خیسن تاز یور تے ہُریسہ
و تین تون ہیت کنگ اُسُر

نیاڑیک اسٹ اسٹ عَ بَش مریسہ سَٹِج عَ بریسہ برای عَ مبارکی تریسہ کریر ہر اسٹ زیور آتے تا
ہُریسہ اس.....

کہ انت انت لُختی و تا واپس کہ تینا جاگہ غا تہ بسورہ تو اسٹ ایلوٹن جوان اُسٹ نالار عَ
کشار.....

بادشاہ عَ ایسُر رسم آتے کریر برای عَ بادشاہ تین او ہال آن دریر بندغ آک کل تینا ہُراتے
انار.....

اودے اُن پدماہ جان ناخا سپرنا مسٹرہ نا برام اس.....
تین پتین برام عَ کریر منہ بندغ عَ بنگا رچپ چپانی ٹی..... تینٹ شعر و در و کڑ کریر منہ جوڑہ چچ

واسہ سیٹ کس خیسن اسہ بھلو عمر نیاڑی اس دتِج عَ تا پانادی پانادی اریفے.....
لمہ ناراض مفس اسے ہیت کس ہر یفیو اے آن.....؟

ماہ جان نادتِج پارے تا تہ ہر ف ناہیت عَ اسل ناراض مفرہ..... مخا

نیاڑی پارے..... ماہ جان اینودا سادہ انگا برام و بے خیسن نا برام عَ باز تہو ٹی عَ تینا مسٹرہ نا
برام عَ خندا و اسہ دافتا برام عَ ہتر سنٹ تا بوز مَس

ماہ جان نادتِج پارے..... تا تہ ہُرنی کنا بھلا کس دا ہڑ تو ماک کنا ایلما چنا کو..... دادے پیسہ
اف نیک انگا کسٹ عَ چناک تہ فرمانبر دارو

ماہ جان نا تہو اونا ماتے مسن تے کل عَ لگانے ماک تا ماہ جان انبار تہو ٹی و ہیر و ن کاریم عَ کیرہ
نیاڑی زرس چپ کرے پدا پارے..... انت پاننگ اُس لمہ؟

ماہ جان نادتِج پارے جی تا تہ پوڈرنا کاروبار عَ کیرہ۔ تو اندن مریہ نت تن کاٹم اسکان خیسن نا
سات زیور ٹی شُپ

نیاڑی تاری عَ تولوک خوانندہ و مسٹرہ کس گوئی کرے..... اللہ امان ایسے دنگا کاروبار آن کہ
تینا عیش نا خاطر ان تینا نشان تنگ کن پوڈرنا کاروبار کین و مخلوق نا ورناتے مرگ نا نیمہ

غادین اللہ ننے رکھ کے..... دُنگا خیسن تا سات زیور آن اندازہ ننے کل عَ کس ننے ناکٹ نا
زیور آک دوست او.....

ماہ جان نادس خبیچ پارے..... راست پارلیس گودی اللہ دے دُنگا خیسن تا سات زیور
آتے کہ دافیکہ لمہ سے ناخن تن و تر ناخو بیک شوقین ننے دنگا خیسن تا سات زیور نا ضرورت
اف.....

قلم

بابا..... بابا کننا قلم پنا..... تراش تہ کنے تختی ء نوشتہ کروئی ء سجاد تینا باوہ ء توار کریسہ

پارے

باوہ تا بر آئڈہ ٹی تو لوک کس پارے..... سجادات قلم ء تینا تراشیو جوڑ کیوتا
سجاد تینا تختی ء تناسیہی تا بوتل نابائی ء بند کرے قلم ء تینا ارے بس باوہ تا تینا ری ء سلیس قلم
ء موم ء بابا تینا نیمہ غا کریسہ پارے.....

بابا ارف زو تراش تہ کنے ہرے مریک کاوہ فٹ بال گوازی کہ اینو

باوہ تا قلم ء ہرے کتار ٹی قلم ء تراشہ بریر کرے.....

پدا سجاد ء تریسہ پارے ارف سجاد تا قلم تراشنگا جوڑ مس در خوشخط نوشتہ کرک۔ لکھائی نازیبا
مریک۔

سجاد قلم ء ارے انا، سیاہی تا بوتل ء ملا تختی ء ارے قلم ء سیاہی تینی بد تریسہ تختی ء نوشتہ کرے
تختی ء تینا دیوار ء جو کہ کرے کہ باڑے،

سیاہی تا بوتل ء بند کرے قلم ء بستہ ٹی شاغا اتحاد دینکسہ انا گراؤنڈ ء فٹ بال گوازی کن قلم
تراشیہ تختی آ نوشتہ کریسہ پنج سال گدرینگار.....

شش سال ٹی سجاد قلم نا جاگہ غا پنسل ٹی نوشتہ شروع کرے کاغذ نازی ء کاپی تے داسہ پنسل
ء گونگ کن بابا نا کتارنا ضرورت الہو۔ اسہ گڑوک کس اس شاپر پاریرہ تا اگہ گڑوک تہ خراب
مروس تو مجبوراً بابا نا کتارنا ضرورت ٹی کاریم تسکہ..... بلکہ خراب نوشتہ کروس تو بابا تہ مٹا نفوک

خوانندہ پارے..... فی ہر بے نظیر پارہ کہ ملک سے ناباد شاہ کس مگہ اودے خیسن نا کمی کس
ولے وہ تینا برام ء شیشہ ٹی و بھنگڑی دوٹی کرے لس وسات زیور لختی کرے کہ غریب سینا
اُست خراب مف..... بھلو بندغ اسر پوہ مروکو..... خالی وڈ بہ الورہ وخت وخت ناہیت آ کو
بدل مریرہ.....

کس بے حس ء نشان تروک نئے کس ء احساس ارے۔ ایلو مخلوق نا حرام حلال کمائی نا حرام
خور آ تا چنناک نشان تروک مریرہ.....

برام تے خیسن ناسات زیور تہ نمائش ء کیرہ..... آخرت اٹ دا خیسن تاسات زیور دوشہ انبار
ڈنگ خلیرہ مطلب ساز مریرہ.....

☆☆☆

ٹی مٹا نفا کا تہ.....

سجاد ہم نوشتہ کنگ پنسل ٹی مٹا ننگ ایل کرے تختی نا خواری باز اس..... سلوئی تما کہ تا میٹ
خلوئی تما کا تہ ولے کا غذا کا پی اے اگہ غلط مروس تور بڑی مٹا نگیر کا تہ

ہشتمیکو سال آن سجاد پین رسیدگا نوشتہ کنگ کن..... پین ٹی سیاہی شاغوی تما کہ، خزن یا منونو
سیاہی.....

سجاد کن بابا تا ارا پین الک اسٹ ٹی خزن و سیاہی ایلوئی مون و سیاہی شاغایا سیاہی شاغنگ
ایل تس تہ بس پدازندگی بھر غٹ زندگی سجاد پین ٹی نوشتہ کریسہ..... اسے بھلو قلم کارس جوڑ مس
ہر رسالہ ہراخبار ٹی سجاد نا نوشتہ کرو کا افسانہ، ناول، ہیئت و تبصرہ غاک ہر کس پاریکہ سجاد نا قلم
زور.....

کوہستان ادبی سوسائٹی اسد دے سجاد نا ہمت حوصلہ نا خاطر آن اسد مجلس نس اڈتس او مجلس نا
بینر آنوشتہ نس..... سجاد تن اسد شام نس.....

بھلو مچی نس مس کوہستان ادبی سوسائٹی نا صدر مائیک نا مون آ بس پارے..... حقیقت
دادے کہ کئے سجاد نا قلم آن خولیس ہر فیک دنکہ قلم ٹی تہ الہامی طاقت نس مرے..... بدن اٹ
لڑ زہ نس پیدا کیک

سیکر ٹری کوہستان ادبی سوسائٹی بس پارے..... سجاد نا قلم شاہی محل آ تا دور بار آتے لڑیفینے

اسد شاعر نس بس پارے.....

ای اٹ اسیر سجاد نا قلم نا

کرینے شیف کا ٹم و فرعون تا

اسد افسانہ نگار نس بس پارے..... سجاد نا قلم اسے اندو افسانہ سے کہ شروع قلم آن مریک ختم
قلم و مریک.....

سجاد نا قلم ٹی تختی و خوشی و نیکی بدی نا فرق.....

آخر ٹی سجاد تہ غا خوا نگیر کہ تیٹ تینا قلم نا باروٹ انت پانک۔

ہال ٹی تو لوک کل بندغ آک سجاد و بنگ خوا نسرہ۔

سجاد بس پارے..... بنائے اللہ پاک نا پین آن کہ او کنا دوئی قلم تس.....

ایونم کنا ایلک کنا قلم نا سنگتی نا باروٹ انت ہیئت کریرے، ای دا پا ودا کل و ای کمپیوٹر نا کی
بورڈ اٹک ٹک کریٹ نوشتہ کریٹ قلم ٹی نوشتہ کتوٹ اسے وار پورا ہال ٹی چپ چپانی مس
دنکہ بھلو صدمہ سے اٹ مریک..... پداسیکنڈ سیٹی کل ٹکا و خلیسہ مخار..... ہا ہا

..... واہ..... بھئی واہ..... انت ہیئت نس کر لیس.....

پداسجاد مون و پارے..... کنا قلم ہمودے کے کنا بابا نا نیک دُعا کنا قلم و تینا جیب ٹی تخوک
آ کتار ٹی تراشا کہ، پداسپنل پین و سیاہی..... کمپیوٹر داسہ..... کئے کل آن زیات پنسل ٹی
نوشت کنگ و مزہ بسکہ انیکہ غلطی و برابر کنگ کن ربڑ نس مٹافیکہ تا تختی و غلطی مروس تو مسلہ
تختی و سلوئی تما کہ و پد اباریفنگ کن وخت لگا کہ ہندا وڑ پین ٹی نوشتہ کنگ ہم باز خیال
خوا سکہ انیکہ غلطی نا گنجائش الہو۔ پورا پنہ و ہروئی تما کہ پدا خواری ٹی کل و نوشتہ کنگ کمپیوٹر
ٹی تو بچ پرواہ اسد دم ٹی برابر مریک کنا مطلب دا کہ قلم، پنسل، پین کمپیوٹر دا کل قلم
پانگرہ.....

ولے ای ایونمنا ہیئت آتے بٹکٹ ای نمے آن بھلو ہیئت نس ایل کریٹ کہ

انس نی نوشتہ کیسہ قلمِ کل اسہ وارولدہ تاڑی خلک پوراہال ٹی.....واہ واہ.....جی واہ ناتوار
پنا

☆☆☆

شاعر

انت زندئسے.....توسنولوذآتے خُطرہ خوش وکہن شاعران.....علی اکبر شاعر تے
آ مسخرہ خلسہ مخیسہ پارے.....
پین ہج کنگ کپسہ بس تینا اُست ع خوش کیرہ کہ شعر پانہ.....
علی اکبر ناری ء تو لوک اسہ شاعر کس پارے.....چا وہ کہ نی جوزہ آن خالی اُس زندنا پیسہ مچ
کنگ ٹی گدرینگہ ء.....
علی اکبر خا.....پارے زند پیسہ ء ہر گڑا حتی کہ ارامک ہم بغیر پیسہ آن پورومفسہ.....پڈ ہم
تینا ء خواہک.....
علی اکبر نانت خیال ء شاعر آتے پڈ آف؟ اِرغ کپسہ یا وفے کہ اللہ جان پڈ جوڑ کتنے
.....؟ شاعر اریفے
علی اکبر پارے.....نہ پڈ تو جوڑ کرینے ای کن تہ.....دن تو پا پرہ.....زندنا سختی ٹی
گدرینگ.....
جالب ء ہر، چازند جیل تا سلاخ آتا خیرا گدرینگہ.....جیل تا اشنلوک اورغ کس کنگ کن
رینگ یار سینکتوتا
شاعر پارے.....نی جالب نا پین ء ہر زندہ ء مادی وجود تا اف ولے جالب نا پین آ داخہ
درور نافداؤ.....جالب نافلسفہ ء ہر
بے پڈ آتیکن طنزیہ ہشندہ ٹی علی اکبر ء ہر یسہ پارے مون جہاد کرے غریب نا چنٹا کن

غریب ناپڈکن توارءِ بش کرے.....

علی اکبر کو چرائی ٹی مخا..... جوزہ غاتے بش کنگ آن انٹس مرک دیرا فرق تمک بس تینا
وخت ء زند ء خوار کیرہ

شاعر پارے..... جوزہ غاتے بش کنگ آن پڈ والا ک لڑا تینا پڈکن خلیئر اوفتہ جیل تا
سلاخ آتا خیرا بند کریر کہ ناپڈ بلن مرے

علی اکبر پدا پارے..... نہ بابا کس شاعر آتن خلیپک..... بھلا بھلا دربار تینی شاعر آک
تو لوک وشعر پارہ.....

دربار یک خوش وانته لٹ تفسہ جیل کپسہ ولے ہر کس کہ بے کار ء خوار ء او شاعر ء..... شعر
نوشته یک ای تو انداختا

شاعر پارے..... مزاحمت کروک ناروح انسانیت ناشیدا مرک.....

انسانیت ناجوزہ آن پڈ نا خلوک آتا خلاف لوز خلرہ و مظلوم ناحق اکن توار بڑ کیرہ تینا خیال
آتے لوز آتینی دربار آتیا سر کیرہ مظلوم نا چکار ء توار ء بش کیرہ..... اندائی پیکر آتینی توار بس
..... وقفہ ختم مس کل مہمانک زوہال ٹی بریر دیوان نا ایلونج بناء متنگ اے:

شاعر علی اکبر ء پارے..... کان ایلیم اینو شاعر سینا یاد ٹی بھلا بھلا پڈ والا ک ہم
تو لوکو..... معاف کیس خواجہ کنا مطلب نے آن اف.....

اولی اکبر نادو ء الک واڑ تو ماک ہال ٹی پترینگار۔

ہال بندغ آتن کاٹم اسکان پُرکس..... سیج ء بھلا بھلا سیاستدان آک تو لوک اسر بھلو بینرکس
خلوک کس اوڑے شاعر نا فوٹوئن اوارا دنا کتابا تہ ہم فوٹوک اسر..... جاگہ کس شعر کس تہ نوشتہ

اس ہراسٹ شاعر نا زندنا باروٹ تینا تینا خیال آتے بیان کر یکہ شاعر نا اُرانا فوٹو ء سکرین ء
نشان تسر ہرا کچا اوکوٹی اوہم دڑا سُر۔ بینک بیلنس الوتا شاعر نا مالی حالت ء کس ہیبت کرے
کہ اُرائی تہ ارغ کنگ کن الو..... زند غٹ جیل تینی گدرینگا کس مجھ جیل ناقصہ ء بیان
کرے تو کس لاٹھی چارج و آسوگیس تے ظلم نا حوال ء تس

کس داشاعر ازندان مروک آذیت آتے بیان کرے کہ اونا بدن ء سگریٹ آتینی داغ
تسورہ..... ولے اوتا دم مرگ تینا جوزہ و خیال آتے شاعری نا ذریعہ ٹی بیان کرے.....
دیگر نا نماز اسکان تقریر و شعر آتے بنیہ شاعر نا باروٹ تبصرہ کریر..... دیگر نا نماز کن وقفہ
مس.....

پدا غٹ ہال آن پیشن بسر..... کس نماز خوانا و کس چاء کنگ و کس سگریٹ کس کشا.....
وقفہ ختم مس..... پروگرام نا ایلونج شروع مس..... مرمُر آن بروکا مہمان تے شاعر نا کتاب
آتا ٹیکی تسر.....

شاعر آتے اُسٹ بڈی کن یادگاری شیلڈ تسر.....

پروگرام ایسر مس

ہمو شاعر بش مس پیشن علی اکبر کن انتظار کرے.....

ہرا تم علی اکبر پیشن بس..... شاعر اکبر ناری آانا.....

راز دانہ واڑاٹ اریفے

کنا خواجہ خناس..... بے پڈ آ شاعر ”گل خان“ ء.....

☆☆☆

مہر و محبت

رابیعہ بیوٹی پارلرناری ءِ تو لوک تینانت و دو تے (پیڈی کیور و مینی کیور) سلیفہ و
 صفا بریر کر فنگ کس.....
 موبائل آرنگ بس.....
 رابیہ موبائل ناسکرین ءِ نظر کس شاغا..... لمہ ناتہ نمبر کس.....!
 مجبوراً موبائل ءِ ہر فے اینڈ کرے لمہ تاپارے..... زو برک پیرہ ناکذیت کرینے
 رابیہ اسے خراب و مون کس جوڑ کرے و جوڑتے تینا گٹ الک پارے..... داپیرا نگا ءِ ہندا
 وخت ءِ کذیت کروئی کس..... موبائل ءِ بند کرے.....
 گھنٹہ کس نت دو تصافائی ءِ لگا۔ پدا مون ناصفائی و پڑہ غاتا بریر تراش خراش..... ارا مسے
 گھنٹہ تینا تراش خراش ءِ خلک.....
 بچ پرواہ متوتہ کہ پیرہ تا کسکو نے اُرائی بندغ آک برور میت تنخو کے۔ باوہ کنا انت پارو ءِ
 بیوٹی پارلر آن اگہ فارغ مس.....
 پیسہ تس پست بچ ہزار پشن مس تینا لینڈ کرو زرتی سوار مس اُرا نا کنڈ ءِ رائی مس
 اُرائی تہ چُئی کس سیال آک ہمسایہ خاک کل چُج اُس.....
 رابیہ تینا دولت نا تکبرٹی مغوز کس..... گاڑی آن دڑنگا دروازہ ءِ گاڑی تا اندن سخت آن
 خلک..... کہ سلوکا بندغ آک کل اونا دا حرکت آن خفا مسر و لے ہیبت کتور.....
 پیرہ نامر ءِ درے سر قبرستان ءِ کڈ کر یسر گڑ اس بندغ واپس سر مسو سر گڑ اس بریسہ اُس.....

پیرہ ناتینا آخری دیدار ءِ ہم گوارہ کتو..... تینا کوئی ٹی انا غسل کرے، زیبا و چُچ لختی کرے.....
 ہیر ڈرائر ءِ خلک پڑہ غاتے تینا بار لیفے۔ مون ءِ چرپ کرے و کوئی آن کاریکی آنیٹری ءِ
 توار کرے.....
 عائشہ و عائشہ..... عائشہ رابیہ نا عادت آن واقف کس..... رُم کر یسہ بس دروازہ ءِ ملا..... جی
 گودی خیر ءِ؟
 رابیہ پارے..... کن کن زو کس چس جوڑ کرک..... ای بیکن اُٹ..... دم درینگانٹ پارلر
 ٹی.....
 پڑہ غاتے تینا دوٹی خیر ءِ کر یسہ آدینک ٹی تینے ہرا
 عائشہ پارے..... گودی مہمانک تو لوکو بورچی خانہ گٹ ءِ چا ءِ کنگو
 رابیہ غصہ ٹی پارے..... کنے خراف کن کے جوڑ کہ
 عائشہ پارے..... گودی نے خبر ءِ بھلا خواجہ داد نیا ءِ الہہ.....
 عائشہ تینا خفتا خوینک آتے گدنا پہلو ٹی صفا کر یسہ رابیہ نیا غاہرا.....
 اُسٹ ٹی سوچا ای تو نو کرا سے اُٹ کنا اُسٹ داخہ خراب ءِ دانا تو پیرہ کس.....
 داعیش کل کہوک خواجہ نا وجہ آن ارے اونا ارمان ءِ ہم کنگک خواپسہ
 رابیہ ولد اپارے..... ان زود دروازہ غا ننتے سلوک اُس؟
 عائشہ دروازہ ءِ بند کرے انا بورچی خانہ ٹی ڈاگی ءِ بیٹ کرے.....
 چس کنگک ءِ شروع کرے.....
 نیاڑ یک چا ءِ کنگک اُس اریفرتا..... عائشہ دا وخت ءِ دیر کن چس کنگک اُس؟

عائشہ پارے..... رابعہ کن کوٹی ٹی تینا بندے..... پارے پنگن اٹ
نیاڑیک ہراسٹ اسہ ہیت کس کرے.....

عائشہ چیس آتے تیشٹ اسے ٹی ایلوگڑ اتون اورارنے انا رابعہ نا کوٹی ٹی
رابعہ تینا کٹ ۽ لیٹوک انت خبر انت سوچ خلنگ اس

تیشٹ ۽ کٹ ناری تخوک ۽ چنکا میز آتھا۔ پارے گودی دانا چیس آکور رابعہ بش مس چیس
آتے کنگ

دوتے تینا ٹشو پیپر ٹی صفا کرے..... ٹشو پیپر تے تیشٹ ٹی تحسہ لمہ ۽ تینا موبائل ۽ فون کرے
ہاں لمہ باز اشتانی کس پنگ اٹ کوٹی نادر وازہ ۽ ملاپشن مس،
ہومہمان آتا کوٹی ٹی پُرس کس بس بلہ ناتینا مون آتوس، بلہ ۽ تینا مخلوق نا خاطر ان زرس بغل
ٹی کرے.....

پدا اندن باوہ ناتینا ایڑھ تے اسٹ اسٹ ۽..... ولد اپیشن مس ایلو نیازی تن کس ۽ خوش آمد
کرے وکس ۽ کتو.....

اندن تولوک تینا دوتا ذیل آتے ہر یسہ ذیل آٹن گوازی کریسہ کرے داخہ خواری ٹی داخہ
وخت خلک اندا فتا جوڑ کنگ ۽ داسہ نشان تروئی کس خیر مہمان تے شون و شرف نو کرک کریر
نن گدرینگا.....

مستمیکو دے خیرات کریر ہر کس ہر کس مس..... اُرا نا بندغ آک سلیسر.....

بلہ تاباز پومرو کو نیازی کس اس.....

مسٹرھ ۽ تینا پارے..... وارا دے ای اندا سوچ خلکوٹ پیرہ نما شون شرف ٹی انا.....

ای زندہ اسٹ خدمت ۽ تا کر بیٹہ کنانت حالت مرو کس کئے کلم کس دیر نا ہم ارفیور
اینو پگہ نا وخت ٹی مہر و محبت ختم ۽.....

نا نواسہ غاک نامرگ ۽ ارا مان کپسہ او فتن نا پُرس و فاتحہ کن وخت اف ارا لوز ہمدردی نا کنگ
خوابسہ صبر برداشت ختم ۽.....

☆☆

قبرستان

چنک اینو نیمروچ عکل ۽ نما قبرستان ۽ دیوا۔ خیرات ہر فرعتینون.....

عین الدین (نرینہ کم نیاڑی زادہ کس) پارے

نیاڑیک عین الدین آن پردہ کتورہ..... عین الدین زیات وخت نیاڑی تَن مجلس کریکہ
، نیاڑی تیکن دیرہ خلکہ کا شعر باگل ھالو، لیکو..... نیاڑی تے بچ محسوس متو کا نرینہ سے انتے
کہ اودے ریش بروت الو.....

اللہنا تخلیق عکل عزت تَسر آتا، اوز مادہ کس ہم الو..... بس عادت آک تا زالبولی اُسر.....

چنک تینا اُراتن گڑ، الار، ریوڑی، لاچی دانہ ہر کس ۽ انٹس رسیگا ارفیرو نیمروچ ۽ عین
الدین تن سرالکر.....

قبرستان یک ونیم میل مُر کس۔ کسرچ عین الدین نیاڑی وچناتے مردہ غاتہ باروٹ پاریسہ
کرے.....

قبرستان ۽ سر مُر پارے..... دا اولیکو قبر ۽ داشہید محمد ناصر ۽، دگل خاتون نا قبر ۽ دا کنالہ نا قبر
۽.....

پاریسہ قبرنا سرونہ منہ گوتخا، الار نا منہ دانہ تَخا پارے..... لمہ ۽ کنا الار وگڑ باز دوست
کس..... مودہ کس کشا

چنک عین الدین ۽ قبر آتا ارفیسہ، فلانی نا قبر ہر اودے، فلانی نا ہر اودے.....

عین الدین چناتے قبر سیناری آدریسہ و پاریسہ کرے، دعا کبوتینکہ نیاڑیک قبر آت ری ۽

سلوک دعا کریسہ اُسر چنک ہم دعا کریکس تینا پاس متنگ کن کس تینا سَینکل کن۔

عین الدین و نیاڑیک قبر آتے خلوک آپاٹ تے پٹیلو (چچ آتا ڈی) تَفیر و دعا کریر دا معمول
جوڑ کس.....

ہر مردہ شام ویر آتے (محرم) عین الدین چناتے و نیاڑی تے ہر فیکہ قبرستان ۽ بسکہ.....

عین الدین چناتے پاریسہ کس۔ نن کہ قبرستان آن پیشن مسون، مژدہ غاک شام نانا نماز ۽
بش مریرہ دانتے کئیرہ

چناتا معصوم آدماغ آک داہناتے آنکاری متنگ کتورہ بلکہ بتخین کریرہ.....

اینوشب برات نادے کس تودا قبرستان ٹی قبر آتن دعا کریسہ اُسر

عین الدین پارے..... بھوکا نبو، مودہ کشہ خلق نا نیمہ کن روان مس۔ نیاڑی وچنک پداٹی
تدوان مُر.....

خلق ۽ سر متنگ تَن ہر کس ہر کس مس تینا اُراتے انا رشب برات ۽ کل حلوہ جوڑ کریرہ کس
سوچی ناکس نت ناو برنج ہم خیرات کریرہ تالی سیٹی پتین برنج وزی آتا دینجو حلوہ کس ہر اُراغہ
دیرہ

مژدہ شام تے کل تا اُراٹی حلوہ و برنج تا خوش انگا گند کس چائے امیر چائے غریب کل خیرات
کریر و کئیرہ.....

کس شام ۽ نن درست نن عبادت وز کر کریکہ کس خاچا کہ.....

داچناتیتی اسہ چناس عنان کس زندگی بھر پورا چنکی اندا قبرستان، اندا وڑتے خناس بھلن
مس اندا وڑ باوہ تا پین علاقہ سینا مدرسہ سیٹی داخل کرے تاکہ دینی علم حاصل کے قرآن

خوانا سس مہالو.....

عنان، ہمو علاقہ تا مدرسہ ٹی خوانا، باز دلچسپی ٹی ملاتا وعظ آتے بنگ، خطبہ غاتے سرپند مس
تینٹ دینی آ کتاب آتے فارغ وخت آ خوانیہ کرے۔ بھلو عالم کس جوڑ مس سند الک.....

اُسٹ نئی سوچا کہ واپس خلق آ اناٹ عین الدین وکل نیاڑی وچنا تے درس ایٹیو.....

قبرستان ٹی نیاڑی تا اینگ جوان اف قبر آتے گڑھ، الار تنگ آن جوانے کہ نم دافنے
غریب نئے ایٹیو۔ ایرانی چائ کس کیک کنیک تا ثواب ہم کٹیرے..... قبر پرستی گناہ ء قبر آن دُعا
کنگ گناہ ء قبر نئے چچ کس تنگ کچک.....

انس کہ خوارے دعا کیرے تو خالی تینا اللہ آن خوابو..... کل گڑا اونا دوٹی ء..... اندا سوچ
آ تینی وخت گدرینگا.....

ایلو سہب ء تینا ساز و سامان ء ہر فے ولس سے ٹی تینا شار کہ رائی مس، شاراکہ سر مس پدا
بیش ریڑھی سے ٹی سوار مس سامانے تے تینا ریڑھی آتخاوریڑھی خلق کن رائی مس.....

ریڑھی ولا درستی کس پیشینما۔ کسری مجلس کر یسہ قبرستان ناری آ کہ سر مس کل چنکی نادیک و
داسہ نا علم دماغ ٹی تہ پیری کرے.....

ریڑھی ولا ء پارے..... زرس ریڑھی ء سلف باز ہرے آن پد خلق آ بسوٹ بلہ پیرہ عاتیکن
فاتحہ کس خوانیو۔

ریڑھی والا ریڑھی ء سلیفے پارے..... جوان باوہ کنا..... ای ہم فاتحہ کس خوانیوہ

اڑ تو ماک بُر قبرستان آ فاتحہ خوانا رعنان دانگ اینگ قبر آ تینا نظر کس شانا کہ داسہ کان پٹیلو آ
ار ریاکس پنت و نصیحت کرینے تہ

ساہ تا اسل کشنگا قبر آ تاری ء شراب نا خالی آ بوتل آک تما سُر سگریٹ آ تا پھوڑک..... زر بلخ
ناکمرک، چوٹو ک آ ہڈ آک مورینک آک مچ اسرای آتا.....

پین ہزار آ گند آک، مون ء ریڑھی والاڑے ہر سسہ پارے..... مُست قبر آتے گڑ والا
تخارہ داسہ وخت بدل مسونے گڑ والا ر نا جاگہ غا شراب نا بوتل آکو، توبہ نعوذ باللہ داڑے
قبرستان سے۔ استغفار کر یسار ریڑھی ٹی سوار مس.....

منہ وخت آن گڈ قبرستان ٹی شنکی کس جوڑ کرے، شنکی ٹی عبادت کر یکہ درس تسکہ قبرستان
پٹیلو و شراب تا بوتل آتن صاف مس۔

توبہ و استغفار نا جاگہ مس قبرستان.....



ھکل

اینو ولد اوز آک بسو غلام جان نا اراٹی بیٹو..... ہیرہ تینا تاتہ ع پارے۔

تاتہ تا الکم پارے..... ابو زار..... زان تیٹی خلک باس ترنگا۔

میرہ پارے..... مسٹرھ ع تادرینو

الکم زان تیٹی خلیسہ پارے..... اللہ خلک تہ رسو مس، نرینہ غاک تا اراٹی متانوا انت.....؟

ہیرہ پارے..... مسو نوکل تا اراٹی ساڑی مسو نو خلیس آن بش متانو..... کسفور ننے بچ
سرفا نو تینے

الکم ولدا اریفہ..... مسٹرھ ع دریر پین گڑا مڑا تے تا ہم درینو یا خالی مسٹرھ ع..... بلکہ مسٹرھ نا
اندن وقصہ کس مروے

ہیرہ پارے..... نہ تا تو ای اریفیٹ تہ پاریر، خیسن، پیسہ انٹس کہ اراٹی مسونے کل ع درینو

الکم پارے..... داسہ با مس ترڑی شروع مس، درو گلاب خان نا اراٹی بیٹر..... مون نا ہفتہ ٹی
براہیم خان نا گڑ ع خلکڑ استو غلام جان نا مون ع مون کریر.....

بچ خبر تمپک دادیرو

ہیرہ پارے..... ہان تا تو غلام جان نا زامیفہ پاریکہ مون تے تہ مون وچ تفوک کس، کلہ سیٹی

خنک تا خنک گارہ کل ع ڈھکوک اسر

بھلا تو فک آک دوٹی تا اسر

الکم پارے..... اینو شام ع حویلی نا دروازہ غا قلف کس خلیرے، تیٹ لمہ نا تینا ری ع

خاچرے، مسٹرھ ارے داوڑ نگا بے عزتی آن اللہ امان ایٹے نمے۔

نن واکل چٹا مناک ہندا بھلا نیام نا کوٹی ٹی خاچنا۔ دروازہ ع تہہ آن بند کینہ

ہیرہ پارے..... تا تو او دروازہ غاتے پرغرہ، او فتن اندن وٹٹ او بند غ ارے، اسہ لغت ٹی
دروازہ غاتے پرغرہ

الکم پارے..... مون تا مون مس، خلق ع انت شومی کس بس۔ امرودے اسرہ کہ کس ع ہم
حویلی الو، اسٹ آتیٹی خلیس و سرام الو،

اُراتے اندن ملوک الا نا و پُرس آتے رائی مسونا ہر گڑا تینا جاگہ غا اندن تخوک رینگا کہ ننے

ہیرہ پارے..... تا تو داسہ وخت بدل ع دُز آتا بھلو ڈھل سے اسہ جاگہ بریرہ خلیرہ کارہ!

الکم پارے..... اف خیسن خنی کہ اسہ غورہ آن تا دُنیالڑا کا، او خیسن خنی تے اراکن اتین

ہیرہ پارے..... تا تو ای داسہ کا وہ تارمہ مریشہ ع لمہ فریشان مریک..... ہیرہ بش مس تا تو ع تینا
رخصت کرے انا

الکم پارے..... ان اللہ نا امان ٹی، خیال ٹی مریرے شام ع

الکم شام ع تینا چٹا مناتے ارغ تس و بے برای آد سچج آک تا ہر مسٹ آکل نیام نا بھلا کوٹی
ٹی خاچار

دروازہ ع تہہ آن بند کریر تسلی کریر۔ شام ع نن نیمہ غا درینا کس مس کل تا بھار سما کریر۔

ایلو درینا..... الکم چا کس پارے..... مون تا مون مس بسر دُز آک داسا.....!

دسچج تا لڑزہ سا پارے..... یا اللہ کور کیس تا، حویلی ٹی چپا سر دروازہ ع ایلو کوٹی نا پد غا سر دا پو
مسر.....

نرینہ غانا دو تے تفسیر..... خن تے تامون او پٹی تفسیر منہ لغت وچ خلکڑ بٹیرتا.....
 داسا دانیازی تا کوئی نانیمہ غاٹس..... دروازہ ء لغت سیٹی پر غار ملار..... نیاڑیک کل تینے گد
 آتیی کوراسر ڈھکاسر.....

اسٹ اسٹ ء چکسہ گد آتے مرکریسہ ہرارا اسٹ ء تازرس جوان خنارار فیر کو پے غاٹخارورائی
 مسر.....!

ایلوکل تیخ تفسیر..... سہب ء داہیت اندن تالان مس خلق ٹی دنکہ غلام جان ناوایلو فاقصہ

ہیرہ دینکسہ بس..... تا تو..... تا توانت مس!!

الکم ہیرہ ء خمب ٹی کریسہ پرادس خلک لمہ استونے خلکڑ، بامس ننا تڑمگا دُتچ ء کنا
 دریر، نرینہ غاٹے لغت وچ کریر..... بس.....

ہیرہ تینکے لڑزہ ٹی بس کہ انت مروء.....

ہیرہ ناباوہ خلق نا کل نرینہ غاٹے تینا و تاخ آخوا کفے کل بسر،

ہیرہ ناباوہ پارے..... کنا ایلمک، حالات آک نما مون ٹی او ہرن اسہ اُرا سینا مون
 مون ء، ہڑدے نیاڑی تے ننا ہر فرہ دیرہ، بامس ننا تڑو کے، مال تے ننا خلیرہ۔ خیسُن و
 پیہن چچس اُرائی تخنک کپسہ..... خیسُن و پیہن ء اللہ دے مال نابدل بریک ولے نیاڑی
 تے امرکیرے نیاڑی تے دیرہ پدا انت مونٹی خلورے.....

یکجا مروئی تمک، ایلم نا کو پے مروئی تمک نہ تو دا بے غیرتی نازند ء نم پارے کہ ”زندہ“ اُن
 داژن تو مرگ بہتر ء

کل ہیرہ ناباوہ ناہیت ء متار..... ہرکس نا اُرائی بٹیر وھکل سیٹی کل ء ڈہ ایت ء کہ بس پدا

منگی انباراوارشونگلوئی ء ای ء تا

شام ء کل اندا فیصلہ غاٹل کریر۔ دُز آک خان گل نا اُرائی بسر، خان گل نامارھکل نس خلک

.....

ھکل ناتوار ء ہرکس بنگ و مون آ پین ھکل نس خلک کل خلق مچ مس..... دُز آک
 ہنگار.....

☆☆☆

اُف اندن زبیا و موسم اسے۔ اُف اُف پری جان تینا اڑ تو مادوتے تالان کریسہ
سیدھا اڑ تو مانیمہ غاتے چچلو گنیمہ مون ۽ تینا بڑ آسمان نانیمہ غا.....
اُف۔ پڑیک پر نامون ۽ تمہارا۔ پری جان اُف اُف..... کریسہ چچلو کُنسہ پر ناپس ۽ ہلنگ
اس.....
لمہ تا توار کرے..... انت کس خناس کہ دُن اُف اُف کریسہ خوشی کنگ اُس.....؟
پری جان پارے..... اماں رش کلک کریسہ ۽ اندن پدین..... اُف..... پڑیک مون ۽ تمیمہ
مون آن تا پڑیسہ اسر.....
اودان مدان پیری کریکہ
لمہ تا کھڑکی آن ہر اتہ پارے..... چرخ گنیمہ کُنسہ تمیمہ تھٹی برک..... خ خلیک نے بیمار
مریسہ
اندیش کلک ۽ چُچ آک تا پالسر..... لمہ تا پیشن مس پارے..... بکان تھٹی دوٹی تا ا لک
چکیسہ تھٹی کوٹی ٹی درے تا
چُچ آک تا مچھڑ اسر..... لمہ تا توال ٹی مون ۽ تا صفا کرے.....
دوتے مچے توال ٹی بار یفہ پدا چُچ آتے بدل کرے.....
پڑہ غاتے توال ٹی بار یفہ..... پارے دوارہ انپیس بیمار مریسہ..... واپلہ نا پڑی پانگ آن
چُچا تے زونج خلیک، زکام مریک تا ولد اسیلہ اودارو..... تو بہ کیس

پری جان..... دہ سال ناوٹی آکس..... اولمہ ناتینا ہیبت ۽ خف تورے بشخندہ کرے پدا زرس
تینا بولوتشن گوازی ٹی مشغول مس.....
رش کلک زرس سلیسکہ و اشروع مسکہ
پری جان نابا وہ پیشن آن بس پارے..... اندن لگک کہ مڈ سا تو نانیمہ غا انگ ۽
پری جان ”سا تو“ لوز ۽ بنگ سوچا ولے ہیبت کتو ولد گوازی ٹی مشغول مس.....
داسا تو ارانن ودے اسکان چُچا..... ہفت دے لگا رہتمیکو دے مخلوق نا اراک تمیمہ اسر
دیوال آک شروع ٹی تمہار.....
مستمیکو چار میودے پری جان نابا وہ لمہ ۽ تا پارے ارادے پین چکا مخلوق برباد
مریک..... اراک تمیمہ او، حصار بریک نن نیمہ غا حصار نا غصہ نا توار اوقا اُرا ٹی بنگ
اس.....
پری جان نا لمہ نپا دآن پیشن مس..... توار ۽ بنگ پری جان نابا وہ ۽ بش کرے پارے حصار نا
توار ۽..... امر و خوفناک او توار کسے دیرنا
پری جان نابا وہ پارے..... داوخت ۽ توار تا دُن ۽..... کف کریسہ مرو دیر نا غصہ..... انت کس
مونٹی تا برے دیک بڈ ایتک تانی ہر کہ بھلا بھلا چُچ آک ڈورٹی بڈالیرہ۔
پری جان نابا وہ بش مس تینا چادر ۽ ار فے پیڑا تینے آ بھلا پری آ بوٹ آتے تینا نٹی کرے
چھتری ۽ ار فے
پارے..... ای پیشن ہر یو بھلو توار توار کسے۔ اُراتے تو بٹننے
انا مخلوق بیل تن سلوک کس کہ خدا خواستہ کس سنا اُرا ۽ حصار غصہ آن دپ، پٹپ.....

نن درستان نرینه غاک بیل تن پشن سلوک اسر خصارنا قهره ہر یسہ غورہ غاتے
بنیسہ کف گج ء تاہر یسہ

سُہب ناوخت ء پر زور کرے شنزہ پین ٹرند مس، پشن سلینگ متوکہ، پری جان ناباوه اُرائی
بس پری جان نالمہ پُراٹھا لبسے سُس خواہا ہم لبسے چاء کرے ایس پارے تنخ ء انداژن
پُراٹھا بسیٹ

پری جان ناباوه پارے جوان کرلیس پینلن ہم اسن، چاء کنگر نہاری کریر پری جان ناباوه
ولدا انا پشن

اسہ نیمہ غاسا تو ناوجہ آن کچہ انگا اُراک میس کشسہ تمیسہ اسر مخلوق اُراتا تمنگ آن پٹی
مسوئر، کس ء ہسپتال ء دریرہ کس ء تینٹ طیبی کریرہ

داسا مسیت آتیٹی آذان کنگ ء بناء کریر۔ ملاک اللہ نامون ء گریہ وزاری ء شروع
کریر۔ ہر مسیت ناملا ناؤ عانا تو ارسپیکر آتن بنگ اس۔

واروار ء آذان پری جان بش مس۔ چاء کنگ باوہ ء تینا پٹا بابا بابا

لمہ تا پارے بابا نا پشن نرینہ غاشن سلوکہ استو خصار بسونے اُراتے بٹیسہ دریسہ
ء پد آن ہم مخلوق نا اُراک تمانو

بندغ آک پٹی او۔ مخلوق ء جاگہ اف کہ کاٹم ء تینا ڈھکے

پری جان پارے اماں کنے پد باز دوست ء بس ای پاریٹ پد مرے پد مرے
اماں کنے خبرالوکہ پد ہم فریشان کیک

لمہ تا پارے کنا پٹا ہراڑے کہ اُراک پکاؤ ہر یا سیمنٹ آن جوڑ واوڑے پد جوان ء

روڈ آکو کچڑ مفک، اُراک تمپسہ نناوڑنگا بندغ آتا اُراک کچا اوروڈ اف ہر نیمہ غا
کچڑ لُغ، اُراک تمانو ہمیشہ کنا پٹا دعا کیس کہ انٹس مریک خیر مرے پد مریک تو ہم
خیر نامرے

☆☆☆

کوٹک

اسٹنٹ ڈائریکٹر دورہ نا پروگرام ء ٹائپ کرے تاریخ شاگا پرنٹر آن پرنٹ کس
تہ کشا چیک کرے تا.....

پارے سہی ء تینا ری آ تو لوک آ ایلو اسٹنٹ ڈائریکٹر ء پارے..... کاو ڈائریکٹر آن دستخط
کریفتا، دوارہ نا تا پروگرام تیار مس۔

کاغذات آتے ار فے سیڑھی تن دڑنگا بس ڈائریکٹر نا دفتر ٹی۔۔۔ میڈم دورہ نا پروگرام
ٹائپ مس تیار ء..... کاغذات آتے ڈائریکٹر نامون ء میز ء تختا۔

ڈائریکٹر کاغذ آتے خوانا، تاریخ آتے چیک کرے۔ پارے سہی ء..... بس نم کل سہب ء
وخت نا مطابق دفتر ٹی ساڑی مریرے۔

فائل ء داسی آن تیار کرک۔ خالی اوکاغذ ہم افرے۔ نوشتہ کنگ کن درکار بریک ننے پین
ہم.....

ڈرائیور ء پاگاڑی ٹی پٹرول ہم داسی آن شاغفے.....

اسٹنٹ ڈائریکٹر..... جی آؤ کریسہ دفتر آن پشن مس، ڈرائیور ء گاڑی ٹی پٹرول شاغفنگ
کن مون تس۔ تیٹ تینا کمرہ ٹی انا فائل کس جوڑ کرے ضرورت نا کاغذ آتے فائل ٹی تختا۔

اراجن فائل ء خلک برابر کرے..... پدا کمپیوٹر ء کاریم شروع کرے۔

ایلو سہب ء نو بچہ ڈائریکٹر تینا گاڑی ٹی دفتر ارینگا گاڑی آن دڑنگ تو ڈرائیور ء پارے
ہارن ایت..... دا اسٹاف برے سرالین ارے مریک

اسٹنٹ ڈائریکٹر آک اڑ تو ما بس فائل دوٹی تہ کس۔ گاڑی نا دروازہ ء ملار پاریر..... میڈم
اسلام علیکم گاڑی ٹی سوار مسر۔

ڈائریکٹر سلام نا ورنندی ء تس پارے..... چیر اسی اے ہم سوار کبو۔

ڈرائیور چیر اسی ء گاڑی نا خیر ء سوار کرے گاڑی رائی مس..... تینا منزل کن۔ گھنٹہ کس اوک
پشین وپشین نا علاقہ غاتن مریسہ..... قلعہ عبداللہ غا سر مسر ہر نیمہ غا باغ آک خرون
اسر..... سوف..... انگور نا باغک مر مر اسکان خرنی کس۔ قلعہ عبداللہ ٹی تینا سینٹر اسلیئر، سینٹر
ء چیک کری ضروری کاغذ آتے سینٹر آن ارفیو نو کشار..... چاء بسکوٹ کنگر پدا گاڑی ٹی سوار
مسر۔ گاڑی ایلو منزل کن رائی مس انیسہ انیسہ مشک شروع مسر گاڑی کوٹک پاس ء بس سر
مس.....

داسا خطرناک آول آک منٹ منٹ آول، گاڑی پیری کنیسہ بڑز انیسہ داڑے ڈائریکٹری و
اسٹنٹ ڈائریکٹری ختم مس کل تہ اللہ یا اللہ کریسہ ہینڈل ء تو ریئر وارنس دانگ دوارنس
اینگ مریسہ خفک تہ بند مسر۔ ڈائریکٹر گوچک کس کشا پرس آن اسٹ کس بائی کرے و ایلو ء تینا
اسٹنٹ آتے تس.....

پارے بائی کبو تہ بلکہ زرس برابر مریرے..... ڈرائیور داروٹ آماہر کس، پرواہ متو تہ خوبک
ٹاپ آکہ سر مسر ڈائریکٹر پارے اُف بس داسہ سہی ء.....

مون شیفی ڈرائیور پارے میڈم جی داسہ زیات خراب ء..... بس خدا خیر کے گاڑی شیفی
انیسہ، خف تا ملنگ سیٹی خلنگ واقعی ڈرائیور نا ہیٹ راست مس دازیات خراب ء۔ خدا خدا
کریسہ شیف ء سر مسر ڈرائیور پارے..... اے چمن ء مرشار نا نیمہ غا اشارہ کریسہ پارے۔

ڈائریکٹر پارے..... گاڑیء سلیف زرس نے تہو لگے برابر مرین ہندن کان اسٹاف نے آ
مخوئے

ڈرائیور گاڑیء سلیف ڈائریکٹر اسٹاف تد گاڑی آن ڈنگار۔ کوژک ٹاپ نانیمہ غا
ہرار..... اُف اُف احمد در بوزے

کوژک مش ناہر نیمہ ہر نیمہ..... ڈائریکٹر اریف ڈرائیور..... دائل (سرنگ) دائی کہ
ریل نا پٹویء داکہ بندغ انگ کیک

ڈرائیور پارے..... ضرور ولے باز مر مش تا تھٹی تہارمہ ع۔۔۔ پین نظام داڑے اف
روشنائی نہ مشکل ع ولے انوک اک کارہ

ڈائریکٹر پارے..... تینا اسٹنٹ ڈائریکٹر آتے کوژک سطح سمندر آن 1,945m بوزے
ہندراژن خفک ننداژن بند مسر زرس پین بوز سلوس پردہ غاک خف تانا تر خارا.....!

ڈائریکٹر کل ع پارے..... البو گاڑی ٹی سوار مبو سینٹر آکان..... واپس ہندا کوژک آن
گدرینگوئی ع۔ کل سوار مسر گاڑی روان مس چن نانیمہ غا اسہ چکو شارکس سینٹر نابور ڈمر آن
خزنگا کہ، ڈرائیور گاڑیء سیدھا درے سینٹر نامون آسلیف نرینہ شاف پشن سلوک کس گاڑی
نادروازہ عاتے ملار۔

بجیر کریمہ کل ع سینٹر ٹی چاء ماہہ تیار کریمر۔ اول چاء کنگر ولدا سینٹر ناکل ریکارڈ آتے چیک
کریر۔

سینٹر نا انچارج پارے..... میڈم نم اولیکو وار بسوزے ناعلاقہ آداڑے پین بچ اف نے نشان
ایتن۔ افغانستان پاکستان نابارڈر ع اوڑے نیو بازار ع۔۔۔ ایلو نیمہ غا افغانستان آن بروکا

سامان تڑہ عاتمانے انتس خوارے انگ کیرے اڑزان۔

گاڑی تیٹی سوار مسر بارڈر انار..... اسہ کنڈ پاکستان و ایلو نیمہ غا افغانستان نابیرک آک
بوزا سر۔

سپاہیک سلوک..... نیو بازار ٹی فوجی تا استعمال کرد کا سامان کس ڈائریکٹر اسہ گیس ولا ہیٹرس
الک۔ ولدا بارڈر آنار اوڑے سامان باز کس گڑ امڑا الکڑ، گاڑی ٹی تخار داسہ سینٹر انچارج و
اسٹاف او فتنے ارغ کنگ کن بلوچ ہوٹل ع درے پاریر پین داڑے ہوٹل اف بلوچ ہوٹل
بھلو ہوٹل کس اس روش، کباب، سو، برنج، کابلی پلاؤ، چٹنی سلاؤ، خاسن پین دنیا تا گڑا تے
میڈم نامون ع تخار.....

میڈم پارے..... دادعوت ع کوژک آن اے پار کریرے زیادہ بہتر مسکہ..... داسہ نے پدا
کوژک نا خلیس ع.....

سینٹر نا انچارج پارے..... میڈم چلہ ٹی بر فباری ناسبب ہروخت کوژک نادا کسر
بندمریک و ننامریض آک اُرائی کہرہ یا افغانستان ع مون ایتنہ تا۔۔۔

پرٹی داکسر لغوشت مریک و او تدا داڑے زیات حادثہ تا خطرہ مریک۔
اسٹنٹ ڈائریکٹر پارے..... گڑا انتے داچنکا شار ع کوژک آن اے پار آباد کپسہ داڑے

سوائے بارڈر آن پین بچ اف۔
سینٹر نا انچارج پارے..... بس ہمے وخت آن کہ مخلوق آباد مسونے داسہ ہرا جا گہہ غا اوفقا

زمین آتے آباد کیرہ۔
اسٹنٹ ڈائریکٹر پارے..... داڑے تو بچ زمین کس آباد اف، خشک ع ولایت، کوژک آن

خدا نارضا کن

موسم بخ نئس خشک بخ.....

درخت آک پُشکن باریسوئر.....

ڈنگرائر گڑاس تا پُشکن آپن آک ڈغار ٲتموک بخ نا احساس ٲزیاٲ کریرہ

رافعیہ تینا باوہ ٲارے..... بابا اینولاند (کدیت / خدیت) ناروسٹ کنگٹک اُسٲ خواہک

کان شام ٲابئل ہوئل ٲ

بابا تا پارے..... بخ ٹی اسل واک کپک کہ زرس سُر ان پُشن کان ولے کنا مسٹرہ نا اُسٲ

خواہک تو ضرور کانہ

شام ٲ رافعیہ تینا باوہ ولمہ تن بابا ہوئل ٲ اٲار چٲکو چٲکو کوٹی جٲا جوڑس۔ خاہوت آتیکن ٲردہ نا

خاطر ان

ایلو فٲیکن بھلو بھلو ہال ہم نئس۔ چلہ ٹی مخلوق تہی تو سو کہ

او تیرمہ غا پُشن چمن ٹی میز آتے خلکرہ وٲاٹی آتخت آتے غالی ہم شا غارہ جو کئی آباشٲ

آتے تخارہ۔ انداڑن مخلوق دا ہوئل ٲ دوست کریکہ

رافعیہ باوہ ٲ تینا پارے..... بابا جٲا کوٹی ٹی تولہ غالی نئس شا غوک نئس بھلا بھلا ٲمبہ ٹی آباشٲ

آک چار کنڈی آتخوک اسر.....

نیام ٲ چٲکو شیفو ٲاٹی او میز نئس تخوک نئس میز ٲ پڑونگ نئس شا غوک نئس۔ چچہ غاک تخوک

اسر..... بوتل نئس دیر نا تخوک نئس، چار گلاس تخوک اسر.....

اے پار بانگ وسبرہ ٲ دا پار بارن ٲ ڈغار درخت اس ہم اف۔

ہیٲ کر یسہ ارغ کنگرا او اجازت کریر کہ ٲدانے کوژک ٲ سر کروٹی ٲ کل مخار فی امان اللہ کریر۔

گاڑی ٲیری کنیسہ..... کوژک ٹاپ آسر مس ڈائریکٹر بمعہ اسسٹنٹ کل ناخنک ترا سُر سوائے

ڈرائیور ان۔

مدان مدان گاڑی شیف مریسہ مریسہ کوژک ان دڑنگا۔ کل ناخنک ملنگا رڈنکہ مرگ ان

واٲس بئر۔

ڈائریکٹر خیر ٲرامش نا بڑزی وول آتے گاڑیک اینیسہ وبریسہ امر خٲنگارہ دا تاب ول تیٹی

ہول ارفیکہ اُخ توبہ توبہ

خدا حافظ ”کوژک“ ڈائریکٹر تینا مون ٲ سیدھا کر یسہ پارے.....

آہ سُرڈس کشا.....

”اُف کوژک“



رافعیہ بس میزناری عتوس و بالشت و بھلا چکا تینے جو کہ کرسہ پارے داسہ آرام ٹی لاندھ کنیوا
 باوہ و لمہ تاہم تو سر ہوٹل نا کاری کی کس بس اریفہ جی صاحب انت خوارے
 رافعیہ نا باوہ پارے بین توچ خواپن آن کہ مے پلیٹ لاندات بس
 کاری کی پارے جی صاحب واپس انا زرس آن گڈ بس بھلو گڑد وشت سیٹی مے پلیٹ لاند
 ناروسٹ تنخوک اسر، سلاو، چٹنی مے ارغ
 تشت وڈ غار اتخا پلیٹ آتے ار فے اسٹ اسٹ و میز و رافعیہ کس تامون و اتخا سلاو و چٹنی
 تے ہم تنخا پارے
 صاحب ضرورت مس گڑ اس تو اکریرے نئے پیشن مس دروازہ بند کرے
 رافعیہ کوٹی نا چھت آہر یسہ پارے بابا ہر خلقی وڈ پرچ کیڑو آتے باز آتے چراغ کس ہم
 دیوال وڈ و نچ و لے پلیتہ و گاسلیٹ نا جاگہ غالب اسے بجلی نا
 باوہ تا پارے واکل کار و بار نا خاطر آن کہ مخلوق چلنگسہ برے دُنکہ کنا مسٹرھ اُرائی لاند مگہ
 اف - پورا جون کس لاند کرین لاند و برنج لاند و ڈال، لاند و سٹ بین انت انت وڈ ٹی
 لمہ نا بیٹ کیک و لے فی انداماحول و ہندا گڑا تا خاطر آن داڑے فرمائش کر لیں امر باوہ نا
 سہی پارے
 رافعیہ مخا جی بابا
 لمہ تا پارے بسم اللہ کو کنبوکان - اریز تینا پلیٹ آتے لاند ناروسٹ آتے کنگر
 بابا تا میزناری و تنخوک آگھٹی و خلک
 ہوٹل نا کاری کی بس جی صاحب !

رافعیہ نا باوہ پارے بل و ات ہرن کہ کنا مسٹرھ اخس نا سخان کر لیفے نئے پاریسہ
 مسٹرھ و تینا ہرا
 کاری کی واپس انا زرس و آن گڈ بس دوٹی تا کسے چٹکو فائل سیٹی پرچی کس اس فائل و رافعیہ نا
 باوہ نا دوٹی کس جی صاحب بل و دوٹے تینا اڑ تو تامون و تقیہ سلیس حکم نا انتظار ٹی - ٹپ نا
 خوشی ٹی
 رافعیہ نا باوہ بل و ہرا - ہوں کر یسہ پدا تینا مسٹرھ و ہرا دو و جیب اٹی کوٹ نا درے بٹوہ و کشا
 شش ہزار روپی حساب کرے و فائل نا تہٹی تنخا، پنجار و پی کاری کی و ٹپ کس پارے منتو اریلم
 نما
 ہوٹل نا کاری کی پیسہ عاتے ار فے حساب کرے
 رافعیہ باوہ و لمہ تا بش مسر بوٹ آتے تینا نئی کریر - ہوٹل نا کاری کی پارے اللہ نا امان ٹی
 صاحب جی
 رافعیہ نا باوہ پارے اللہ نا امان ٹی پیشن مسر، کل گاڑی ٹی سور مسر - گاڑی ٹی سیدھا اراغا بسور
 ہر کس تینا کوٹی ٹی انا -
 ٹی وی ہرا و خاچار - نن نادہ دو انزدہ بجانہ وڈ غار جمب کس بس وڈ غار وڈ زریفے چنڈہ -
 اندن چنڈہ کہ ہر کس و اللہ و یات و کس - کل مخلوق ہرا تن پیشما کس روڈ و کس پارک ٹی کس
 تینا چٹا تن گاڑی ٹی
 رافعیہ نا باوہ زوز و رافعیہ نا کوٹی ٹی بس رافعیہ گٹ و باوہ، باوہ کر یسہ لڑ یسہ کس رافعیہ و بغل ٹی
 کرے پیشن ایس تا بھلو حویلی کس اس تینا حویلی ٹی تو سر
 کوہ باتل

باوہ تا پارے کنا مسٹرھ لمہ ناتیناری ۽ مرلیس کوٹی ٹی انچیس واپس زمین جب بنگ یک ای
داسہ اناٹ

رافعیہ پارے..... باوہ ارا نگ کاسہ؟

باوہ تا پارے..... کنا مسٹرھ داوخت ۽ مخلوق ۽ کنا ضرورت ۽.....

اوقتا اراک تما نو اوچناتے کنا ضرورت ۽ کہ دازمین جب ٹی چوری مسونو.....

موکل کریسہ گاڑی ۽ کشا بندغ آتے تینا ار فے رائی مس

نن درستان بندغ آک تا مخلوق ۽ ہسپتال آتے سر کریر، دوا دار و تینٹ الکر تر،

ہرکس ناکہ اراک تما سر چنا و نیاڑی تے تینا پناہ گاہ سینٹر آتے سر کریر۔

زیادہ تر بندغ آک زمین جب وخت آپشن ٹی تما سر ٹپی مسوسر۔ اوفتے پٹی کر بیفر۔

ارامسے دے رافعیہ نا باوہ ناکارندہ آک تینا کاریم تیشی اختہ اسر۔

بابا تانیمروچ ۽ ارا غم بس

رافعیہ تینا بابا ۽ خنارم کریسہ بس پارے باوہ فی جوان اس؟

بابا تا پارے..... کنا مسٹرھ نن اللہ نا رحمت آتن جوان ان..... مخلوق بر باد مس اراک تمار

چناتے خنوس، اندن ہڑ زائی اسر پر یاد کریہ بے یار و مددگار روڈ آتے تما سر اوفتے تینا پنا گاہ

تے اخس کہ سرکننگ کرینہ کریٹ۔ ایلو فتنے سکول آتیشی مون تسوٹ۔

بھلو بندغ کس پیران مسونے.....

داسا حکومت ہم کاریم کریسہ ۽ ولے ننا ہم فرض ۽ کہ نن داوڑ نگا وخت ۽ اللہ نا بندغ آتا مدد ۽
کین۔

بیدس فاندہ نا اُ میت ان خالی تینا خدا نارضا کن انسانیت کن

سہی کنا مسٹرھ..... مسٹرھ ۽ تینا چوک کس الیسہ پارے

رافعیہ پارے..... جی باوہ جان.....

ای ہم نے انبار خدا نارضا کن کاریم کیوہ..... فضول پیسہ ضائع کپرہ

☆☆☆

ایونے دے دیگرے

ریڈیو خبر بسونے کہ حکیم آبادی اسے شوان کس گرے خوفیہ جوناری ء لاش
خنانے.....!

پولیس ء ڈھ تسونے..... زیر تینا مارے پارے

مارتا بیزن پارے..... باوہ لاشک اخسودن پاریریا نہ؟

باوہ تاپارے..... نہ دن پاتونو و لے داپاریر کہ شوان خلیسن آن خوک امتانے و لے لگک کہ
بازو.....

اللہ رحم کے، ہر نیمہ غان لاش ارامسے دے اٹ خبر تمک کہ اخہ لاش و دنا اودیو، دیر کسے تاجے
تازیر پاریریا نا

باوہ تاپارے..... اینو اسکان مکہ خبر تمانے دافتا قاتل آتا کہ داسہ خبر تمو.....!!

زیر نالہ شست سیٹی جگ کس دیرو اراگلاس ایس۔ اوقا مون آتھا اومو نجھاس

زیر پارے..... باوہ ای فی الحال اناٹ ای انا.....

پیشن مس چوٹ آتے نئی خلک و موٹر سائیکل ء اشارٹ کرے انا

پولیس ناٹیم کس گاڑی تیتی انا حکیم آباد ء ہمو جوناری ء لاش تے خنار.....

پورہ ہر دہ لاش اسہ وارا اسہ جاگہ غا.....

قیامت ء انسان ملغ بے خون ء..... مس

پولیس تینٹ حیران مس ایسبولینس آتے خوائیر لاش تے ارفیر..... ہسپتال نامردہ خانہ ٹی

ایسرتخار.....

انتظامیہ ء پولیس رپورٹس داپورہ قصہ خبر آتیتی ریڈیو ٹی بس.....

ہراسٹ نخ تھے ہر دہ لاش، دا امر و مرگ ناسودا گرس کرینے خلانے بٹے نے زیر تینا سنگت

آشن احتجاج کس کرے کے دانا تحقیقات مرے دافنے امر کسفیو

مدان مدان ایلو علاقہ غاتیتی احتجاج مس انتظامیہ ہم اندا فیصلہ ء کرے.....

ڈاکٹر آتا اسے ٹیم کس جوڑ کرے۔ ماہر آڈاکٹر آتا، ہرافک مردہ غاتے ء خوانا سر مرگ ناوجہ

غاتے تیا سہرہ.....

داٹیم تینا کل ساز و سامان تن روانہ مس

انتظامہ ناموجودگی ٹی لاش تا معائنہ ء کریر ہروڑاٹ پد ہمو جاگہ غا انا رجوناری ء ہرار

تینا رپوٹ ء جمع کریر کہ ہر دہ بندغ ء اسہ چرٹی سلیفیو

دافتیا سُم کاری کر سہ کسفیو.....

پدا اسہ بھلوٹاٹ سیٹی کل ء نج پہ نج تنخانوٹاٹ ء تقفیو

اسہ قبر کس خلکو نو دیر ناری ء دافنے کڈ کرینو

ری انا مشک زرس مرسونو لاشک سرانو خراب مسونو دیران پاش مسونو

دا شوان گرے خوفہ داکا گدارا نے خنانے تا

دا حوال ہم ریڈیو ٹی پانگا

کس ء خبر تمکو کہ ہر دہ بندغ نا کسفوک دیر ء.....

لاش تا درستی متو خراب مسو سرفن کریرتا

منہ وخت آن گڈ ریک آتا تل آن پولیس ء لاش کس رینگا.....

لاش ناک دوک تفوک اسر.....

اندن لگا کہ کہ لٹ مٹ تسو سرتہ

سزانا وجہ آن کسوکس کہنگ آن پدایسو سرتہ ریک آتیٹی بے سرتا پولیس نن ودے سوئج

رُونج ٹٹ کس کہ دادیو..... دُن بیدادی ٹی مخلوق ء کسفنگو

اسدے کس زیر تینا سنگت آتن تو لوک چا گڑنا حالیت آہیت وگپ کنگ اس کہفت ہشت

بندغ بسر مونک تا مول اسر بھلو کوٹ پینا سرتہ کلاشنگو فاک دوٹی تا اسر.....!

زیر ناسنگت آتن ارٹ ء ارفیر لغت ج کریر.....

زیر وایلو سنگت اک شور کریر تو اوفتے سُم تیٹی خاچفیر

ہفت لاش ہمو جاگہ غابٹر.....

زیر ناہمو اڑتو ما سنگت آتے کہ لغت ج کریرہ اسر اوفتے گاڑی سیٹی بٹر۔

گاڑی نامونو شیشہ اسر۔ ارا مسے پین گاڑی سرتہ کل تا یک صد پست ناسپیڈ ٹی بال کریرہ

انار.....

گوئگار، کس ء خبر تھو کہ ارا کن بسور ارا نگ انار.....

زیر وزیر تن ادا وفت لاش خلق ء رینگار.....

ہر ارا ٹی مودہ وپرا داس

زیر نابا وہ انا پولیس ٹی رپورٹ کرے.....

پولیس ہر نیمہ غا پنگ ٹی لگا.....

تا کہ خلق لاش تے کفن دُن کریر، بچ خبر تھو دے خلک و سنگت آتے دیر درے ہر انگ درے

انے درے.....

داسکان داپرس وفا تھٹی تو لوک اسر.....

زیر نا اڑتو ما سنگت آتالا شک جل سے آن ملار.....

پولیس ء اطلاع رینگا، پولیس نا گاڑیک رانی سرتہ دم سے آن گڈ لاش تے ایس خلق آ ارا

تے تہ سرتہ کرے.....

دافتے باز کٹا سرتہ..... اذیت آن پد کسفیر

داسا ہر ارادے آ لاش کس رینگا کہ وختس دیر آن وختس ریک آتن وختس جل آن وختس

بیش سینانج آ تفوک

وختس ارا نادر وازہ نا باغ نن ٹی بٹرہ تا.....

سُہب ء بش مروس تو در وازہ نامون ء گلی ٹی لاش تموک ء

ہر ارا ء لاش تا ٹیکی رینگا کس ہر ارا ٹی ماتم کس.....

ولے پولیس بے وں کس سوئج رُنج کریرہ..... نا کہ خلکا کہ ولے داخت انگا نا کہ ٹے ہم

علاقہ وتر ٹی بڈالیسہ کس.....

اسدے کس منی بس ٹی مسافر آک شار ارا نگ اسر.....

مش تانیا مٹی نا گمان منہ مول و بندغ تو فک آتن بسور گاڑی ء سلفیر.....

گاڑی نادر وازہ ء ملار مسافر آتے دڑ فیر مسے گاڑی سلحہ و بندغ آتن پڑ سرتہ.....

بندغ آک دڑ نگار داک مسافر تے آسم کاری کریرہ کل ء کسفیر بمعہ ڈرائیور لاش تے

اندن الاربے گور و کفن.....

وختس کہ داکہ پین گاڑی کس گدرینگ دالاش تے خنای پولیس ء ڈہ تس.....

ہروخت انبار پولیس انالاش تے ار فے شارالیں دا خبر کہ خلق خلق آتالان مس مخلوق پیشینا

نرینہ نیازی، شہید آتا تصویر آتے ارفیر بسور پولیس نا ہیڈ کوارٹر نامون آتو سرکہ دا انت قہر

اسے ہر ارادے آننے لاش تائیگی رسینگک

دا پارین داکہ ہمو تم اسکان بش مفنہ تا نکہ ننا قاتل آتے دزگیر کتا نرے!

ہفت ہشت دے اندن تو سر۔ پولیس تیٹ بے وس کس زیر نالمہ بش مس کل نامون ء منہ

ہیت کرے ہر اوخت ظلم زیات مس دتر زیات وہا.....

دتر ناخیں آ رنگ تخت آتے چپی کیک اینو اگہ ننے آد اڑن آدے تہارمہ ء پگاپدی رژنا

مریک و ظالم تے آتہارمہ مریک

یادخرا قاتل آک، دادنا خیراؤن مرگ ناسودا گری کنگو.....

وخت بدل مریک اسے وڑسلپک بش مہواللہ غا تو کل کبو، تیٹ اسٹ ایلونا کو پمہ.....

اینونے دے دیگرے پگہ نوار وارس برے

کل ء داہیت بازوڑا

فیصلہ کریر و بش مسر.....

ہروخت تین تن اسلحہ تخار مرگ نا پرواہ ء کتور.....

بھلو وختس لگا و لے مرگ ناسودا گرا تے رسینگا سا

کل ء تاگیر کریر.....

ہر ہندو جاگہ تے اوفتے پلو یڈ کریر..... تینا سنگر تے سوگٹو کریر

ہمو وڑ زیر وسنگت آتے خلکو سر کل ء تا تریر بیئر

زیر نابا وہ انداتن اوار کس خن تن تہ حوینک آک بر پارے.....

انسان ایلوڑے انداخہ ظلم کے کہ تیٹ سلنگ کے تا تیٹ

ہر بوہرا فک دروننے آتا رمی تے ایسرا اینو ہمو ظالم آتے آدے تہارمہ ء

دادے رب نا انصاف..... امر کیسہ نے تن ہمو وڑ مریک

☆☆

سمندر

اینو سمندر باز مونجائس.....

چپ، سیٹی غرق کس.....

نن درست نن سوچ آتیت گدر یفسہ سُب کرے

دے ٹک تنگ عزس بریر مس.....

مدان مدان ہیئت شروع کرے

چک آتے آج آتے بط و سگارک تے توار کرے

کل چک آک بسور..... حیران اُسُر کہ اینو سمندر نن امر توار کرینے؟ ہر وخت تو سمندر نن

ارفپک، حوال کپک اینونت مس.....!!!

سمندر پارے..... حیران متنگ ناضرورت اف

ای نماکل ناہیت آتے درو بنگوٹ نم مجلس ٹی کننا زیبا انگا جان من جھیل ناویرانی ناقصہ تے

کننگ اُسُر

کل چک آک پاریر..... داراست جھیل باریسہ ویران متنگ ء

سمندر پارے..... استونن درستانن ای تینا جان من نا سوچ وگرتی ٹی مسونٹ اینونے

خوایفیٹ پین انت حوال ارے نم تن کننا ساہ ناکنے پابو

سگارک پارے..... انسانک برادکرینو تا پشیم آن تا خفتن اسکان بند غاک مچ ء آرام کن

ہم ہلپسہ تا، سیل وچکر کیرہ کچرہ تے کل ءزی آتا خسرہ۔ اوچپ ء سگک تہ

ٹی ٹی ٹلاگلو پارے..... انداچپ وسگ ناوجہ آن بندغ آک دیر ء تادر یسہ وداسا تو نلکھ ناچپ

آتیتی دیر ء تا پوشیہ وکے غلس ء اندن اسہ دے کس ختم مروے.....

سمندر پارے..... اینونم کل کننا ہیئت آتے خوڑتی اٹ بنو

کننا ساہ وکننا اُسٹ نا حال ء سرکبو.....

نی ٹی ٹی ٹلاگلو، سگارک، نی سائرس بگلانے پاوہ نم آبی بڈوک کل نما۔ انٹس کہ پاوہ موڑ

پارے تا اے کننا جان من جھیل پری نا، نا جوڑی نا بربادی ناقصہ غاتے بنگوٹ بے تاب

مسوٹ.....

بے وڑ مسوٹ اُسٹ کننا لار کرے خوڑوہ.....

چک اس اُفٹ کہ بال کیو بریو انداژن چک آتے خوایفیٹ کننا حال ء نے پار..... ای نے

انٹس پاوہ عمل کرای ء تا۔

جان من نے خبر ء کہ انسان فطرتاً لالچی ء مفاد پرست ء نادیر ہنین ء..... او نا دیر ء کیک ختم

کیک اودے نازندگی نانت پرواہ، نا ورنائی وزیائی تا نانت پرواہ۔ انسان ابلیس نا کسر ء

روان ء فی ہر..... نی مہمانی کیسہ او بریرہ کیرہ ملنڈ مسخرہ کیرہ، پدا کچرہ تے زیاتی تے

بچو کاتے کل ء نازی آشارہ کارہ۔

نی مسوس سگ نا گودی دا انسان نا گند آتے صفا کیسہ..... نے خازگ دوست اف۔ کنے خبر ء

صفا انگا گودی کچٹ خازگ ء امر برداشت کیک۔

کننا ساہ فی کنے ہر..... ای اندا انسان آتا وجہ آن تین ٹن گڑاس جاشار تختائٹ بن کننا کمانڈر

، شارک اسے خونخوار کسے درندہ صفت کسے، کمانڈر شارک ء انسان نازرس گندگا آدم خور کس

جوڑمیک۔ انسان آتے کپ کیک بٹک تینا پھڈ پُر کیک خاچک۔ کمانڈر شارک ناخلیس
آن انسان آک کنا نیمہ غابنگ آن لڑ زیرہ گڑ اس گنوک تب کہ گستاخی کیرہ۔ تو کنا کمانڈر
شارک ہرک بٹک تہ کشتی تے تاچی کیک مچھی تے ہم منہ وخت خوراک رسینگلک..... کنا
خزانہ پُر کیک کمانڈر شارک:

بن کنا ساہ کن تن اسہ بھوت شارک کس ہم ارے خٹک تاگوئی وانداجہ آن انسان آک خلیہ
ای آن تہ بھوت پارہ تا۔ نے خبر جھیل پری فینگ ٹوتھ مچھی کل آن خطرناک عدا کنا جزل ع
نظر تازرس کمزور عدا ڈان کڑمی ٹی رینگلک۔ ولے شکل تا خوفناک عذر سمندر بختہ مس
پارے.....

ہوں ہوں انسان تن مطلب انسان ناشکل آتن..... ہوں

فلمینگو ٹنگ سنیل کنا سپہ سالار، زہر آن پُر عدا اختہ پُر کہ کس ری آتہ انپک کس دوخلپک تہ
ہر کس دوخلک تہ زہر ناثر آن ختم مریمک۔ دا کنا خوراک کنا زہر یلا انگا پھل و بوج آتے
کنیک۔ انسان تہ علاج عدا جواں کیک زہر آن کسفک تہ!

نے خبر عدا کنا جان بندغاک روباوٹ جوڑ کرینو نا اراٹی مون تیرہ تا ننا خزانہ غاتہ پٹنگ
کن..... تینٹ فلمینگو ٹنگ سپہ سالار تا زہر آن خلیہ دا کہ

اسہ پین کن تن تیز وستانی و منو نو مچھی ہم کس ارے..... بندغ رنگ آن تاخلیک اواندن منون
ع

کنا جھیل پری..... ہے خیس خنی آ مچھی یاد نے اسہ واری نے باروٹ تا پارہ یسٹ بھلا بھلا
خیس آخن تن انسان عدا لہ تا پال*یات بریک۔

کنا داخیس خنی آسپاہی..... نے خبر عدا کہ ای داہیت آتے نے انتے پارہ اٹ..... اے
سادہ..... سرپند مرک انسان نافطرت عدا ہمون تینا رکھ آکن کمانڈر سپاہی تھک..... نے خبر عدا
کنا کنا ہر اسہد ارک کیرہ ایلوسہد ارک اوفقا خلکن آسوتے کیرہ۔ ہندا خول آک آکہ پچرہ
تو اوفتے ریک آتے حسیوہ.....

دانفے مخلوق مچھی ناخف پانک۔ اواندا فتنے زیبا خیرہ مچ کیرہ دیرہ..... سمندر اُست ناحب
ٹی مخا.....

انسان مچھی ناخف تے (بقول انسان) قیمتی سرپد مریمک..... ہا ہا ہا
کنا اسہ جاسوس اسے ”سمندری موکو“ پارہ تا دا ناٹنگ آک باز مرغورنگ تا مالٹائی عدا پوشکن
مالٹائی.....

انسان رنگ آن تا ہر ز کیک خوکا تا بٹک ولے اوانسان آتے خوک چلنگ و اوفقا ہیت آتے
پٹنگ کن ”نیل وھیل“ خرن آویل عدا تین تن تھک۔

واہنگرفش عدا تھک ایسنگر کنا جاسوس نمبرون عدا..... او کہ کاٹم آتا انڈینا کس خلوکے۔ دا انڈینا
بلف انبار چمٹک روشنا عدا توار آتے چلک کل حوال تے کنے آسریک اے کنا سادہ انگا جھیل
پری!

داخہ در مرغن و تران کس کنگ نا مطلب داوے..... کہ فی داخہ در ہنین مفہ کہ انسان نے
کُنے۔ اندا ڈان ای سوراٹ سمجھاس ایلو تینا رکھ آکن کنے انبار کرک۔ کمانڈر شارک، جاسوس
ایسنگر انبار و تین تن تھ۔ انسان آتا خلیفنگ و سراتنگ کن۔ فی ہر کہ مخلوق امر نے آن
مُر تَک

انسان نانے آن مری ٹی نازیائی ونا آبادتی نا وسمعی ودک۔ ذرس سور مرک۔ کئے انبار
پوموس کنا ساہ..... ناسمندرنادعاگو.....

سمندرواہیت آتے ختم کرے۔ زرس چپ مس پدا پارے..... اے ٹی ٹی ٹانگو کناہیت آتے
یات تخنگ کیسہ کہنا.....؟

ٹی ٹی ٹانگو پارے..... اے سمندرنی کنا ٹانگ آتے اخس دراشکن جنیہ ای انداخہ سمجھدار
اٹ ناہیت آتے کل اندن سرکیوہ ناساغا.....

ٹی ٹی ٹانگو بال کرے تاکہ اسکان خنگا کہ سمندر ہر یسہ کرے تا
پدا سگارک وابی بڈوک ہم موکل کریر بال کریر، جھیل پری ناہیمہ غا!

انچ پارے..... اے سمندرنی اندن کڑمب کس اندن شاہیت وپراخ اُس ناسوج اندن سوبر
.....

ای نے کن بڈالکت داسہ کئے موکل کہ کا جھیل پری آسر مریو ناہیت آتے ناجوزہ غاتن بیان
کیوہ۔ انچ بال کرے

سائرس بگلہ ایلوکل چک آک ”سمندر“ سلام و پاریسہ بال کریر۔ جھیل پری ناکنڈا کہ
پیغام و سرکیوہ..... سمندرنہ

☆☆☆

نیاڑی

مسٹرھ ناودی منگ و انتے بندغ آک خوش مفسہ؟

مسٹرھ پردہ پوش و لمہ باوہ نا..... سختی سوری ٹی کمک و گڑا انتے ودی منگ و تا خوش
مفسہ.....؟ وُرگل تینا لمہ واریفے

لمہ تافخ خاتون پارے..... مسٹرھ نا بخت آن خلیرہ بخت تا جوان مس لمہ باوہ خوش خدا امان
ایتے اگہ خراب مس تو مسٹرھ تن و اوار لمہ باوہ نازندہ ہم عذاب مر یک اندا خاطر آن و دی منگ
و تا فریشان مریرہ

وُرگل پارے..... برام آن مست مسٹرھ وایڑھ برام آن پدا زانیفہ مر یک نشار مر یک، لمہ
مر یک تا تہ مر یک.....

نیاڑی نا ذمہ وار یک کل فریشانیک نیاڑی نازی و چاہے و نشار و چاہے تا تہ و اے تو نیاڑی
، مسٹرھ نا برام و دھول کپسہ مسٹرھ ناہیمہ والا ک مسٹرھ نا لمہ چا پ آسلیپک.....

مسٹرھ نا لمہ جوانو پوسکنوچ لختی کپک..... ہمو نیاڑی مار نا برام و چاہے عمر ٹی پیر مرے ولے با
و مزواک یک بنارس ناچچ ہم بینک خوشی یک،

دافرق آتے نیاڑیک تینٹ کرینو..... نیاڑیک اسٹ ایلوٹے مخیرہ۔ طنز نا تفر آتے
خلیرہ، نرینہ غاتے تو سماف کہ انت کریسہ و نرینہ غاک تو بنارس ناچچ آتے ہر پسہ کہ مسٹرھ نا

برام و لختی کرئیس..... امر لمہ سہی پاوہ ای تو اندن خنائٹ؟

لمہ تافخ خاتون..... چلم ناکش کس الک..... زرس سوچا۔ پدا چلم و گڑ گڑو یفے.....

پارے دا خیالاک تو ننداوڑنگا بے خوانوک آ۔ نیاڑی، تاودنیا عختنان بس اُرائی پین انت
کیر نیاڑیک کاریم کس کریر تو کریر.....

پدا انداپندو پچار.....

دُرگل پارے..... کنا لمہ نی تو شام عئی وی ناڈرامہ غاتے کل عہر یسہ مجال اف کس ٹی وی ع
خبر آتے خلے..... ناڈرامہ ناقسط اُنکپ

لمہ تا چلم عکڑ کڑ یفسہ..... مول تے کشہ پارے شکر کبو، پچار کیرہ ایلو نیاڑی تاوڑ سہب ع اُرائی
کاریم روفہ و زان شام عئی وی.....

دُرگل پارے..... لمہ جان دا ہم دخت نازیان متنگ ع..... اگر نی عبادت کرک آخرت اٹ
کاریم ایٹک نے.....

لمہ تا فتح خاتون پارے..... باوہ ناخوانفتو نئے نہ سکول نہ دینی۔ اندن زندنا پوک مس داسہ
انت عبادت کروں ع نمازن خواننگ تپنہ۔

قرآن نن خواننگ تپنہ انت عبادت کین۔ چلم ع غصہ آن کڑ کڑ کڑ یفسہ انا.....

دُرگل پارے..... لمہ بس داخہ چلم ہم جوان اف صحت کہنا

لمہ تا چلم ع بوز آن تینا مکرے..... نل ع تا کشا چلم ع جوکا کرے۔ ٹوپنی ع تا رنے دوٹی ایلو
دوٹی گال ع کشا چلم آن دیرک چڑ یسہ اُسر چروک آدیر تیشی ٹوپنی تخوک آپون ع کسفہ۔ گال
ع چلم ٹی خلک ٹوپنی ع تخازی ع تا.....

دُرگل پارے ارف چلم ع بورچی خانہ ٹی درک تح!

دُرگل بحیسہ بش مس چلم ع ارفے درے بورچی خانہ ٹی تح۔ واپس بس.....

شام ع لمہ تا تینا ڈرامہ عہرا۔ ڈرامہ ختم مس۔

دُرگل ریمورٹ ع لمہ ناو آن الک..... چینل ع بدل کرے خبر آتے خلک

بریکنگ نیوز ٹی بنگ کس۔ اسہ نیاڑی کس سری وال آن کوہان پورا ایسہ کس تینا چنکا چناتن۔

کسر ٹی گاڑی تا خراب مسونے مسہ بندغ گاڑی ناشیشہ غاتے پرغانو چناتے دڑ یفسہ لمہ ع
تا چناتا مون ع لٹ تریسہ ریپ کرینو چنچ آتے تا اُرائو.....

اُخ..... لمہ انت خبر کس لمہ تا خف تورے تہ سرپند مس تہ پارے قیامت ع ضرور اُرخ کس
اف تا کہ تینا چناتے ارفینے رائی مسونے۔

دُرگل پارے..... لمہ اینو پگہ نیاڑیک پرواہ کپسہ گاڑی چلیفرہ تینٹ زینہ محتاج افس۔

لمہ تا پارے..... اگر زینہ کس تدمسکہ اندا بندغ آتا جرات متو کہ او فتنے دُن ذلیل وبے
عزت کیر۔

دُرگل پارے..... لمہ نیاڑی نا انت مرو۔

لمہ تا پارے..... الہہ خبر آتے بن پورا خبر آتیشی پارے۔

نیاڑی بے ہوش ع چناک خلکو کو خوفزدہ و بیان تننگ نا قابل افس۔ موبائل ناریکا رڈ رینگانے
پولیس سوچ روچ کتنکے۔

بازر و گناگار ظالم آتے سرمریہ

ارادے اندا ہیبت ہر کس نازبان کس مسٹیکو دے خبر آتیشی پاریر اربا بندغ الگوانو

نیاڑی ناتا تہ سخت مسونے غصہ ٹی کس چڑوک کس، نیاڑی ع لمہ ناتہ اُرائہ الہو کا اندارن نیاڑی
شاپنگ کن ایلوشارا بسونے ہموڑے کہ لمہ ع تا۔

لمہ تا اُراغا انا نے نن نادوانزده بجا اسکان لمہ ناری ء مسونے ارغ کنگونودوانزده بجا چناتے
ارینے سراکنے کسرتی ویران و جاگہ سے غا پٹول ختم مسونے گاڑی بند نیاڑی حیران
..... اندائی دادرندہ غاک بسونو..... ریپ کرینوتا

درگل نالمہ فتح خاتون پارے..... ننا باوہ غاک انداڑن پاریرہ کہ شام ناماز پدا راتن ہچ پیشن
مفیرے تینا اگہ پیشن اُرے تو شام آ ناماز آن مست تنے اُراغا سرکبو۔ ائیکہ شیطانی آ
مخلوق آک شام ناماز آن گد پیشن مریرہ.....

ننے چچن ٹی سفر کنگ کن الیتو ونم ننے آمخیرے ونے متکنا سوچ نابندغ پارے
اندائی درگل ناباوہ بس..... درگل کل خبرتے پارے تا

باوہ تا پارے..... ننا پیرہ غاک اندن تو پا تورہ کہ نیاڑی ناقعل کڑی ٹی ء
درگل پارے..... بابانی تو خوانو کو بندغ اسے کس داوڑ ناخیال تخیسہ

باوہ تا مخا پارے..... نی ہر او نیاڑی تینا منت ء ہوشیاری چالانی کرے کہ شاپنگ نابہانہ ٹی
لمہ ء تینا خنیوہ پدا بریوہ کس ء خبر تمپک

ہرنی داسا دروغ امر ڈھلنگ مریک مکہ

اگہ او نیاڑی تینا لمہ تا اُرا ٹی کس نن نادوانزده بجا اسکان تو چارگھنٹہ پین گدریفوس آذان
تاوخت ء پیشن تموس مون روشنائی مسکہ.....

گاڑی خراب مسکہ تو کس کس کمک ء تاکنگ کریکہ۔

دن رسوا بے آبرو متو کہ..... چار جماعت خوانگ عقل اف

کنا مطلب ہرگز دااف کہ ای نیاڑی تا علم و نیاڑی تا پیشن منگ نا خلاف اُٹ بگلہ دلش نا

صدر نیاڑی کس اس ننا وزیر اعظم اسے وار نیاڑی کس اس، برطانیہ نابادشاہ نیاڑی
سے۔ نیاڑیک بھلو بھلو کاریم کرینو۔ بس منہ گڑانا خیال ء تخیر کہ دروغ تڑپس داوڑ ہیبت ء
ڈھلنگ ہم تو دروغ نامتم اسے۔ ارغ نا اراوالاک اگہ ارفیرہ تا بغیر کس دا واقعہ منگ آن تو
نیاڑی دایقینا اندا پاریکہ کہ شاپنگ ٹی ارے مس ٹریفک زیات کس انداڑن ارے مس لمہ تن
تو لوک ارغ کنگ داہیبت ء ڈھکا کہ..... داہم دروغ ء

ایلون ٹی سفر کیک، نیاڑی ناعزت پیہن آ ہچ انبار ء اسے وارداغ لگا.....
زندگی بھر کن ارمان افسوز آن ہچ مفک.....

نیاڑی لمہ ء نیاڑی زندگی ء، نیاڑی رحمت ء ولے کنا مسٹر ہرب ہنا نیمہ غن گڑ اس حد مقرر و
اوفتے پارکپ تو نیاڑی جنت ناگودی ء نیاڑی دردنا درمان ء،

نیاڑی خن تا دید ء

بس گڑ اس خیال کہ.....

☆☆☆

دشمن

ابلیس جن آتا باوہ تینا کل نسل عینی ابلیس ع خوائفے (مردوزن) کل تاج مُسر.....

سوچ خلیسہ اُسُر کہ انت معاملہ.....!!

ابلیس پارے..... کنا اولاد نے خبرء کہ دا انسان تینے اشرف المخلوقات سمجھک، دافتا خیال ع کہ دا ذہنی و اخلاقی وڑاٹ نے کل آن بہتر و جوان ترقی یافتہ و کنا اولاد اینوای نے انداڑن خوائفیت کہ نم کنا دا دشمن ع خلنگ کن انت کنگ کیرے۔

کل تا سوچ خلگر..... اسہ مارُس تا پارے..... باوہ ابلیس ای انسان ع تکبر ٹی غرق کیوہ۔

ایلو مار پارے..... باوہ جان ای انسان ع عبادت کن الپہرہ۔

اسے پین مارُس تا پارے..... کنا جوانگا باوہ ابلیس ای نسل آدم ع نشہ ٹی غرق کیوہ۔ چرس بھنگ شیشہ، کرسٹل آکس تماخ، گوڑا کوہیر وُن۔

چار میکو مار تا پارے..... باوہ ابلیس جان ای دا نا دشمن انسان ع اندن و گناہ سیٹی غرق کیو اصل خبر تمپ تہ کہ گناہ کریسہ ع۔

ابلیس حیران مس اریفے کنا شیر انت کیسہ..... دنو انت گڑا اس ارے کہ انسان تپک تہ او غرق مریک۔

مار تا پارے..... ای او فتنے تعویژ جادو ٹی غرق کیوہ۔ گناہ ع کیرہ انسان خدمت خلق سمجھک تہ ای اوقتا عبادت ع اندا ٹی اشوہ۔

مسٹرھ تا خف تور یسہ کس سوچ خلیسہ کس پارے کنا باوہ جان ابلیس ای نا دا دشمن ع انسان ع زنا

ٹی غرق کیوہ۔

ایلو مار تا پچمیکو پارے..... ای انسان ع شراب ٹی غرق کیوہ۔

ارٹمیکو مسٹرھ تا پارے..... ای دا مغرور انسان تے پیسہ و دولت ناچ کنگ ٹی بدراہ کیوہ۔

ششمیکو مار تا پارے..... ای تینا باوہ کن دشمن ع طاقت نا کرسی نا نشہ ٹی غرق کیوہ۔

ہفتمیکو مار پارے..... ای شرک ٹی غرق کیوہ تا۔

مسمٹمیکو مسٹرھ پارے..... ای انسان آتے شاعری ٹی غرق کیوہ نرینہ نیاڑی کن و نیاڑی نرینہ کن گنوک مرے

شاعری کے جوڑہ غاک تا غلط مریرہ ہر گڑا ع سہی سمجھرہ ہر گڑا تے اللہ منع کرینے غزل پارہ، شیر خلیہ، خن تے جوڑ تے نازیفیرہ۔

اللہ نا تصور ع دماغ آتن تہ ختم کیوہ.....

ابلیس نازیفیرہ کل ع خف تورے۔ پدا ابلیس ع ہر پارے..... دا تو نسل کس ودی کریمنٹ نے فکر کنگ نا انت ضرورت ع۔ نی صرف پنج سال ایت کنا شیر آتے نی اُر کہ نا دشمن ع امر بدراہ کیرہ۔

ابلیس پارے..... سہی کنا چنک نم تن پنج سال ارے..... دا پنج سال ٹ نم تینا قابلیت ع نشان تننگ کیرے تینے اگہ نم کامیاب مسررے ت ای نے انعام ایتو اے محفل ع برخواست کرے۔

ابلیس ناچنک بش مسر تینا کاریم ع پورہ کنگ نا طریقہ پٹار کہ امر تینا باوہ نا دشمن ع خلین ختم کین اسے ہفتہ کس کل تا تینے برابر کریر و تینا پروگرام ع جنگی ساز و سامان تینے بیر فیر و شروع

مُسرُ فارنگ ۽۔

ابلیس ناز ایفہ ابلیس ۽ پارے..... داکل تا اسے اسے ذمہ داری ارفیر..... ای ہم نیکن اسے
کاریم کس کیوہ انسان ۽ دروغ ترفیوانت پارہ نادمک کہ دروغ کل خرابی تا برائی تا بند او ۽
..... تو ای او فتنے بند او آن ترفیوہ۔ دروغ ناروتہ تے بندغ ناباطن ٹی سوگو کیوہ

ابلیس خوش مس زایفہ کنا دشمن ۽ خلنگ نامہم ۽ او ارکن تن کنا کوپہ مس پارے..... واہ جی
عزازیل واہ انت لشکر کس جوڑ مس..... واہ

اسے دے کس ابلیس بال کریسہ کس خناملہ سے نادر وازہ نامون ۽ مچی کسے زیادہ نیاڑ کیوہ..... گد
آتیٹی بوک تینا واری نا انتظار کنگو او نیاڑی تا داغ آتے خوانا..... خننیاڑیک بزرگ نادوتا
زیارت و تینا منت و منشت آتیکن دم درود کن تو لوک ۽

ابلیس مون ۽ انا..... ملا ۽ ہر یولما باز خوش تو لوک ۽ نیاڑی سے تعویڑ کس تریسہ ۽ ورماغسہ ۽ کہ
امر کروئی ۽.....

ابلیس خوش مس تینا مارنا کاریم آن.....

بال کریسہ انا تینا اراغا، تینا عبادت آتے کرے چپ چپ زایفہ ۽ تینا ہم پاتو کہ ای انفس
خنٹ۔

بیگہ تو اُست تا پارے..... کا وایلو مار ۽ ہر یو کہ انت کریسہ ۽ بال کرے، بال کرے دانگ
اینگ ہر یسہ..... خنمانہ مار تو فک آک دوٹی و تا مارا سے خلکر و موڑ سائیکل ۽ تا ارفیر دزار
دریر..... اُخ اُخ اشرف المخلوقات..... اُخ..... ابلیس سلیس کہ لاش ۽ تا دیر دیک خنارا
برزخو ہم کن گد ریگا لاش ۽ خنار درست کریر لاش ۽ بڈ کریر کوپہ غا تخار..... گام خلیسہ اراغا

تہ سر کریر..... اُرائی تا ماتم مس

مارنالمہ دوتے ذانت تیٹی خلک و پدا بدعالت خلوکاتے.....

اُخ اُخ..... اشرف المخلوقات صبرنا مالک۔ انسان امر بدعالتک۔ اُخ کنا مار امر کاریم
کتنگے۔

شام تہار می مس ابلیس کاٹم آ دستار کس تھے لٹ کس ارفے بال کرے پین منزل کسے آخنا کوٹی
نادر وازہ بند ۽۔ چارزینہ تو لوک و شراب نابوئل کس تخوک ۽ گلاس آک شراب آن پرا و کباب
آک اوفا مون ۽ تخوکو۔ شراب و کباب ۽ خلیسہ او خوش و اشرف المخلوقات اُن..... اے اے
انسان اے انسان غافل.....

اوہر کہ کنا مار داڑے ہم سر سوبے۔ واہ جی واہ.....

بال کرے بس اراغا دستار ۽ کشالٹ ۽ مرتخانت ۽ مرینفے لیٹا..... اُست ٹی پارے کنا دشمن
امر مغرور مغوز کس کہ اشرف المخلوقات ۽.....

شرابی نا حساب کچک ناء نہ ایڑہلمہ نافرک ۽ تیا یک نہ ثواب و گناہ نافرک ۽۔

سوچ خلیسہ خاچا تنگان انا..... خرکا و کشا..... خرکا و۔

سُہب ۽ زایفہ تابش کرے تاغ آن اُخ کریسہ ابلیس بش مس پارے..... استواندن تنگان
انانت اصل خبر متانے کنے

زایفہ پارے..... ای ہم حیران دُن خرکا و کشاسہ..... وختس ای ہم مہالونے داوڑ بے غم
تنگان خنٹ!

ابلیس و زایفہ تا ناشتہ کریر تر و تازہ مُسر.....

اڑتو ماک تاسیل چکر کن اوار پیش تمار وبال کریسہ ہیئت کریسہ اسے جاگہ کس خنار۔ اسے
نرینہ کس تخت ء تو لوک ء بوٹ آک نئی و تابروت آتے تاب تریسہ ء بش مس غوریسہ تینا مون
ء تو لوک آغریو بندغ اسے لغت کس خلک مڑے۔ لمہ باوہ نا کریگ تس تہ وغور ٹی دانگ
اینگ ہر اسلوکا بندغ آتے تینا خدمت گار آتے بروٹ آتے ولد اتاب تس تخت آتوس،
سخت مغوز اس

ابلیس مخا..... زانیفہ ء تینا ہرا۔ زانیفہ تا اندن خوش مس کہ خوشی آن مون تا گروشک تسکہ
اڑتو ماک مخیسہ بال کریر.....
بال کریر پین منزل اسے آخنار مسیت ٹی آذان مس..... ابلیس زانیفہ تاسلیئر..... ہرار
ملا آذان تس ہفت ہشت بندغ ہر وضو کریر جماعت ٹی سلیئر..... ابلیس زانیفہ ء تینا پارے
..... دانگ اینگ بندغ آتے ہر انت کریسہ و نماز نا وخت ء
ابلیس نا زانیفہ ہرا..... ای ای گڑ اس تمغ پاٹو کریسہ و گڑ اس غیبت کریسہ و گڑ اس دفتر آتیی
تو لوک کرسی تے آچاء کنیسہ و۔

گڑ اس جاگہ نرینہ نیاڑ یک اسٹ ایلو ء چو الیہ و محبت محبت خلیسہ او
ابلیس مخا پارے..... کنا چنک کاریم کنگلو او فک تینا باوہ نا دشمن ء خلنگ ٹی و
ابلیس نا زانیفہ پارے..... دروای بال کریسہ اسٹ تہارمی ٹی ہر نیمہ غدی نرینہ نیاڑی غرق
اُسر۔ نایٹ کلب آتیی ہمو محفل کس اگہ فی خنوس تہ خوشی آن بال کریسہ دروڈ ہیک آتیی
شاعر آتا شاعری کس و نرینہ نیاڑی تاستی نا حوال ء نے پانگ کتوٹ تینا کاریم تیی اختہ
اسٹ.....

آدم ناسل دروغ ء بہادری پانک، دروغ ٹی تینا کاریم تے کریفک، ترقی الیک، فخریک تینا
دادروغ تڑنگ ناہنر ء

ابلیس پارے..... بس داسا پنج سال گدرینگار پگہ نیمروچ ء دعوت کرک چناتیکن بریر حوال
کین تا۔ اوارارغ کین ناہم است خوش مرے

زانیفہ تا پارے..... جی تینا ابلیس جان کہ اندن مریک..... بال کریر اراغا ہر۔
ایلو سہب ء زانیفہ تا کل چناتے کلہو تس نیمروچ نا دعوت نا، کوفتہ، سچی، بریانی و حلوہ ہر گڑ اتیار
کرے پڑونک ء تالان کرے۔ نیمروچ ء چنک تا ہر، دوتے سلار و دسترخوان ء تو سر
دعوت ء نوش کریر کنگ آن کہ فارغ مسر

داسہ ابلیس پارے..... کنا ورناک حوال کیونے کہ دا پنج سال ٹی انت کریرے باوہ نا دشمن
ٹن

اولیکو مارتا پارے..... ای اندن کریٹ انسان ء کہ ہراسٹ تا سردار نواب ء ہراسٹ تا میر ء
ہراسٹ تینے زیبا سمجھک۔ ایلوڈے ملنڈ خلک۔

ارٹیکو پارے..... باوہ داسہ ملاک آذان ایترہ جماعت ٹی چری آ بندغ آک وختس سلیرہ
وختس چار بندغ مرور بس ایلوکل غیبت وچلم ٹی اختہ مسر.....

داسہ لٹ ایترہ نماز خوانگ کپسہ روچا غاتیی دے درست خاچوک۔ نن ٹی شراب نا بوتل ء
خلیرہ

ایلو مارتا پارے..... سہی پارلس نرینہ نرینہ ء نیاڑ یک تا شراب نوشی ء دولت مندی نا نشانی
سمجھہ۔

نیاڑ یک بے آستونک آچھ آتیٹی نامحرم آتامون آچرینگره وودوپہ ووشراب ٹی غرق او۔
 مسٹرھ تا پارے..... بابا ابلیس جان داسہ نی خوش کس تینا اولاد آن؟ نادشمن ۽ دن غرق کرین
 کہ سُم تا ضرورت اف تا، غرور، تکبر، شرک، اللہ غن علاوہ، بندغ ۽ سجدہ کیرہ، چائے وہ سردار
 ، نواب مرے، چودھری یا وڈیرہ مرے یا ملّا تا گدی نشین مرے۔ دافنہ مون ۽ کاٹم تنگ
 شرک ٹی بریک۔

بابا ابلیس ملاک نن درستان تعویز نوشتہ کیرہ۔ انیس کہ پان نہ نوشتہ کیرہ دادے خدمت ۽ خلقت
 سمجھرہ۔ اُسٹ آن دریر گیرام کریر کہ رب پاک تعویز نوشتہ کروک و تعویز کر لیکو آتا باروٹ
 انت پارے سُس۔ اندن باوہ جان چرس ناسر آتیٹی گنوکو۔ بھنگ آتے شردہ کیرہ دھال
 کیرہ، خوش و کہ نن انسان اُن اشرف المخلوقات اُن مسٹرھ تا مون ۽ پارے باوہ ابلیس نن
 داسہ اوفتہ اندن چکر سیٹی شاغان دا چکر آن تینے بچ انسان کشنگ کپک۔ چرس بھنگ نانشہ
 آن تینے کشنگ کپک چُکا چُکا تے تا چرسی بھنگی کرین چرس نامول * تے کنیرہ۔ مسے گھنہ
 اسکان سُرٹ مریرہ۔ انیس پاس کیرہ..... آہا..... آہا..... کھلاڑی، پائلٹ، ڈاکٹر، نرس کل
 چرس کشیرہ..... آہا، ڈرائیور آک تو بھنگ و چرس ناشہدائی ۽ انیکہ موڈ تا خوشگوار مریک خنگ
 تا خمار مریرہ۔ شاعری میوزک دوست بریک تہ۔ بلا وجہ اسٹ ایلوڑے شک کیرہ، آہا..... آہا
 آہا۔ شراب عقل آتے تہ پردہ شاغک، حرام ۽ شراب انسان حرام کارمس جو آخلیرہ دے ونن
 ہرکس جو آغا بایک ایلوڑون دشمنی کیک۔

نامیٹ کلب و ذاتی کلب تیٹی ناچ ولوچی نامحفل آکو۔ اللہ نا عبادت ۽ گیرام کریر۔ غافل
 مسر، نرینہ نرینہ تن بدکاری کیک مردانگی پاک تہ بابا ابلیس.....

آہا آہا۔ نشہ نا عادی بندغ نامثال بت پرست ناء ہرکس بوتل ۽ تس نہ سجدہ کیک تا۔ بعض
 آ بندغاک شراب کنگ نا وجہ آن کور ہم مسنواو تینا سوچنگ نا صلاحیت ۽ گوہر ۽ ختم کرینو چو
 گڑ اسے نالائخ سلقتو..... آہا آہا.....
 مسٹرھ تا مون ۽ پارے..... نن تینا بابا نادشمن ۽ اندن خلکن کہ اودے تو فک و سُم بم و بارود نا
 ضرورت مفک تینا دشمن ۽ خلنگ کن.....
 مسٹرھ تا داهیت آتے کنگ آن پدچپ کرے۔

تو ابلیس پارے..... کنا چناک بنو آدم آن تا اینوا سکان آدم زاد ۽ ای ہروڑاٹ خلنگ نا
 کوشش کریٹ ہر دورا ٹی کل بندغ آک تینا کسر ۽ بسر.....
 ولے گڑ اس بندغ اندنو کہ اوفتہ نہ لنگڑی اللہ نا کسر آن مُر کرے نہ نا جوڑی و نادراخی، نا کہ
 تنیائی و نہ ای اوفتہ شراب و جو آٹی غرق کنگ کریٹ اللہ نا ہیبت راست مس کہ ہرکس کنا
 راستی نا استی سجدہ گزار ۽ اودے نی بدراہ کنگ کپسہ۔

کنا چناک داهمو دور ۽ کہ دادورا ٹی اصلی انسان، اصلی سجدہ گزارنتی بے نا برابر ۽ ضرور
 داهمو دور ۽ کہ کنا مہلت ختم مریک۔ کنا چناک اندامنہ انسان کہ لالچ و ہوس ان پاک
 راست گو و سجدہ گزار ۽ رب وای تینا دشمن تن اسٹی محبت کریٹ ولے دامنٹ و منٹ ایلوکل
 انسان آک خلنگار مطلب بدراہ مسر دامنٹ کنے آ زور مسر۔ اصل انسان مضبوط دشمن کہ ای
 اوفتہ بند کریٹ کنے چونکہ متکبر پاریر آسمان اُن دُعار ۽ مون تسر۔ ای ہم مہلت الکت کہ
 انسان تے آزمائقیوہ ای انداڑن دن کریٹ۔ اصلی انسان بچا زور مس انسان ای و انسان نا
 دشمن صرف انداڑن مسوٹ۔ داسہ کنے توبہ ۽ ہومونٹ آن کہ اوفتہ ای بدراہ کنگ کٹوٹ او

تینا نفسِ کنٹرول کریر..... پیازٹی ارغ کنگر، سختی تے سگار رب ۽ توکل کریر، ہموکٹار کا میاب
مُسّر۔

☆☆☆

نازگر

فریدہ ۽ مارٹس مس۔ دامارناودی منگ فریدہ ۽ اندن مشغول کرے کہ تینا جند ۽ گیرام کرے۔
پورا دے مارٹا خیال ٹی لگا کس۔ مارنا پاد جٹا کس ہڑ دے چادر آک تہ بدل کنگارہ۔ گلاس
چمچ، بوتل، تالی ہر گڑا ۽ تاجتا کس۔
مارتا گوکلا ۽ شروع کرے۔ فریدہ بس مونٹی تے کس کہ گڑا اس باٹی کپ.....
گوکلا آن چرینگ ۽ بس.....
فریدہ ہرانگ کہ انا کہ سیالی کن، پُرس و فاتح کن مارنا کل گڑا تے چتکو بیگ سیٹی کریک تین تن
ارفیکہ۔
مارتہ چرینگ (تائتہ کریسہ) آن سکول ناعمر ۽ سر مس داسہ فریدہ تھرماس وٹفن ۽ تینا ناشتہ آن
مُسٹ جوڑ کریک و دعا تیٹی بستہ ٹی تاتھا کہ۔
ہر کس فریدہ ۽ رماغا کہ دُن کپہ۔ داچنانا عادت آتے نی خراب کیسہ بے شک صفائی
کرک۔ صفائی پارہ کہ نصف ایمان ۽ ولے چن ۽ دن گنوک کس جوڑ کپہ۔
فریدہ کس بنا ہیبت ۽ البتو۔ وخت گدرینکسہ کرے مارتا بلن مس فٹ بال کن انا کہ تھرماس ۽
تین تن ارفیکہ سکول ۽ تو تھرماس بیگ ٹی کس۔
مَش تے سگت آتن انا کہ تھرماس وٹفن بغلٹی اُس۔ کس بنا اُراغہ انا کہ تو ارغ
کنو کا۔ پاریکہ کنا طبیعت خراب ۽ پینگن افٹ۔
ذرس تو سکہ تو ستوکا والا اُراغہ بسکہ بنگ تون شور شروع کریکہ بیگنی آن.....

لمہ تازو زوارغ بسیکہ جی جی کر سیکہ تسکے تا، لمہ ناتا ختئی سکون نس بسکے۔ کہ مارکنا کنگک
نہ شارآن پیشن لمہ آن بغیرانا کہ نہ لمہ ء جاگس انگ کن الا کہ۔

لمہ اوڑکن ارغ بسیکہ کچ جوڑ کر یکہ۔ پین کس نادو ننا تے کتھو کا۔ فریدہ تینا مارنا خدمت ء کر یکہ۔

اسے دے نس اُرانہ تامہمان بس مہمانک ہم تینا سیالک اسورہ۔ وہ یک شنبہ نادے نس یک شنبہ عاتے بازار بند مسکہ۔ مہمان ناچناک تیز اسور، فریدہ نامارنا سائیکل ء افریر حویلی ٹی چلیفیر چلیفیر پیشن دریر چلیفیر۔ فریدہ نامار خناتہ اُست تالار کرے مون ناخین پو شکن مس درپ درپ درپ قدم تخبہ بس۔

لمہ او..... لمہ تاچنا تے سائیکل ء ارفنگ ء خناس سر پند مس کہ انت ویل اسے.....

پارے جی کنما مار..... پالمہ خیرات انت مس

مارتا پارے..... داسائیکل ء ایت تینا سیال آتے ای داسہ خوا پرہ تا۔

ہچ ارفر تہ لمہ تا دلا سہ تر سہ..... پرواہ نس اف صبر کرک مہمانک کار، ولد اہرینہ۔

ارادے مہمانک ہموڑے مسر، فریدہ نامار تینا کمرہ ٹی ارغ ء دیر کنزگا کہ۔

اندن کہ مہمانک انار فریدہ نامار تینا پاٹ پرغو کا مردک ء تو ار کرے پارے ماما کریم ارف کنا سائیکل ء در تینا چناتے کن

ماما کریم خوشی آن بال کرے پارے..... خواجہ خیرات نانت تیکن مریو ای کنا چناک نیک دعا کینہ نے زندگی بھر..... غریب ناء اللہ بنگ۔

شام ء داقصہ باوہ ء تا خبر تما۔ است تارنا نا زگری ء سخت خراب مس پارے اگہ کس تا ہچ

آتے دو خلیہ یا مجبوری ٹی لختی کے گڑانی امر کیسہ۔

مارتا پارے..... ہچ آتے اودے ایتو تینٹ چادر سیٹی ہم گزارہ کیوہ۔ نہہ ای کس بنا کنو کا گلاس ٹی دیر کنیوانہ ای تالی ٹی۔

کنا گڑا تے دو خلیہ بوکنے دوست بنگ۔

باوہ تا باز قصہ و ہیبت پارے تا..... ولے مارتا داقصہ آن بنگ اے خف ان کشاتہ پارے ای داقصہ عاتے تینٹ خواناٹ سر پند اٹ انا تینا خواننگ و کاریم ء وخت گدریتنگسہ کرے۔ ہر جاگہ مشہور نس کہ فریدہ نامار کس بنا دو بنا گڑا ء کنپک۔ کس بنا گڑا ء ارفپک۔ استعمال کپک

فریدہ نامار امتحان نس پاس کرے اسٹنٹ کمشنر لگا۔ فریدہ خوشی آن مسرھ نس پٹا رسال رائی کرے کہ مارے برام ایتو۔

ہیبت و گپ ٹہا۔ سانگ ء فریدہ اندامہمانتے ہم خوا کفے ہمو کہ مالہ بسوسر

دانا ہمو چنا اے کہ سائیکل نا ارفیسر گلاس ٹی تادیر کنگوسر دافتے کہ

معلوم مس اڑ تو ماک تانسے وارے حیران مریسہ بخار پاریر

ہمونا زگرنا سانگ ء..... ہا ہا ہا.....

ہمو فتا باوہ پارے..... داہم ہر بو کہ اینو وہ اسٹنٹ کمشنر ء غم ہندن سائیکل چلیفیرے

☆☆☆

کوئلہ نامش تیبی زند

حکومت ترقی نا پوسکن آپالیسی ناپڑوئے کرے۔

بھلا عہدہ غا ترقی کن ہر اسٹے چار تو ٹریننگ کس کروئی تمک و امتحان تروئی تمک اگہ کس دا امتحان پاس کرے تو ترقی تا مریک۔ نا تو مفک پدا ہمو عہدہ و گریڈ سلیک۔

مرادی ناپن ہندا ٹریننگ ع کرو کا تیبی بس داسال مرادی ہم اگہ ٹریننگ ع مکمل کنگ آن گڈ امتحان ٹی پاس مس تو ایلو عہدہ غا ترقی تا مریک۔ مرادی خوش ہم کس فریشان ہم اُرا نا کل ذمہ وار یک۔ امر کروٹ (؟)

سُہب ہشت بجا غا تربیت گاہ غا سرمروئی کس پنچ منٹ ہر کس ہرے کروس جواب طلی تا مسکہ شام تا ہشت بجاسکان ہموڑے گروپ آتے ٹی کاریم کریفیرہ تا پٹ و پول نا کاریم دوارہ واقار پورٹ جوڑ کنگ و دافنے کل نامون ع بیان کنگ باز زور و کاریم کس اس۔

مرادی نا اُرخ باز بد چوچ کس اس..... مرادی کن کل آن زیات فریشانی اُرخ نا بد چوچ و اُرا نا کس

اوہر سُہب ع آذان تے بش مسکہ کل خاہوت ناشتے جوڑ کر یکہ تخاکہ۔

نیمروچ نا اُرخ و کتھ تے تیار کر یکہ تخاکہ، پدا تینے تیار کر یکہ پیالہ کس چاء نا کنگ کتو کہ رائی مسکہ کہ وخت آسرم یوانتیکہ اگہ اسہ بندغ سینا مسے وار جواب طلی مروں تو اودے ترتیب گاہ آن فارغ کریہ۔

ہمو بندغ نا ایلو عہدہ غا ترقی متو کہ اودے نا اہل کس و نا لائخ پارنگ کہ وخت نا پابندی کنگ

کپسہ و کاریم نالائخ آفیس۔

ہر بندغ ہندا کوشش کر یکہ کہ وخت آکا و زندہ نا خوار یک کنا پوک مفس۔

مرادی پورا دے تربیت گاہ ٹی خوانا کا و کاریم کر یکہ پدا اُرا نا ہڑ و جبال آک۔ بسترہ غا اندن تما کہ بے سدھ سُہب ع آلا رم ٹاٹر ٹران ہچسہ واپس مشین انبار شروع مسکہ۔

اسے دے کس مرادی ع اونا گروپ ع ہشت بندغ ناپٹ و پول کن کوئلہ نامش تیبی رائی کریر۔ دا تربیت گاہ نا بھلا مالہہ حکومت وخت ہم اطلاع کرے سس و کوئلہ نامش تا مالک آرے گہ نا آفسرک بریرہ نم تعاون کیرے ای تن تا ارا گاڑی نا ہم بند و بست ع کریفیس۔

مرادی وادنا ہشت گروپ ممبر گاڑی تیبی سوار مسر و کوئلہ نامش تے رائی مسر.....

گاڑی انسہ انسہ پولیس اسٹیشن آسرس اوکن پولیس نا گاڑی گاٹ آک گاڑی ٹی سوار مسر و یوں یوں کریسہ مش تے رسیفیر

پولیس نا گاڑی سلیس، ڈرا نیوڈنگا پارے..... صاحب جی گاڑیک داکان مون آانگ کپسہ

کل گاڑی تن دڑنگار، دا گروپ ٹی تینا مرادی نیاز ٹی کس اس پارے ای امر دامش تے لگوٹ گروپ نامبر آک پاریر نی گاڑی ٹی تول نن کا نہ مش ع نا کاریم ع کن کینہ۔

ولے مرادی پارے ہیٹ داف ای ہم دا بندغ آتے داجا گہ ع اُنگ خواوہ پولیس نا سپاہی پارے نم پیادہ سرا لبو۔ نن پولیس نا گاڑی ٹی ایلو سر آن گودی ع سر کینہ۔

گروپ نامبر آک مش ع لکنک شروع کریر مرادی گاڑی ٹی سواری مس پولیس والا ایلو کسر آن زرس خطرناک کس ولے مہارت اٹ مرادی ع کوئلہ نامش نازی ع سر کریر۔

مرادی پولیس ناگاڑی آن دڑنگا پارے.....منت وار ایلیم کنا مشکل ء آسان کریرہ، اندن دامش ء لنگ کناوس ائی الو

زرس مون آ انا تینا گروپ ممبر آتے اُننگ کن اسٹ اسٹ ء مش نازی آلنگ آ اُسُر۔
اوہم تسہ.....اُخ آف کریسہ۔ مش آشیف اسکان کونلہ ناچنڈ آک شولوک اُسُر.....مرادی ناخیال ء مش ہنداوے۔

ولے اسہ گروپ ممبر کس تا پارے بوداڑے کس ء اربفن، مون آ انا ر.....
ارازاونا کوئی اسور، ارامسے دلا تخوک اسور سیجا ٹی.....ارامسے پنوکور یڑھی سلوک اسور.....منہ
گوئی کونلہ آن پُر اسور.....ہریمہ غا عجیب وگند کس اس
ہندا ٹی زاون کوئی آن اسہ مردک کس پشن تما بس
گروپ نانرینہ ممبر آک سلام بیڑای آتا
مردک پارے.....جی باوہ نم ننے آن اغتس خوارے دروننے اطلاع رسیگان تن اغتس
ارے کہ نم ہریرے تا

گروپ ناممبر کس پارے ننے کونلہ نامش ء ہروئی ء کہ نم امرخواری ٹی کونلہ کشیر ء
مردک پارے کانو کن تن مرادی ہم اوفتارنداٹ روان مس۔ پشن نیمہ سے آ انا رریل نا
پڑی انبارو پڑی کس خلوک کس پڑی سیدھامس ناتھی انیسہ کس۔ پڑی آ انیسہ سرنگ کسے ٹی
پے آ.....

اندامردک پارے۔ کونلہ نامش تودا کن شروع مریک۔ سرنگ ء خوڑتی ٹی مرادی ہر۔ پاٹ نا
سیبوٹن تفوک کس مردک مونٹی دارند ٹی انیسہ تہارمہ کس۔

موبائل آتالا ہیٹ آتے خکر زرس روشنائی مس۔

مردک پارے.....ننازند نا سختی تے ہر بوداڑے بجلی اف۔ چراغ خاخر لنگ نا خلیس آن
تخنک کنگ کپنہ، داسہ کل مونجا مریسہ اسور۔

اُخس مردک مون آ گام خلیسہ کس کل نا اُسٹ نادریمہ زیات مریسہ کس، ہریمہ غا گند دُنکہ
کونلہ ہشنگ نا گندانن سرنگ ٹی انیسہ گند زیات مریسہ منہ گروپ ممبر پاریر۔

نہ بابانن پین سرنگ ٹی اڈ کنگ کپنہ دا گند ٹی رینگ کنگ کپنہ واپس مسور.....

ارمان کریسہ مرادی ء دا زند ء خوک آن خنگ نا حُب، خواہش کس وہ پارے ای کاوہ آخیر
اسکان اندا ٹی اسہ ریڑھی کس بس مش ناتہہ اوکونلہ ناہفت ہشت گوئی تخوک اُسُر زی آتا۔

ہمورالبدہ مردک پارے.....جناب سلبو، دار یڑھی کونلہ غاتے پشن دے سرکے برے
واپس کڑامون آہر کس کاہک دا ٹی رائی کینہ تا۔

ہمومردک تینا زند و حالیت نا بارواٹ پارے کہ داڑے کنگ کہ دیراف، باز مرسائیکل آ
پایادہ کا نہ دیراتینہ۔ یا تو ٹی اسہ وار اراٹیکر بریرہ.....

سُہب ء آذان تے تن دامش ناتھی کانڑتے ٹی کا نہ، کونلہ کشنہ وگوئی تیٹی شاغنے شام ء پشن
برینہ.....

خدا امان اسیتے اگہ خاخر لگا۔ تو نن پٹان ختم مسون، دھما کہ مس مش دڑانن زند ء اِلان ایتیکہ
داڑے بچ و انتظام اف اسہ کاٹم ناخُل * ناگولی کس ننے رسیٹلک !

داخہ وخت سرنگ ٹی سلینگ آن اراپین ممبر ناطب خراب مس۔
دامردک پارے پشن انبوتازہ تہو ٹی او واپس رائی مسور۔

ریڑھی بس، مرادی واسہ پین ممبر نئے ناکاٹم تہ لایٹ والا ٹوپ آتے خلک ماسک تفریر، خنتے عینک آتے خلک یا اللہ کری، مردک ریڑھی ءِ ژوف ژوفہ سرنگ ٹی توار پین زیات خوفناک لگا کہ ژوف کریسہ شیف درسہ شیف شیف، ہزار آف شیف اُف، موت ءِ موت، اینگن کار بن ناگند زیات مریسہ کس

تہارمہ، تہارمہ لگ تہارمہ مرادی پرادر کرے کوکار کرے۔ کنے چکر بریسہ ءِ کنا اُست خراب منگ ءِ واپس واپس، مردک اسہ جاگہ کس ریڑھی ءِ سلیفے پارے داڑے انتظام اف کہ ریڑھی مون ءِ کاٹ کے نم دڑ بو اڑتو ماک دڑنگار، دامردک و مرادی ناگروپ ممبر مشکل سیٹی دوٹی چکسہ گاڑی نامون ءِ بدل کریں۔ واپسی کن پشن نانیمہ غاریڑھی ءِ برابر کریں۔

ہمو مردک پارے تولبو۔ ریڑھی ءِ اڑتو ماک تہ مونجا، توسرور ریڑھی ژوف..... ژوف گڑگڑا خ مش ٹی لگا کہ توار سرنگ تہارمہ، ژوفسہ ریڑھی روشنائی کن بریسہ بریسہ سرنگ ناباغا بس، سرنگ آن پشن بس کل گروپ ممبرک مرادی کن خاص کر پریشان اسور کہ نیازی سے امرہمت کرے مش ناتھی انا

شیف، ریڑھی ءِ خنار ریڑھی نانیمہ غاگام خلیسہ بسور مرادی نا حالہ خراب کس اسے وار غڑاچ متس،..... اُلٹی کرے

مردک پارے..... سہی مریک تازہ تہوٹی زرس البیو تہ مرادی باءِ تینا ٹشو پیر ٹی پاک کرے..... اسہ گروپ ممبر کس بوتل ناباءِ ملا دو تے آتا دیر شاغا پارے مون سِل

مرادی مون ءِ تینا سِلا، دو تے سِلا دوک تا اندن مَنون مسوئر..... دُنکہ وخت نامولی *آ بخاری ناتھی ٹل اسکان لگے پدی برے

مونی تیی بوتل ءِ ار فے مرادی بوز ءِ تینا تَخا۔ گلم کس دیر کنگ۔ زور زور آن دمہ الک تازہ انگا تہوٹی..... برابر مریسہ کرے، بش مس۔ ریڑھی آن دڑنگا نک تاخوف آن لڑارہ

دا تہارمہ ٹی داگند ٹی، اندازہ الوتہ کہ شیف کاوہ مش نا کا خرتے ٹی اونا خیال کس اندن زرس مون ءِ مزوک سلوک مرو راودے بخیر کرور۔

ولے اندازہ تار دمس مش نازی ءِ ہموڑے کہ کوئلہ تے شولا سُر۔ ری ءِ تے صفا و جاگہ کس توسس ہکل ہموڑے ری آتا بسور.....

مردک وریڑھی والا اڑتو ماک بسور پاریر۔ دا کچڑا تے تو سُر ءِ۔ ہرا کوئلہ کہ ننا کاریم نامف، بورافتہ مرے، بورافتہ غاتے نن داڑے شولینہ

مرادی مخا پارے..... نن اولیکو وار کہ گاڑی آن دا جاگہ ءِ خنان سمجان کوئلہ نامش اندادے مردک مخا پارے اگہ دامش مروس تو ننا بخت کس نن مش ناتھی کانا کانا شیف شیف گڑا خنتہ کوئلہ تے پرغسہ گونی تیی شانا

پدا ہمو بندغ ننا گونی تے تینا کوپہ غاتخک ریڑھی اسکان سرکنگ کن ہمووختے نناکل نا ذہن آتیی بیرہ اسہ ہیئت کس مریک کہ ننا مون ءِ انوکا مزور آن گونی تمپ نہ تو خیر ءِ بروکا تا مرک پک ءِ.....

ہمو مردک پارے..... ننا گیشتری مزور سنگت آک گیس ناسبب بے ہوش مریرہ۔ باز تو اندن ختم مریرہ کہ دماغ آک تہ ولد رانچ کاریم کپسہ.....

وانک دوک تا کاریم ءالیرہ مفلوج مریرہ ہمیشہ ہمیشہ کن۔ یا باز سنگت آتے منہ وخت داڑے کاریم کنگ آن گڈ پف ناکینسر مریک

مرادی پارے..... دانے خبر ءکار بن مونو آکسائیڈ نا اثر آکو۔

شاباس ءے نئے دا بھلا جغرتون کہ نم تینا زندے داڑے دا کار بن نا گیس وکانزٹیٹ تدفیرے نئے ہر کہ منہ ساہت کہ نساہ بند مس.....!

مردک پارے..... کنا گودی باز وخت ننا سنگت آک تھئی او کہ خاخر لکلیک۔ کوشش کینہ کہ اسٹ ایلو ءجھفین ولے خاخر نازور ءکار ڈاڑن مش نا کرداک برسہ اُشنگسہ زوترہ اوکانزٹی تروک پاٹ نا باسلیک ہم اُشنگرہ اوکانزیکدم تمک..... او داڑن مزوک ڈم بلیرہ لاشک تا کشنگ مفسہ.....

گروپ نامبرئس پارے..... ظاہرے متھین گیس آن خاخر لکلیک باز خطرناک ءمش نانا میٹ گیس آن پُر آجاگہ غازندگی نما ہمت ءاہلم کہ نم داڑے برداشت کیرے ہمو مردک پارے..... مجبوری ءکنا اہلم اندن دے بریک داڑے تینا زندے خطرہ ٹی شاغک، اُراچناک تینا ءخوارہ کہ نا مجبوری آن غربی آن دا مشینی بسونن زندے گداریفینہ

مردک پدا پارے..... ریسکیو ناچ انتظام اف نہ سہی خوراک ہ پین بس ننا کچک نازندے.....

پورادے کچک انبار کاریم کنگ نانے صد یاد و صدروپی رسینگک نم تیٹ سوچ خلبو صد یاد و صد ءتن چنانیکن مون ایتن یاد مش تیٹ تین کن داروئس ہلین۔

گروپ ممبرک مردک آتن اجازت کریر مرادی پولیس نا گاڑی ٹی سوار مس وایلو ممبر آک مش آن دڑنگسہ انارتینا گاڑی تے سر مسور.....

مرادی ءہم پولیس نا گاڑی گروپ ممبر آتے سر کرے.....

مرادی پولیس نا گاڑی آن دڑنگا، تینا گروپ تن گاڑی ٹی سوار مس۔

گاڑیک واپس شار کہ سر ہلکر.....

کسرتی تین تن پاریسہ اخہ درمشکل ءمش نادا کانزٹیٹ زندگی کنگ

ایلو پارے..... اوہم کوئلہ نامش تیٹ ہر نیمہ غا کار بن مونو آکسائیڈ کار بن ڈائی آکسائیڈ ہیتھن گیس ہر نیمہ غا ہر گام ءخاخر لکنگ نا خطرہ۔

بے ہوش متنگ نا خطرہ وولد اپین فچ و آسراتی سینانہ متنگ.....

سوچنگ ہم مشکل ءکہ رکھوئی آاز باب آتن بغیر داسنگلاخ آمش تا سینہ تے پھر غیسہ کولہ کشنگ.....

او فک کانزٹیٹ کاریم کردک مزور تازند و حالیت ناچ گیرام اپر وکاندرہ تیٹ گم اوفنا بارواٹ سوچسہ تینا آسرات آتر بیت گا غا سر مسور

☆☆☆

اوتان کلچر اکیڈمی بلوچستان ناداوخت اسکان شینک مروک آکتاباک

نمبر شمار	کتاب	نوشته کار	صنف	شینک سال
1	ہجر نامہ	یار جان زیب	براہوئی مجموعہ کلام	2017ء
2	شہزادہ فردوس	خالد اسیر	منظوم احادیث	2018ء
3	مہروان	عنخوار حیات	براہوئی مجموعہ کلام	2019ء
4	دژداتالوار	رفیق شوباز	براہوئی مجموعہ کلام	2019ء
5	مہر ایسر مفک	یار جان زیب	براہوئی نال	2019ء
6	سرتاج مدینہ	خالد اسیر	براہوئی نعتیہ شاعری	2019ء
7	زندہ زندان اسے	عنخوار حیات	براہوئی افسانہ	2020ء
8	شاری وچاکلیٹ نافیکٹری	حماد مینگل	ترجمہ	2020ء
9	چراغ ناروشنائی	عنبرین مینگل	براہوئی ناول	2020ء
10	کوہ باتل	عنبرین مینگل	براہوئی افسانہ	2021ء

ڈاکٹر عنبرین مینگل ناداوخت اسکان شینک مروک آکتاباک

نمبر شمار	کتاب	صنف	شینک سال	شینک کا رادارہ
۱	پہاڑی عقاب	واقعات، اُردو	2007	قلات پبلشرز
۲	چاندی کی ٹہنی	بچوں کے لئے کہانیاں	2008	پائلٹ ایجوکیشنل پروڈکٹس لاہور
۳	سُہب نامنزل مُراف	براہوئی افسانہ	2009	براہوئی ادبی سوسائٹی
۴	پراک آتابال	چناتے کہ کہہ	2019	نیوکالچ پبلی کیشنز
۵	اللہ اکبر	واقعات، براہوئی	2020	رخشان پبلشرز
۶	چراغ ناروشنائی	براہوئی ناول	2020	اوتان کلچر اکیڈمی
۷	کوہ باتل	براہوئی افسانہ	2021ء	اوتان کلچر اکیڈمی

